


Carlo Demichelis

Nòte ëd n'arsercadur an oension (material amatorial)

Fìsica

Mecànica Quantistica

Session ses



Socià al pòst amatorial dla ragnà

<http://digilander.libero.it/dotor43>

página venida

Prefassion e avertense

Èl but ëd costa session a l'é sempe l'istéss ëd col ch'a l'ha portà a campé giù le session ch'a ven-o prima.. I arpetoma che, beleché l'autor a sia un fisich e a l'abia fàit l'arsercador tuta soa vita ëd travaj, vist che a l'é mai stàit sò mesté ël mostré a l'Università, tut ël material arportà ambelessì a venta che a sia pijà coma **diletantistich**.

An efét ste nòte a son sempe socià al pòst "web" (an italian a-j diso "sito" e "web" a stà për "ragnà") amatorial, e pròpi mach amatorial, <http://digilander.libero.it/dotor43> ëd l'autor (vis-a-di: mi).

Sì i vardoma, senza andé tròp ant l'ancreus, ij pont ëd partensa e le implicassion prinsipaj dla Fìsica Quantìstica. An s'interpretassion ëd tuta la teorìa ancora adéss as discut, e noi is pijoma bin varda d'intré ant la discussion. Com a l'é capità për la Relatività, ëdcò për la Mecànica Quantìstica (e ambelessì fin-a 'd pì) a l'é necessari un cambi 'd mentalità rispét a la "tranquilla sicurèssa" dla Fìsica clàssica, ma noi i voroma nen intré an costion filosòfiche. Pitòs an anteréss coj arzultà che a pèrmëtto d'antèrpreté la Fìsica dj'àtomo, dle molécole dij cristaj e dle radiassion che a son necessarië ant lè studi dl'eletrònica.

Ant ël cors dla tratassion, an particolar an prinsipì, i arciamroma còse che i l'oma dèsgia dit ant le session prima, quaicòs i arpetroma e për quaicòs is contentroma 'd dé j'arferiment. Pì che intré ant ël formalism che a ven ëd sòlit dovrà ant la mecànica quantìstica, i vardoma dè s-ciairì ij concét.

Èdcò për costa part i foma donca 'l sòlit travaj.

I arcordoma giusta che fin-a tre "pare" dla Mecànica Quantìstica a disìo che se quaidun a l'era nen bolversà da la teorìa quantìstica l'era perchè a l'avìa nen capila (N. Bohr), che pì la teorìa quantìstica a arzolvìa 'd problema pì a smiijava na ròba da mat (A. Einstein), e che gnun a capìa la teorìa quantìstica (R.P. Feynman). An efét vaire còse a l'han nen na giustificassion teòrica, ma mach sperimental, e vaire ipòtesi a son acetà mach perchè a corispondo a lòn che as peul misuré- I podoma consolesse.

página venida

Indes general dle part

- **Part un - Origin - Prinsipi 'd base** - An costa part i vardoma le rason che a l'han portà a formulé la Mecànica Quantistica e j'esperiment fait pèr giustifiché j'ipòtesi che man man a vnisio proponùe.. Tut sòn pèrchè la Mecànica Clàssica a rivava nen a dèscribe lòm ch'a capitava s livèl microscòpich.. Dòp èd sòn i vardoma la Matemàtica dovrà da la M.Q. e i comensoma a antroduve èl formalism che a ven dovrà. A la fin i vardoma ij prinsipi e ij postulà, sempe basà sj'esperiment, che a fan da base a lè svilup dla teoria quanristica.
- **Part doi - Particola quantistica**- An costa part i comensoma a vèdde com as peul dèscribe èl moviment èd na partìcola an vaire situassiom. I vardoma prima èl moviment ant na dimension, I parloma èd partìcola libera, e peui dl'equassion de Schrödinger indipendenra dal temp. I vardoma peui la part'cola che as bogia an diferente situassion èd oitensial, e i parlonga dl'efèt "tunell".. I vardoma l'ossilator armònich. Ipassoma peui a consideré èl moviment an tre dimension e peui i acenoma a l'ossilator anarmònich. A sta mira i passoma a parlé dèl nonent angular, èd moment angular orbital e i comensoma a parlé dè "spin". Donca i tratoma èd potensial sentral, e da sù i passoma a j'atomo idrogenòid e a j'atom d'idrògeno. A kaèla fin i parloma dèl jon molecular d'idrògeno e dla relativa anliura-
- An costa part i comensoma con èl traté la molécola d'idrògeno e l'anliura che a ten ansema 9j doi atomo. Peui i passoma a parlé un èoch pì ant l'ancreus dlè spin, coma lè spin a càmbia le fonsion d'onda, e com as compòrto le partìcole identiche am base al valor èd sò spin, comensand a consoderé doi boson e doi fermion. Da sù a ven peui èl prinsipi d'esclusion èd Pauli. Peui i passoma a consideré ij sistema èd vaire partìcole e i tratoma dla simetria dle fonsion d'onda-. Aprèss i vardoma l'òtomo con vaire proton ant la nos 3 la formassion dj'orbitaj a tònich. I vardoma da davzin j'òtomo ij pì d'anteresse, l'eletronegatività e ij different tipo d'anliura. A sta mira i comensoma a parlé d'eletron confinà e diorbitaj molecular, pèr peui passé a consideré j'eletron ant ij sòlid, e la strutura a bande, con èl teorema èd Bloch e èl modèl èd Kronig-Penney. I saroma èl discors con n'acennèd Mecànica Statistica Quantistica, limità a lòn ch'as arferiss a le distribussion tèrmiche èd Maxwell-Boltzmann, èd Bose-Einstein, na pì che tut èd Fermi-Dirac.

pàgina venida

Part un - Orìgin e prinsipi ëd base

An costa part i vardoma le rason che a l'han portà a formulé la Mecànica Quantistica e j'esperiment fàit për giustificà j'ipòtesi che man man a vnìo proponùe. Tut sòn perchè la Mecànica Clàssica a rivava nen a dèscrive lòm ch'a capitava s livèl microscòpich. Dòp ëd sòn i vardoma la Matematica dovrà da la M.Q. e i comensoma a antroduevèl formalism che a ven dovrà. A la fin i vardoma ij prinsipi e ij postulà, sempe basà sj'esperiment, che a fan da base a lè svilùp dla teorìa quànristica.

Tàula dla part un

La Fisica a la fin dl'eutsent.....	11
La natura dla lus	11
Interferensa fra doe filure - Esperiment ëd Young	12
Radiassion dël còrp nèir.....	13
Teorema ëd Kirkkhoff	15
Relassion fra radiassion e densità spetral.....	15
La lèj dè Stefan.....	15
La lèj dè Stefan-Boltzmann.....	16
La lèj ëd Wien	16
La lèj dlè spostament ëd Wien	16
Le novità dël prim neusent	19
Misure dla radiassion dël còrp nèir	19
Fòrmole ëd Wien e ëd Rayleigh-Jeans	19
Fòrmola ëd Planck	19
Implicassion dla fòrmola 'd Planck	20
Ij "foton" d' Einstein.....	21
Fenòmeno mach giustificàbij con ij "quant"	21
Calor spessifich a bassa temperatura.....	21
Comportament sperimental a bassa temperatura	22
Efèt fotoelétrich	22
Stabilità dj'àtom	25
L'àtomo ëd Böhr.....	25
Ipòtesi ëd Böhr për l'àtomo	26
Ragg ëd Böhr.....	27
Esperiment ëd Franck e Hertz	29
Efèt Compton.....	31
Esperiment ëd Young	33
Interpretassion dl'esperiment con la teorìa dij foton.....	34
Esperiment dè Stern e Gerlach.....	35
J'ònde ëd de Broglie.....	35
Arciam an sj'ònde eletromagnétiche	36
Onde pian-e.....	36
Adission d'onde pian-e	37
Onde stassionàrie	38
Pachet d'onde.....	38
Esperiment ëd Davisson e Germer.....	40
Esperiment ëd Young con j'eletron.....	41
Interpretassion ëd Born	42
Interpretassion ëd Copenagen	43
A propòsit ëd trajetòria.....	43
Nossion matemàtiche da ten-e present.....	45
Ij nùmer complèss	45
La notassion esponensial.....	46

Da 'ndova a ven costa notassion.....	47
Complexa coniugà d'un nùmer e 'd na fonsion.....	47
Fonsion intèise cona vetor	48
Spassi vetoriaj.....	49
Vetor ant lè spassi R^n	49
Base ant nē spassi vetorial.....	50
Estension ai nùmer compléss.....	51
Èl prodòt intern.....	51
"Nòrma", distansa e àngoij.....	53
Fonsion e vetor normalisà e ortogonaj.....	54
Spassi èd Banach	55
Spassi èd Hilbert.....	55
La notassion èd Dirac.....	56
Vetor giontà - dualità	56
Proprietà.....	57
Fonsion d'onda.....	57
Fonsion d'onda nen normalisàbij.....	58
Operator.....	59
Comutator e soe proprietà.....	59
Autofonsion e autovalor	60
Giontà èd n'operator	60
Operator Hermitian	61
Postulà e prinsipi	63
Postulà dla fonsion d'onda	63
Postulà dj'osservaàbij e operator.....	63
Corispondensa fra variàbij clàssiche e operator	63
Postulà dj'autovalor	64
Postulà dël valor medi.....	64
Prinsipi èd Ehrenfest.....	65
Postulà dla dipendenza dal temp.....	66
Consegoense èd costi postulà (1)	66
Quantità misuràbij reaj	66
Autofonsion ortogonaj.....	67
Equassion dē Schroedinger	67
Densità èd corent e equassion èd continuità	68
Prinsipi d'indeterminassion ed Heisemberg	69
Formulassion dël prinsipi.....	69
Eletron localisà da na filura	70
Microscòpi èd Heisemberg.....	70
Variàbij compatibij.....	71
Indeterminassion arcavà da na fonsion d'onda	71
Consegoense dël prinsipi d'indeterminassion	72
Indeterminassion Energia-Temp.....	73
Consegoense dij postulà (2)	74
Ansema complét e ortonormal dj'autofonsion.....	74
Prinsipi èd dzorposission	75
Operator che a còmuto	75
Prinsipi èd corispondensa èd Bohr	75

Tàula dle figure dla part un

Figura 1 - Interferensa fra doe filure, sors d'ònde eletromagnétiche	13
Figura 2- Arpresntassion dël còrp nèir	14
Figura 3 - Dimostrassion dël teorema 'd Kirkhhoff	15
Figura 4 - - Emission an fonsion dla longhëssa d'ònda a diferente temperature	17
Figura 5 - Confront fra le fòrmole e ij dàit sperimentaj	20
Figura 6 - Calor spessìfich a bassa temperatura -	22
Figura 7 . Dispositiv për studié l'efèt fotoelétrich	23
Figura 8- Schema d'un generator ëd lus a frequense diferente	24
Figura 9- Giustificassion dlë spètr dl'idrògen	28
Figura 10- - Misura 'd Franck e Hertz.....	29
Figura 11 - Arzultà dl'esperiment ëd Franck e Hertz	30
Figura 12- Efèt Compton.....	31
Figura 13- Esperienza 'd Young.....	33
Figura 14 - Esperienza 'd Young con un-a ò doe filure	34
Figura 15- Esperiment dë Stern e Gerlach.....	35
Figura 16 - Onda pian-a	36
Figura 17 - Adission d'onde e velocità ëd grup	38
Figura 18 . Onda stassionùria	38
Figura 19 - Pachet d'onde	39
Figura 20 - Arpresentassion dij nùmer compléss	45
Figura 21 - Arpresentassion ëd vetor a 3 r an n dimension	48
Figura 22 - Fonsion coma vetor.....	48
Figura 23 - Prinsipi d'indeterminassion, n'esempi.....	70
Figura 24 - Microscòpi ëd Heisemberg.....	71
Figura 25 - Prinsipi d'indeterminassion	73

pàgina venida

La Fìsica a la fin d'euentsent

Fin-a a la sconda metà d'euentsent la Fìsica Clàssica a smijava che a fussa rivà a arzolve tuti ij problema conossù e che la soa lògica applicassion e sò svilup a podèisso arzolve tuti ij probléma che a sarìo presentasse ant èl futur.

Ant èl camp dla Mecànica jè studi a l'avìo portà a na formulassion analitica potenta e eleganta (Lagrange, Hamilton, Jacobi), mentre jè studi an s'electricità e an sèl magnetism, a l'avìo dàit na spiegassion èd tuti ij fenòmeno, e Maxwell a l'avìa formulà soe quatr equassion che a arsumìo an manera satìa tute ste teorie.

Monsù Thomson (ò, pèr chi a-i ten ai titoj Lord Kelvin), vers la fin dèl sécol ch'a fà disneuv a disìa che la Fìsica a l'era n'ansema bin armonisà, tut ch'a filava seuli coma l'euli, ma a-i ero giusta doe cosètte che 'ncora a dasìo quàich problema. Un-a a l'era l'esperiment èd Michelson e Morely, che a cobìava nen con la teoria e as savìa nen coma mai, e l'àutr a-i ero ij tentativ èd giustificà l'emission d'energia fàit da Wien e da Rayleigh e Jeans che, ò da na mira ò da l'àutra, a fonsionavo nen.

Donca, pròpi mentre a smijava che tut a cobìeissa an manera precisa, e che ògni fenòmeno a trovèissa na soa giustificassion analitica an cost formalism, j'arzultà sperimentaj trovà an d'esperiment che man man a podìo esse fàit an manera sempe pì precisa, a l'han anvece comensà a dimostré che quaicòs a fonsionava nen, se as restava ant èl camp dla Mecànica èd Newton e ij sò svilup. Sòn a parte dal comportament dla lus e dle radiassion an general. Coste a j'ero misure a livèl macroscòpich, ma cand l'é comensàsse a rasoné sla struttura dj'àtomo ij problema a son stàit ancora pì evident. Pèr arferisse a lòn ch'a disìa monsù Thomson, a-i ero vnù fòra problema con la misura dla velocità dla lus e sò sistema d'arferiment (esperiment èd Michelson e Morely), mentre 'dcò a cobìavo nen con j'esperiment le giustificassion clàssiche d'emission d'energia termica da part dla matèria (teorie èd Wien e Rayleigh-Jeans).

Parèj com a l'è capità pèr la Relatività (i l'oma vistlo ant la prima session, ùltima part), èdcò la Mecànica Quantistica a ven donca da la necessità èd giustificé j'arzultà sperimentaj, che a son motobin diferent da lòn che i dovrìo spetéssse da le teorie clàssiche, cand as comensa a fé d'esperiment an sèl mond microscòpich, ò macassìa d'esperiment pì precis e an condission diferente da cole dl'esperienza èd tuti ij dì.

La Fìsica Clàssica e le lej èd Newton a resto sempe ij pont èd partensa e a peulo esse aplicà con pì che bon-a precision a tut èl mond macroscòpich, ma pèr dèscribe 'l comportament dèl mond microscòpich a livèl atòmich a deuvo esse integrà da d'àutri prinsipi, che a corispondo motobin manch a cola che a l'é nòstra intuission, e che donca a ciamo un cambiament èd mentalità, pròpi com i l'oma dèsgjà vist pèr la Relatività. An sostansa, èdcò pèr la Mecànica Quantistica as peul dì che la Mecànica Clàssica a l'é n'aprossimassion che a và motobin bin pèr quasi tut lòn ch'a serv an pràtica, ma pèr dàit problema spessifich e pèr tut lòn ch'a l'é microscòpich (a livèl d'àtomo, molécole, cristaj e via fòrt), a l'ha pont ed partensa che a peulo esse considerà d'autut sbalià.

Macassìa, senza conòsse la Fìsica Clàssica, e an particolar la Mecànica Analitica (Hamilton) a l'é nen possibil studié la Fìsica Quantistica (as peul nen parte da la Fìsica Quantistica pèr studié Fìsica), ò almanch costa a l'é l'idèja dj'arsercador ij pì avosà.

La natura dla lus

Ai sò temp, Newton a sponìa che la lus a fussa fàita da partìcole, mentre Huygens, che a l'era 'dcò chièl dij temp èd Newton, a pensava che la lus a fussa anvece fàita da onde. Newton a pensava a costa teoria pèrchè, ant ij sò esperiment, a l'avìa nen arlevà d'efèt d'interferensa e difrassion che a son carateristich dla propagassion pèr onde, ma Huygens a disìa che sòn a l'era mach dovù a la mancansa 'd possibilità, pèr col temp, èd fé misure precise a basta, con dè strument sensibij a basta. Le conossense e le possibilità dèl moment a lassavo nen capì cola ch'a podìa esse la natura dla lus.

Parèj coma ij fenòmeno relativistich a j'ero nen evident a rason dla motobin àuta velocità dla lus e dle partìcole sub-atòmiche, rispét a le velocità dl'esperienza e a rason dla mancansa 'd possibilità 'd precise misure

dël temp, parèj a l'era nen evident un fenòmeno ondulatori con longhësse d'onda motobin pì cite dle pì cite còse ch'as savìjo manegé, e con stument con sensibilità tròp bassa.

An efèt cand a l'é stàit possibil butè ansema 'd misure pì precise, fàite peui da Young ant ël 1801 e da Fresnel coste a butavo an evidensa che la lus as comportava pròpi coma n'onda ch'as propaga, e che a-i era interferensa fra doe sors ëd lus coerenta, mentre sinquant'ani dòp (1850) Foucault a dimostrar che la velocità dla lus a l'é diferenta ant l'aria rispèt che ant l'aqua, còsa che a dimostrava la possibilità dla difrassion.

Dòp des ani (1860) Maxwell a l'avia trovà na formulassion satia dle lèj che a goerno elettricità e magnetism, e da sù as arcavava che ij camp elètrich e magnètich, sempe socià fra 'd lor cand a j'ero variàbij, a podio propaghësse coma onde ant l'è spassi con na velocità dàita da $v = \frac{1}{\sqrt{\epsilon_0 \mu_0}}$, e costa a l'era pròpi la velocità

che a l'era stàita misurà për la lus. Subit dòp Hertz a dimostrava, da na mira sperimenta, che j'onde eletromagnétique a esisto dabon, e prima dla fin dël secol ch'a fà disneuv che la lus a fussa n'onda eletromagnética a l'era acetà da tuti. I vèddroma pì anans che pròpi a la fin dl'eutsent e an prinsipi dël neuvsent sta convinsion a tornava a andé an crisi, sempe a rason ëd precis esperiment an 's l'emission e l'assorbiment dle radiassion. An prinsipi dël sécol ch'a fa vint a comensava a evidensiéss ël dualism paerticola-radiassion che i vèddroma pì anans.

I l'oma già acenà a l'esperiment ëd Young dël 1801 ant la Session 4, Sotsession "Òtica geométrica", Part 4 (Introdussion a l'òtica fisica) pag. 195. I voroma arportélo ambelessì giusta për avèjlo sotman, vist che a peul esse arfàit, an d'àutre manere, për dé d'àutre informassion amportante (e sòn i lo vèddroma dòp).

Interferensa fra doe filure - Esperiment ëd Young

Is arferima a figura 1, andova i l'oma schematisà e semplificà cost esperiment fàit, com ant ël 1801, an manera ëd confermé la natura ondulatoria dla lus.

Ant la figura i l'oma n'onda pian-a che a riva pèrpendicolar an 's n'è scherm S_1 , e donca con ij front d'onda paraléj a l'è scherm midem. St'onda a peul esse pensà coma prodòta da na sors a forma 'd pont, butà lontan da le scherm e an sl'ass fra le doe filure, an manera 'd podèj consideré le surfasse d'onda pian-e.

Ant l'è scherm a-i son doe filure paralele F_1 e F_2 , e a na distansa gròssa da le scherm S_1 a-i è n'è scherm S_2 paralel al prim, andova as peul vèdde la lus che a riva da le filure. Le filure peui a son motobin longhe rispèt a l'ò ch'a son larghe, an manera che i podoma vardé 'l problema an doe dimension, second la session disegnà an figura. Ancora, ste filure a son motobin sutile.

I suponoma che l'onda pian-a che a riva contra l'è scherm S_1 a sia n'onda monocromàtica. Da le filure F_1 e F_2 , che i suponoma esse strèite a basta (dimension parafonàbij a la longhëssa d'onda λ), a seurto doe onde coerente cilindriche generà da j'è stessi front d'onda. Le filure a son a na distansa d fra 'd lor e l'è scherm S_2 a l'è a na distansa D da l'è scherm S_1 , con $D \gg d$

An sl'è scherm S_2 riva la lus da le filure e as forma n'imàgin dàita da bande ciàire antèrcalà a bande scure. Coste a son dite "**frange d'interferensa**". Për studié ste frange 'l procediment a l'è ilustrà sù sota.

I consideroma 'l pont genérich P an sl'è scherm S_2 , che a l'è a distansa x da l'ass normal a l'è scherm e che a passa për 'l senter dël segment che a uniss le doe filure. Sto pont a arsèiv 'l ragg s che a riva da F_1 e 'l ragg t che a riva da F_2 . Dal moment che $D \gg d$, i podoma consideré che 'l pont P a arsèiv da la diression r , doi ragg, che a parto con l'istèssa fase, dont la diferensa 'd camin òtich a l'è δ . Se φ a l'è l'àngol fra l'ass e la riga drita r , antlora i l'avroma che $\delta = d \sin \varphi$.

Antora i l'avroma che la diferensa 'd fase θ dle doe onde a sarà dàita da $\theta = \frac{\delta}{\lambda} 2\pi$. Sta diferensa 'd fase a sarà donca fonsion dl'àngol φ , e sostituend:

$$\theta = 2\pi \frac{d}{\lambda} \sin \varphi$$




Figura 1 - Interferensa fra doe filure, sors d'onde eletromagnétique

Sòn a pòrta a n'intensità dla lus ant el pont P dàita da:

$$I = 4I_0 \cos^2 \frac{\theta}{2} = 4I_0 \cos^2 \left(\pi \frac{d}{\lambda} \sin \varphi \right)$$

andova I_0 a l'è l'intensità che a saria dàita da na filura sola (onda sférica).

Èl cossen al quadrà a val 1 cand so argoment a val $n\pi$, con n nùmer antrégh che a va da 0 anans, e a val 0 cand so argoment a val $\left(\frac{2n+1}{2}\right)\pi$.

Da si as treuva che l'intensità a presenta 'd mässig cand $\pi \frac{d}{\lambda} \sin \varphi = n\pi$ e donca $\sin \varphi = n \frac{\lambda}{d}$. A l'istessa manera i l'avroma ij mìnim d'intensità cand $\pi \frac{d}{\lambda} \sin \varphi = \frac{n+1}{2}\pi$ e donca $\sin \varphi = (2n+1) \frac{\lambda}{2d}$.

An pràtica a venta ten-e cont che le filure a l'han sempe na dimension finia e donca quàich fenòmeno 'd difrassion da na filura a lo produvo.

A parte dal prim mässig an sl'ass, j'àutri mässig a son nen d'ampiessa costanta, ma a calo man man che l'àngol a chèrs.

Cand a l'é stàit fàit an prinsipi dl'eutsent, st'esperiment a mostrava mach la natura ondulatoria dla lus, ma peui a l'é stàit la base pèr vaire d'àutre dimostrassion, a propòsit dël dualism dont i l'oma acenà, com i vèddroma pì anans.

Radiassion dël còrp nèir

Costa a l'é stàita la costion ed base che a l'ha butà an evidensa, a la fin del sécol ch'a fa disneuv, la necessità d'arvèdde ij mecanism d'emission e assorbiment dl'energia eletromagnética (calor, lus, etc.). Da si a son peui derivà tute j'àutre consegoense.

Second la teoria 'd Maxwell (e dl'eletromagnetism an general) ògni cària elétrica an moviment nen costant a anraja energia emèttend n'onda eletromagnética. Ògni còrp a temperatura pì àuta dèl zero assolut a conten èd càrie an vibrassion e a manda donca d'energia, anrajà sot forma d'ònde eletromagnétiche, dont la lus a l'é giusta na cita frassion, e a l'istèss temp a arseiv da fòra energia mandà da tut lòn che a-i é antorna, fin-a a rivé a n'echilibri, a na dàita temperatura T . An coste condission d'echilibri i podoma definì pèr èl còrp un **podèj d'emission** e un **podèj d'assorbiment**, che a son l'energia che, ant l'unità èd temp e pèr unità èd surfassa, èl còrp a emet ò a assòrb. I podoma 'dcò consideré un **coeficent d'assorbiment** coma rapòrt fra l'energia assorbìa e l'energia arseivù, dal moment che na part dl'energia arseivù a peul, an general, esse arbatù.

La lus ch'i conossoma a ven anrajà mach a temperature bin àute (mentre cola che i l'oma antorna e che an fa vèdde j'ogét a l'è lus arbatù), mentre a temperature pì basse l'anrajament a corrispond a onde an sle frequense infra-rosse (calor), macassia i ciamoma, ambelessì, sempe "lus" st'anrajament.

Èl "**còrp nèir**" a l'é stàit definì e studià da Monsù Kirkhhoff a parte dal 1859. As dis parèj un còrp che a assòrba tuta la radiassion che a-j riva dzora, senza arbatne gnente (sòn a veul nen dì che a emèta nen èd radiassion, ma giusta che a arbat nen cola che a arseiv). Donca sò coeficent d'assorbiment a val 1.

Na manera conveniente 'd consideré na situassion dè sto tipo a l'é cola 'd pensé a un gav sarà ant la matèria, che a peul conten-e opura nen d'autri còrp, con parete isolante, èl tut mantnù a na temperatura T , an echilibri con la radiassion ch'as produv ant èl gav midem.

Ant le parete dèl gav a-i é un cit beucc che a lassa seurte na cita porsion èd radiassion (che peui a serv pèr misura) senza sfaussé la situassion, mentre se un ragg a intra ant èl beucc, dòp quàich arbatiment, a ven assurbì al complèt, senza an pratica gnun-e possibilità che na part a peussa seurte. Èl beucc as compòrta coma un còrp nèir a la temperatura T interna.

Ant èl gav èd volum V as èstabiliss n'energia total U , che a sarà fonsion dla temperatura T . I ciamoma u la densità dl'energia che as èstabiliss ant èl gav. St'energia pèr unità èd volum as distribuiss su tute le frequense second na fonsion èd "**densità spetral**" $u_\nu(\nu, T)$ ant èl sens che la quantità d'energia pèr unità 'd volum ant l'interval èd frequensa $d\nu$ a val $u_\nu(\nu, T)d\nu$. Donca l'é a natural che a sia: $u(T) = \int_0^\infty u_\nu(\nu, T)d\nu$.




Figura 2- Arpresntassion dèl còrp nèir

Sensa fé tròpi cont e arferendse a la session sinch part eut èd coste nòte (pag. 275-276), andova i l'oma parlà d'energia e pression socià a na radiassion, e an particolar i l'oma che la pression p a val: $p = \frac{u}{3}$.

I comensoma a dì che la densità d'energia u ant èl gav a dipend da la temperatura T , e as distribuiss an sle diferente frequense ant na manera che a l'é l'ogét dl'è studi an sla radiassion dij còrp. As trata donca èd giustifiché da na mira teòrica lòn ch'as peul misuré. I veddroma che da sù a l'é partia la necessità dla Mecànica Quantistica. An figura 2 i arportoma na schematisassion d'un còrp nèir.

Teorema ëd Kirkhhoff

Se is butoma da na mira teòrica as peul dimostré, coma monsù Kirkhhoff a l'ha dimostrà, che 'l podèj emissiv a dipend nen dal tipo ëd còrp e la fonsion $u_\nu(\nu, T)$ a dipend nen dal tipo ëd gav considerà, da soa forma, dal material dovrà e via fòrt, ma a l'é na "**fonsion universal**". I podoma consideré, an efèt doi gav coma coj arpresentà an figura 3.

As trata ëd doi gav A e B , che i suponoma diferent fra 'd lor, che a son portà da doi termòstato a l'istèssa temperatura T . I colegoma ij doi gav con un condutor ëd lus che a lassa passé mach na frequensa ν (filter ëd lus) e i gavoma ij termòstato.

I suponoma për absurd che la densità u_ν d'energia socià a la frequensa ν a sia pì gròssa ant ël gav A che l'istèssa densità ant ël gav B . I suponoma donca ch'a sia $u_\nu(A) > u_\nu(B)$.




Figura 3 - Dimostrassion dël teorema 'd Kirkhhoff

Travers ël condutor ëd lus a-i saria un passagi ant ij doi sens d'energia a la frequensa ν ma da A vers B sto passagi a saria pì àut che an sens contrari. Sòn a portria n'aument ëd temperatura ant ël gav B e na diminussion ant ël gav A , con passagi 'd calor da na temperatura pì bassa a un-a pì àuta senza travaj da fòra. Èl sàut ëd temperatura a podria peui esse sfrutà për fé un travaj con un calor che a l'é partì a A e a torna an A . $T\upsilon\tau\sigma/\nu\alpha\lambda\epsilon\int\chi\omicron\nu\tau\rho\rho\iota\ \text{ai}\ \pi\rho\iota\nu\sigma/\pi\iota\ \delta\lambda\alpha\ \tau\epsilon\rho\mu\omicron\delta\iota\nu\delta\mu\iota\chi\alpha,\ \epsilon\ \delta\omicron\nu\chi\alpha,\ \alpha\ \lambda\epsilon\iota\sigma\tau\epsilon\sigma\sigma\alpha\ \tau\epsilon\mu\pi\epsilon\rho\alpha\tau\upsilon\rho\alpha\ \alpha\ \pi\epsilon\nu\tau\alpha\ \chi\eta\epsilon\ \alpha\ \sigma/\alpha\ \upsilon\nu(A) = u_\nu(B)$, qualonque a sio ij gav.

Relassion fra radiassion e densità spetral

As peul dimostré che ël podèj d'emission dël cit beucc che an nòstr gav as compòrta da còrp nèir, a corispond an manera direta a la densità spetral ant el gav. Se i ciamoma S sto podèj d'emission (energia al second da l'unità 'd surfassa) as peul trové la relassion;

$$S = \frac{c}{4} u$$

La radiassion drinta al gav a peul donca esse studià da na mira teòrica dovrand le lèj dla termodinàmica, mersi a l'universalità dla distribussion spetral. La stèssa distribussion a peul esse misurà con l'emission dël còrp nèir. A l'é stàit pròpi ël confront fra coste misure e torie clàssiche che a l'ha portà a la formulassion dle prime lèj dla Mecànica Quantìstica.

La lèj dë Stefan

Da na mira sperimental, monsù Stefan, a l'ha trovà la lèj che a anlia l'emission d'energia al second për unità 'd surfassa \mathcal{W} con la temperatura T . Sta lèj a dis che :

$$\mathcal{W} = \sigma \cdot T^4$$

andova për σ a l'é stàit trovà 'l valor $\sigma = 5,67 \cdot 10^{-8} \left[\frac{\mathcal{W}}{m^2 K^4} \right]$.

I l'oma vist che l'energia al second anrajà për unità 'd surfassa a l'é proporsional a la densità d'energia interna u , e donca i podoma 'dcò scrive sta lèj coma: $u = a \cdot T^4$.

La lèj dè Stefan-Boltzmann

A l'é l'istèssa lèj ed prima che monsù Boltzmann a l'ha dàje na giustificassion termodinàmica. Sòn a l'é amportant pèrchè a dis che 'l procediment segoi dal rasonament teòrich a l'é giust.

I consideroma un "**gav nèir**" coma un èd coj vist prima, che a l'abia un volum V , con n'energia interna $U = uV$ e na pression che, com i l'oma vist, a sia $p = u/3$. I aplicoma lè scond prinsipi dla termodinàmica, andova S a l'é l'entropia, e i scrivoma:

$$dS = \frac{dU + p dV}{T} = \frac{d(uV)}{T} + \frac{p dV}{T} = \frac{1}{T}(u dV + V du) + \frac{1}{T} p dV = \frac{1}{T}(u + p)dV + \frac{V}{T} \frac{du}{dT} dT$$

I consideroma antlora le derivà parsiaj dl'entropia rispét al volum e rispét a la temperatura e i l'oma:

$$\frac{\partial S}{\partial V} = \frac{u + p}{T} = \frac{u + \frac{u}{3}}{T} = \frac{4u}{3T} \quad ; \quad \frac{\partial S}{\partial T} = \frac{V}{T} \frac{du}{dT}$$

e dal moment che dS a l'é un diferensial precis, a venta ch'a sia:

$$\frac{\partial}{\partial T} \left(\frac{\partial S}{\partial V} \right) = \frac{\partial}{\partial V} \left(\frac{\partial S}{\partial T} \right) \quad \text{vis - a - di} \quad \frac{4}{3} \frac{\partial}{\partial T} \left(\frac{u}{T} \right) = \frac{\partial}{\partial V} \left(\frac{V}{T} u' \right)$$

andova i l'oma indicà con u' la derivà èd u rispét a T . Da sù as arcava l'equassion diferensial

$$\frac{1}{3} \frac{u'}{T} - \frac{4}{3} \frac{u}{T^2} = 0$$

La solussion èd costa equassion, butand coma condission al contorn che $u(0) = 0$, a peul esse scrivù a ant la forma:

$$u = a T^4$$

La lèj èd Wien

Sempe partend da considerassion termodinàmiche a l'é stàita dimostrà da monsù Wien la forma dla relassion che a anlia la densità d'energia ant un gav èd coj ch'i l'oma vist con le variàbij ν e T . As treuva na dipendenza dèl tipo:

$$u_\nu(\nu, T) = \nu^3 f\left(\frac{\nu}{T}\right)$$

La dimostrassion èd costa lèj a l'é motobin complicà ma a l'é pitòst fòra da nòstr but. Noiàutri is limitoma a pijéla pèr bon-a, e i notoma che a l'é dimostasse vera ant jè svilup ch'a son vnù dòp. Costa dimostassion a buta nen an discussion cola ch'a peul esse la fonsion f , ma mach la "forma" dla dipendenza dla densità spetral da fequensa e temperatra.

La lèj dlè spostament èd Wien

I podoma scrive la fonsion $u_\nu(\nu, T)$ an termo èd longhèssa d'onda λ anvece che an termo èd fequensa ν , tnisend cont dla relassion $\lambda = \frac{c}{\nu}$. I l'avroma:

$$u = \int_0^\infty u_\nu d\nu = \int_\infty^0 u_\nu \left(\frac{d\nu}{d\lambda} \right) d\lambda = \int_\infty^0 \left(-\frac{c}{\lambda^2} u_\nu \right) d\lambda = \int_0^\infty \left(\frac{c}{\lambda^2} u_\nu \right) d\lambda \equiv \int_0^\infty u_\lambda d\lambda \quad \text{andova} \quad u_\lambda(\lambda, T) = \frac{c}{\lambda^2} u_\nu(\nu, T)$$

Da sù as deriva n'otra espression dla lej ëd Wien andova a-i é na fonsion g che a dipend mach dal prodòt λT , andova prima a-i era la fonsion f che a dipendia mach da $\frac{\nu}{T}$. La lej ëd Wien a diventa

$$u_\lambda(\lambda, T) = \frac{1}{\lambda^5} g(\lambda T)$$

Second la lej dlë spostament ëd Wien, la frequensa (opura la longhëssa d'onda) che a corrispond a la màssima emission a dipend an manera linear da la temperatura T . An efét ël màssim an fonsion dla frequensa as treuva ant la condission:

$$\begin{aligned} \frac{d u_\nu(\nu, T)}{d \nu} = 0 \quad \text{vis - a - di} \quad \frac{d \left[\nu^3 f \left(\frac{\nu}{T} \right) \right]}{d \nu} = 0 \quad \text{opura} \\ \frac{d u_\lambda(\lambda, T)}{d \lambda} = 0 \quad \text{vis - a - di} \quad -\frac{5}{\lambda^6} g(\lambda T) + \frac{T}{\lambda^5} g'(\lambda T) = 0 \end{aligned}$$

e donca, se i disoma λ_m la longhëssa d'onda che a corrispond al màssim d'emission, a venta ch'a sia :

$$5 g(\lambda_m T) = (\lambda_m T) g'(\lambda_m T)$$

Se i foma la conversion ëd variàbil $x = \lambda T$, e i conossoma la fonsion g , i otnoma n'espression che a përmëtt ëd trové un $x_0 = \lambda_m T$ che a corrispond al màssim rispét a x , e che a l'é na costant, còsa che as peul ëdcò vëdde da l'espression sù dzora Tornand a le variàbij ë partensa i l'oma donca che

$$\lambda = x_0 \frac{1}{T} \quad \text{opura} \quad \nu = w_0 T$$

andova i l'oma ciamà w_0 la costant che as troverìa travajand con le frequense.




Figura 4 - - Emission an fonsion dla longhëssa d'onda a diferente temperature

Ant lòn ch'i l'oma vist fin-a sù a-i son nen contradission fra la teoria clàssica e j'arzultà sperimentaj.

I notoma giusta che an coste derivassion i l'oma nen fàit d'ipòtesi an sël coma a l'é fàita nòstra fonsion $f\left(\frac{\mathbf{v}}{T}\right)$ che, com i vëddroma, a l'é pròpi la rason dla crisi dla Fisica clàssica.

Fin-a sù le còse a fonsion-o, sempe considerand le lèj dla Fisica Clàssica, e i rivoma a la fin dl'eutsent. I l'oma già vist com a l'é vnùita fòra la necessità d'elaboré la Realtività, e sù i vardoma com a l'é vnùita fòra la necessità dla Mecànica Quantistica.

La figura 4 a mostra, an manera d'autut indicativa, ij dàit sperimentaj che a confermo la Lej dlë spostament ëd Wien.

Le novità dël prim neuvsent

I podoma consideré che 'l prinsipi dla Mecànica Quantistica a coincid con j'esperiment ëd monsu Planck, ant j'ùltim ani d'l'eutsent e ij prim dël neuvsent, pròpi coma a l'é capità për la teoria dla Relatività ch'i l'oma vist ampressa a la fin dla prima session, e 'dcò ambelessi le solussion proponùe për arzolve ij problema butà da j'esperiment, e che a son dimostrasse bon-e a dèscribe ij dàit sperimentaj a l'han bin pòch d'intuitiv, e a ciamo un cambi ëd mentalità, contut che ij pont ëd partensa a sio sempe coj dla Mecànica Analitica. e an particolar, la formulassion ëd Hamilton..

Misure dla radiassion dël còrp nèir

I l'oma vist fin-a si jè studi an sla radiassion dël còrp nèir. Al moment ëd giustifiché an manera precisa l'anrajament parèj com a podia esse misurà, la teoria clàssica a l'ha comensà a pì nen andé bin.

Fòrmole ëd Wien e ëd Rayleigh-Jeans

Un tentativ d'antivèdde cola ch'a dovia esse la distribussion an frequensa dla radiassion nèira a l'é stàit fàit da monsu Wien, che a l'ha provà con na fòrmula pitòst empirica, giustificà da l'esse d'acòrdi con le lèj bin giustificà e viste prima e partend da ipòtesi pitòst ardè. Tnisend cont dla dipendensa general trovà prima pròpi da chièl, monsu Wien a l'ha proponù che as podèissa scrive che:

$$u_{\nu}(\nu, T) = \frac{8 \pi k}{c^3} \nu^3 e^{-\frac{b\nu}{T}}$$

giusta ciamà "**fòrmula ëd Wien**", andova a e b a son costant. I l'oma la dipendensa antivista da le variàbij ν e T , ma mentre sta lèj a cobia bin con j'arzultà sperimentaj a le frequense àute, a riva pròpi nen a giustifiché j'arzultà dle misure a frequense basse.

Partend da considerassion an sël camp eletro-magnétich, e dal fàit che a l'é stàit dimostrà che la radiassion a dipend nen dal particolar gav, e che donca as peul giusta consideré d'ossilator, a l'é stàita proponù la "**fòrmula ëd Rayleigh-Jeans**".

As considera giusta n'ossilator ant un gav con parete arbatente ant un gas pèrfèt nèutr che a interagiss con l'ossilator për urt, an manera che as riva a n'echilibri con n'energia média fonsion dla temperatura $E(T) = kT$. Da sto pont ëd partensa as riva, con un rasonament clàssich che i stoma nen a arporté ambelessi, a la fòrmula ch'i l'oma dit e che a l'é:

$$u_{\nu}(\nu, T) = \nu^3 \left[\frac{8 \pi k}{c^3} \left(\frac{T}{\nu} \right) \right]$$

andova $k = 1,381 \cdot 10^{-23} \text{ JK}^{-1}$ a l'é la costant ëd Boltzmann

Sta fonsion, però a l'é monotón-a ch'a chèrs, e donca, se a l'é bon-a a dèscribe bin la situassion a frequense basse, a tira a l'anfinì con le frequense ch'a chèrso.

Fòrmula ëd Planck

Studiand la manera ed giustifiché la fòrmula ëd Wien e cercand ëd modifichéla an manera che a andèissa bin a le frequense basse, andova as comensava a rivé a fé 'd misure, monsu Planck a scriv, dòp vaire tentativ, soa fòrmula ëd la distribussion, che a echival a la fòrmula ëd Rayleigh-Jeans a basse frequense e a cola ëd Wien a àute frequense ma, pì che tut, a cobia con ij dàit sperimentaj.

An definitiva Planck a l'ha ipotisà che n'ossilator a podèissa nen pijé tuti ij valor d'energia con continuità, ma mach na sucession discrèta 'd valor, moltipl antreggh ëd na quantità minima $\varepsilon = h\nu$, ciamà "quant

" d'energia, andova h a l'é na costant universal, che a l'é stàita dita "costant ëd Planck ". Lò ch'a càmbia a l'é donca l'espression dl'energia média dl'ossilator. La fòrmula a l'é:

$$u_\nu(\nu, T) = \frac{8 \pi h \nu^3}{c^3} \frac{1}{e^{h\nu/(kT)} - 1}$$

La costant h a val $h = 6,626 \cdot 10^{-34}$ Joule·sec.,

As peul noté che a frequenze basse sta fòrmula a tira a esse cola ëd Rayleigh e Jeans, mentre a frequenze àute a tira a esse cola ëd Wien. La costant k a l'é la sòlita costant ëd Boltzman. La figura 5 a ilustra la situassion da na mira qualitativa.




Figura 5 - Confront fra le fòrmole e ij dàit sperimentaj

Implicassion dla fòrmula 'd Planck

Dal moment che a l'é stait dimostrà prima che la densità d'energia a dipend nen dal particolar gav, i podoma butèsse an condission sempie për calcolé sta densità, e donca 'dcò l'anrajament, partend dal consideré che l'energia dla radiassion a sia prodòta da un sistema d'ossilator armònich. L'energia ant l'unità 'd volum e an sle frequenze da ν a $\nu+d\nu$ a sarà dàita donca da l'energia media dj'ossilator che a son an coste condission. Èl nùmer dj'ossilator a l'é dàit da le manere normaj d'ossilassion ëd n'ònda stassionaria ant ël gav, vis-a-dì che i butoma che a ògni manera normal d'ossilassion dl'ònda a corrispond a n'ossilator.

I suponoma un gav cùbich con lat L e i butoma che a-i sia periodissità an sle parete. Ógni manera normal d'ossilassion a l'é dèscrivù da n' ònda pian-a dël tipo $e^{i\vec{k}\cdot\vec{x}}$, donca 'l vetor ëd propagassion a sarà dël tipo

$$k_i L = 2 \pi n_i \quad \text{andova} \quad n_i = 1, 2, 3, \dots$$

As treuva 'l numer d'ossilator dN con frequenza fra ν e $\nu+d\nu$, che a corrispondo a meud normaj d'ossilassion con vetor d'ònda fra k e $k+dk$, ant ël gav ëd volum $V = L^3$. Sto nùmer, dont i stoma nen a fé tuti ij passagi, a val :

$$dN = \frac{V}{\pi^2} \left(\frac{2\pi}{c} \right)^3 \nu^2 d\nu$$

Se, adéss, i ciamoma $\bar{\epsilon}$ l'energia media socià a costi ossilator, e i calcoloma la densità d'energia a la frequenza antorna a ν i l'oma:

$$u_\nu = \frac{dN}{V d\nu} \bar{\epsilon} = \frac{8\pi\nu^2}{c^3} \bar{\epsilon}$$

Second la fisica clàssica, as peul dimostré che pèr n'ossilator armònich, dont l'energia a peul varié con continuità, la media d'energia a val $\bar{\epsilon} = kT$, e as riva a trovè la fòrmula ëd Rayleigh-Jeans che, i l'oma vist, a fonsion-a nen pèr vaire rason.

A sta mira monsù Planck a l'ha notà che l'istèss rasonament a peul porté a soa fòrmula, bastamach che as buta 'l postulà che l'energia d'ogni ossilator a sia discreta e a peussa mach pijé ij valor :

$$E = n h \nu$$

An costa manera a l'é stàit arzolvù un pont ëd crisi dla Fisica Clàssica, ma sòn a l'ha butà an crisi le concession clàssiche mideme. Da costa mira anans a venta aceté che l'energia a l'abia sta limitassion. L'importansa dè sto comportament a dventa gròssa an tuti ij fenòmeno microscòpich, mentre che pèr ij fenòmeno macroscòpich i podoma noté che la costant a l'é motobin cita, e donca sto comportament "quantisà" quasi sempe as riva nen a noté.

Pen-a sta giustificassion teòrica a l'é stàita presentà, da vaire arsercador a l'é giusta stàita considerà n'artifissi matemàtich che pèr boneur a rivava a simulé, ma nen a spieghe, i dàit sperimentaj, e sòn pèrchè a smijava (e a smija 'ncor adss) che a-i fusso gnun-e bon-e rason pèr che l'energia a dovèssa esse quantisà.

Ij pont ëd crisi, macassia, a vnisio nen mach da l'emission dël còrp nèir, che macassia a implicava nen misure microscòpiche, ma 'dcò da d'altre misure a livèl macroscòpich, e peui ëdcò a livèl microscòpich, livèl che an prinsipi dël neuvsent as comensava a esse conossù e studià.

Ij "foton" d' Einstein

Ant ël 1905 Einstein, basandse an sle considerassion ëd Planck, e an sël fàit che ant ël gav ël camp eletromagnétich as compòrta coma n'ansema d'ossilator, a l'avia suponì che nen mach l'energia a podia esse assurbia e emèttua an 's na dàita freqensa ν pèr valor discret $h\nu$, ma che la radiassion ant na banda da ν a $\nu + d\nu$ a l'ha n'energia U che a l'é dividua an $n = U/h\nu$ "**foton**", com as tratèissa 'd corpùscoj andipendent ognidun d'energia $h\nu$. Sto foton a dovìa esse nen divisibil

Fenòmeno mach giustificàbij con ij "quant"

I arportoma sì sota quàich problma sperimenta che a dà arzultà diferent da coi antivist da la teoia clàssica e mach arzolvibil con la teoria dij quant.

Calor spessifich a bassa temperatura

I consideroma un sòlid, fàit da àtomo che a l'han la possibilità d'ossilé su tre gré 'd libertà. Second lòn ch'i l'oma vist prima, i podoma di che l'energia média pèr àtomo $\bar{\epsilon}$ an echilibri con la temperatura T , second la Fisica clàssica a val:

$$\bar{\epsilon} = 3kT$$

e pèr na mòle 'd costi àtomo, se N_A a l'é 'l nùmer d'Avogadro $N_A = 6,022 \cdot 10^{23}$, l'energia total U a l'é:

$$U = \bar{\epsilon} N_A = 3k N_A T = 3RT$$

andova $R = k \cdot N_A$ a l'é la costant dij gas, $R = 8,316$ [Joule/(mòle K°)] opura $R = 1,988$ [Cal/(mòle K°)]

A sta mira i trovoma 'l calor spessifich a volum costant giusta fasend:

$$c_V = \frac{\partial U(T)}{\partial T} = 3 \cdot R = 5,964 \quad [Cal / (mole \cdot K^\circ)]$$

e costa a va sota 'l nòm ed "*Lèj ëd Dulong e Petit*".

Comportament sperimental a bassa temperatura

Sta lèj a l'é bin verificà a le temperature dl'esperienza comun-a, ma a fonsion-a pì nen cand la temperatura a cala motobin vers ël 0° assolut. Na cosa che a smija a sòn a càpita 'dcò a temperatura àuta, ma an col cas a-i é n' àutra spiegassion ant ël fàit che cand le ossilassion a son gròsse, a val pì nen l'aprossimassion armònica. La figura 6 a dà, an manera andicativa, lòn ch'a suced anvece a bassa temperatura

As peul vèdde che ij valor che as peulo misuré a bassa temperatura as arduvo fin-a a rivé a zero. Monsù Einstein, ant ël 1907 a l'ha dimostrà che c_v a tend a zero cand T a tend a zero, contut che peui l'andura andividoà a sia nen cola sperimental, ma a l'apròssima mach.

Sòn a càpita sempe se as sostituiss l'espression dl'energia média clàssica con cola suponù da Planck, e donca l'energia ëd na mòle, se as supon che tuti j'àtomo a ossilo a l'istèssa frequensa ν , a dventa;

$$U = 3 N_A \bar{\epsilon} = \frac{3 N_A h \nu}{e^{\frac{h\nu}{kT}} - 1}$$




Figura 6 - Calor spessifich a bassa temperatura -

Èl fàit ëd consideré tuti j'àtomo con l'istèssa frequensa a l'é un pòch tròp n'aprossimassion, ma macassìa as treuva na solussion a la diferensa con la teoria classica.

Se i suponoma temperature àute, costa fòrmula a dventa cola supòsta da Dulong e Petit, mentre a basse temperature l'espression dël calor spessifich a dventa:

$$c_v = \frac{\partial U(T)}{\partial T} = 3 N_A k \left(\frac{h \nu}{k T} \right)^2 \frac{e^{\frac{h\nu}{kT}}}{\left(e^{\frac{h\nu}{kT}} - 1 \right)^2}$$

e për T ch'a tend a zero, c_v a vè a zero. Na tratassion precisa a l'é stàita fàita da Debye, con na curva teòrica, sempe basà an sla quantission dl'energia, motobin pì davzin ai dàit sperimentaj, ma për noi a basta parèj.

Efèt fotoelétrich

Con la teoriadij foton enunsià da Einstein, as treuva sùbit na giustificassion a lòn ch'as osserva studiand "*l'efèt fotoelétrich*".

As trata d'eletron emèttù da un metal anluminà da na lus, e st'efèt a peul esse evidensìa con ël dispositiv ilustrà an figura 7, che a l'é col dl'esperiment ëd Lenard.

Ant n'àmola andova a l'é fàsse 'l veuid a-i son un fotocàtodo fàit ëd metal che a peul esse 'l metal an studi, e n'ànodo. An sël càtodo as peul fé rivé da fòra na lus a na dàita frequensa ν e con da dàita intensità. As supon che frequensa e intensità a peulo esse regolà, ò almanch sernùe vira për vira, parèj coma 'l material dël càtodo.

Ij doi elétrodo ant l'àmola a son colegà a un dobi generator ëd tension contínua travers un potensiometro che a përmet ëd regolé la tension fra ànodo e càtoto, portandla da negativa fin-a a positiva. Un vòlmetro V a përmet ëd misuré costa tension. Un micro-amperòmetro peui a consent ëd misuré la corent, se a-i é, fra ànodo e càtoto. Se 'l càtoto a ven nen anluminà, qualonque a sia la tension fra càtoto e ànodo, ant l'àmola a passa nen corent. Se a ven anluminà a passa corent mach se la lus a l'ha na frequensa pì àuta d'un valor che a dipend dal material dël càtoto. Për frequense pì basse a-i é nen corent, a-i n'anfà nèn che intensità 'd lus as deuvra.




Figura 7 . Dispositiv për studié l'efèt fotoelétrich

L'energia cinética dj'eletron emëtù a va da 0 a un màssim che a dipend nen da l'intensità dla lus, ma mach da soa frequensa.

Cand a-i é passagi 'd corent, costa a dipend da l'intensità dla lus dovrà. As nòta che 'l procès d'estrassion a l'é istantani.

As peul misuré cola ch'a l'é l'energia cinética dj'eletron cand a seurto dal càtoto, dasend a l'ànodo na tension negativa, e a sòn a servo ij doi generator e 'l potensiometro colegà com an figura.

Na manera clàssica ëd giustifiché j'arzultà d'esperiment as treuva nen. I podrìo consideré che an sla surfassa dël metal a-i sia un potensial ëd dobi seul, dàit da j'eletron periférich dj'àtomo dla surfassa, con sota le càrie positive dle nos, e che j'eletron che a seurto a sio eletron liber ant ël metal, che a arsèivo energia a basta për superé 'l dobi seul. A-i sarà donca un minim travaj da fé për porté fòra n'eletron, che a ven giusta ciamà "**travaj d'estrassion**", indicà con T_{es} .

La Física clàssica a supon che l'eletron a peussa assòrbe energia con continuità, e donca se as manda na radiassion débola distribuìa an sla surfassa, ògni eletron a arsèiv n'energia al second che a sarà nen a basta a superé la bariera dël dobi seul, e l'eletron a venta che a acùmula energia për un dàit nùmer ëd second prima 'd podèj seurte dal metal. Èl temp che a-i và për l'estrassion, e peui l'energia dj'eletron che a seurto a dipendrìo da l'intensità dl'anluminassion. Sòn as verifìca nen.

Se i suponoma che la lus as propaga con foton, i l'avroma che n'eletron a assòrb un foton ant un ùnich at. Se l'energia dël foton a supera ël valor dël travaj d'estrassion, l'eletron a peul seurte dal metal. L'energia che l'eletron a l'ha cand a seurte a l'é lòn ch'a resta d'energia dël foton dòp avèj gavà 'l travaj d'estrassion.

Lòn ch'a conta, për podèj comensé a seurte, a l'é che l'energia dël foton a sia superior al travaj d'estrassion, e sòn a giustifìca la frequensa dë scalin ν_0 necessaria.

Se 'l travaj d'estrassion T_{es} a l'é pi àut dla quantità d'energia $h\nu$ dël foton a-i é nen estrassion d'eletron, a-i n'anfà nen vaire ch'a sio ij foton, e donca quant fort a sia l'anluminament. Se anvece 'l travaj d'estrassion a l'é pi bass dla quantità d'energia $h\nu$ dël foton, bele mach un foton a peul estràe n'eletron.

An fonsion donca dël valor dël travaj d'estrassion T_{es} , a-i sarà në scalin limit për la frequensa ν dij foton che a peulo produve estrassion (efèt fotoelétrich). I l'oma

$$T_{es} \leq h\nu \quad e \quad donca \quad \nu \geq \frac{T_{es}}{h} \quad vis - s - di \quad \frac{c}{\lambda} \geq \frac{T_{es}}{h} \quad e \quad donca \quad \lambda \leq \frac{ch}{T_{es}}$$

andova c a l'é la velocità dla lus, e λ a l'é la longhëssa d'onda dla radiassion.

La lus a pòrta fòra dal metal d'eletron. I suponoma che tuta l'energia dël foton a sia assurbia da l'eletron. Na part ëd costa energia a ven dovrà për fé 'l travaj d'estrassion, e lòn ch'a vansa a dventa energia cinética dl'eletron midem, che adéss a l'é liber, e che donca a peul avèj n'energia qualonque. Se donca 'l foton a l'ha n'energia $h\nu > T_{es}$, (i l'oma ciamà f la frequensa për nen fé confusion con $v =$ velocità) l'energia cinética dl'eletron ch'a seurt (i suponoma che as trata 'd n'eletron davzin a la surfassa) a sarà dàita da :

$$\frac{1}{2} m_e v^2 = hf - T_{es}$$

andova m_e a l'é la massa dl'eletron e v soa velocità.

Se as dà na diferensa 'd potensial fra ànod e càtod, as peul misuré se, e quanta corent a passa. I consideroma che le variàbij che i l'oma a disposission a sio: Ël material dël càtod (a-i vò nè sfòrs ëd fantasia a pensè ch'i lo peusso cambié fàcil, ma i suponoma d'arfé le preuve con diferent materiaj). La frequensa dla lus (an figura 8 i doma na manera 'd fé për sòn). La tension aplicà a l'ànod (da negativa a positiva rispét al càtod).

Se la tension anòdica V a l'é negativa, j'eletron che a seurto dal càtod a son arbutà andarera. L'energia potensial fra ij doi elétrodo a l'é eV , andova e a l'é la cària dl'eletron. se l'energia dij foton a l'é $h\nu > T_{es}$, antlora l'energia cinética dj'eletron a l'é, al màssim $\frac{1}{2} m_e v^2 = hf - T_{es}$. Cand la tension anòdica negativa a l'é tala che $\frac{1}{2} m_e v^2 = eV$, quàich eletron a riva fin-a a l'ànod e a comensa a passé corent. man man che la tension a dventa manch negativa e peui positiva, la corent a chèrs fin-a a na dàita mita, e peui a resta costanta.. La corent, a sta mira, a peul chèrse se as aumenta l'intensità dla lus.




Figura 8- Schema d'un generator ëd lus a frequense diferente

Tut sòn, però, a càpita mach a parte da na dàita frequensa dla lus, diferenta për ògni material dovrà për ël càtod. Se na frequensa dla lus a pròvoca emission d'eletron, antlora as peul trové col ch'a l'é 'l travaj d'estrassion dël metal dël càtod, e l'intensità dla lus a giuta mach a avèj na sensibilità pi àuta, perchè a saran ëd pi j'eletron estrat, ma a càmbia nen, natural, l'arzultà dla misura.

An efèt i conossoma la frequensa dla lus, e donca l'energia dij foton, e i podoma trové la tension V che a comensa a provoché na corent ant ël circuit, tension che i ciamoma tension d'arést V_{ar} . Da le doe espression

ch'i l'oma scrivù sù dzora i arcavoma che $eV_{ar} = hf - T_{es}$ e donca $T_{es} = hf - eV_{ar}$. Èl potenzial d'arésat a dipend nen da l'intensità dla lus.

A l'istessa manera, dàit un material con un dàit valor ëd travaj d'estrassion, as peul calcolé la frequensa mínima dla lus che a pròvoca emission fotoelétrica.

I arpetoma che la costant ëd Planck a val $h = 6,626069... \cdot 10^{-34} \text{ J} \cdot \text{s}$, echivalent a $4,135628... \cdot 10^{-15} \text{ eV}$, e che la velocità dla lus ant ël veuid a val $c_0 = 299792458 \text{ m} / \text{s}$.

Stabilità dj'àtomo

An prinsipi dël neuvsent as comensava a fé d'ipòtesi su coma a podia esse fàit n'àtomo. Vàire còse, e fra coste l'emission radio-ativa, a portavo a concludé che ant l'àtomo a dovìo essie tant carie positive coma carie negative. Lassand perde le prime propòste dè struttura dl'àtomo, i podoma vèdde cola ëd Thomson, proponù e studià fra 'l 1903 e 'l 1906, che a suponìa n'àtomo con cària positiva dèstruibuìa, che a l'era 'dcò quasi tuta la massa dl'àtomo midem, e j'eletron andrinta coma le grumele dj'angùrie.

Ma j'esperiment ëd Lenard ant ël 1903, però, a lo portavo a concludé che l'àtomo a dovìo esse quasi veuid, con carie e massa consentrà, dal moment che j'eletron a passavo pitòst fàcil travers la matèria. An efét, Nagaoka, ant l'istess ann a proponìa un modél planetari.

Ant ël 1911 Rutherford a l' ha suponù che a-i fussa na nos sentral positiva e che a contnéissa bele che tuta la matèria dl'àtom, e motobin cita, con d'eletron perifèrich motobin lontan da la nos, an proporsion a soe dimension. J'eletron, për nen casché an sla nos a rason dl'atrassion fra càrie positive e negative, a l'avriò dovù viré antorna a la nos për svilupé na fòrsa sentrifuga gròssa a basta da compensé l'atrassion. Sòn a l'era suportà da n'esperiment fàit da Geiger e Marsden, darera consèj ëd Rutherford midem, ant ël 1908, a dasìa rason al modél d'àtomo con nos sentral cita e eletron estern che a lassavo lè spàssi ocupà da l'àtomo quasi veuid. An cost esperiment as misurava com a vnìsio devìa 'd partìcole alfa slansà contra na lastrin-a 'd matèria motobin sutila. J'arzultà a j'ero, an manera motobin precisa, coj che as podìjo supon-e con la teoria ëd Rutherford.

Ma 'dcò ambelessì la Fisica Clàssica a podia nen giustificé lòn ch'a smijava rasonà second j'esperiment. An efét j'eletron negativ che a viro antorna a na nos positiva a son sottpòst a n'accelerassion sentripeta, che second l'eletromagnetism clàssich a dovriò anrajé d'energìa, e casché motobin ampréssa an sla nos. Se as fan tuti ij cont second la Fisica Clàssica as dimostra sùbit che 'l ragg ëd l'òrbita as arduvria motobin ampressa. Anvece l'àtomo a l'é stàbil. La radiassion emèttù a cambieria frequensa ansema a sto ragg, mentre gnanca 'l ragg ëd l'àtomo trovà ant j'esperiment a peul esse giustificà con la teoria clàssica.

L'àtomo ëd Böhr

I l'oma tratà ëd cost argoment ant la session "*Eletricità e Magnetism*" - part set (pag. da 227 anans). Sì i arportoma lòn ch'an antèressa adéss e i lo completoma. Èl modél atòmich ëd Böhr a ven, oltra che da jè studi 'd Planck, ëdcò da j'arzultà djè studi an sjè spètr atòmich, basà su d'esperiment motobin precis. Èl modél a ven fòra giusta da la necessità ëd giustificé jè spètr d'emission e d'assorbiment. Su costi a-i ero a disposission ij travaj ëd Balmer (ant ël 1885), ëd Rydberg e ëd Ritz (ant ël 1905).

An efét, le righe d'emission e d'assorbiment për l'àtomo d'idrògeno a l'han frequense che a son dèscrivùe da la lèj, dita ëd Rydberg - Ritz :

$$v = \bar{R} \left(\frac{1}{n^2} - \frac{1}{m^2} \right)$$

andova n, m a son antreghe e a l'é ($m > n$). mentre $\bar{R} = 3,39 \cdot 10^{15} \text{ sec}^{-1}$ a l'é dita "*costant ëd Rydberg*".

Ipòtesi ëd Bòhr pèr l'àtomo

Sti fàit a l'han portà Bòhr, ant ël 1913, a formulé soe ipòtesi an sla struttura e an sël comportament ëd dl'àtomo. Bòhr a scheuvr che as peul trové la fòrmola 'd Rydberg se as assum **che 'l moment angolar ëd n'eletron, antorna a la nos, a peussa mach pijé valor dàit da la costant ëd Planck h moltiplicà pèr un nùmer antreggh n e dividù a pèr 2π** . Valadi, se as supon n'òrbita sircolar:

$$L = pr = n \frac{h}{2\pi}$$

andova L l'é 'l moment angolar dl'eletron suponend che a pèrcora n'òrbita sircolar ëd ragg r , mentre p a l'é 'l moment linear (ò quantità 'd moviment, impuls) e peui i dovroma 'l símbol $\hbar = \frac{h}{2\pi}$, e donca $pr = n\hbar$

Èl rasonament ëd Bòhr a l'era che 1) na cària che a vira a dovrià emëtte ónde eletromagnétiche con na dàita energia e un dàit moment angolar. Suponoma che ΔE a sia l'energia che a ven emëttù ant un interval Δt , second Maxwell costa energia a l'é socià al moment angolar ΔL second la relassion:

$$\Delta E = 2\pi\nu\Delta L$$

andova ν l'é la frequensa dla radiassion. Se la pì cita quantità d'energia che a peul esse emëttù a l'é un foton d'energia $E = h\nu$, antlora la pì cita quantità 'd moment angolar che a peul esse emëttù as arcàva sostituend ant l'espression sì dzora:

$$\Delta E = h\nu = 2\pi\nu\Delta L \quad \text{vis-a-di} \quad \Delta L = \frac{h}{2\pi} = \hbar$$

Sto discors a l'ha portà Bohr a concludè che se 'l moment angolar a peul mach cambié pèr unità antreghe ëd \hbar antlora ël moment angolar total pèr n'eletron ëd n'àtomo d'idrògeno a venta ch'a sia un moltiplicà antreggh ëd \hbar . Sòn a l'é nen pròpi lòn ch'a càpita, ma a l'era un pass anans pèr capì lòn ch'a sucedia.

Sempe second j'ipòtesi ëd Bòhr, se l'eletron ëd n'àtomo d'idrògeno a pèrcor n'òrbita sircolar, a venta che la fòrsa d'atrassion a sia ugual a la fòrsa sentrifuga. L'energia potensial U ëd n'eletron a distansa r da la nos a val $U = -\frac{kZe^2}{r}$, andova k a l'é la costant ëd Coulomb, che a val $k = \frac{1}{4\pi\epsilon_0}$ e a soavira ϵ_0 a l'é la ostant dielétrica dël veuid, e a l'é la cària dl'eletron, mentre Z a l'é ël nùmer atòmich dla nos, che da sì anans i pensoma nos dl'idrògeno, e che pèr l'idrògeno a val 1. L'energia total dl'eletron a sarà l'adission dl'energia cinética e 'd cola potensial :

$$E = \frac{1}{2}mv^2 + U = \frac{1}{2}mv^2 - \frac{ke^2}{r}$$

andova m a l'é la massa dl'eletron e v soa velocità.

L'acelerassion sentrifuga a val $a = \frac{v^2}{r}$ e la relativa fòrsa a val $F_s = m\frac{v^2}{r}$. La fòrsa d'atrassion a val

$F_a = -\frac{ke^2}{r^2}$ e donca a l'echilibri a venta che

$$F_s + F_a = 0 \quad \Rightarrow \quad \frac{mv^2}{r} = \frac{ke^2}{r^2}$$

Se i moltiplicoma ij doi mèmber dl'ùltima espression pèr $r/2$ as treuva che

$$\frac{1}{2} m v^2 = \frac{1}{2} \frac{k e^2}{r}$$

e donca i l'oma che l'energia cinética a val la metà dël valor assolut dl'energia potenzial. Dal moment che ste doe energie a l'han segn diferent, l'energia total a dventa $E = -\frac{1}{2} \frac{k e^2}{r}$

Ant j'ipòtesi ëd Bohr, com i l'oma vist, la transission da un livél d'energia inissial E_i e un livél final E_f , a càpita con l'assorbiment ò l'emission d'un foton dont la frequensa ν a val

$$\nu = \frac{|E_f - E_i|}{h}$$

I l'oma vist, an sto modél, che ij livéj d'energia discrét coma ij moment angular, a son caraterisà da un dàit raggèd l'òrbita suponù a sircolar. I podoma scrive l'espression sì dzora esplissitand j'energie inissial e final, e i trovoma

$$\nu = \frac{k e^2}{2h} \left(\frac{1}{r_f} - \frac{1}{r_i} \right)$$

Costa fòrmula a venta che a sia compatibil con la lej ëd Rydberg-Ritz, e donca a venta che ij ragg dj'òrbite stàbik a sio proporsionaj a nùmer antrègh al qyadrà. Per avèj na proporsionalità dè sto tipo a basta ipotisé che, com i l'oma vist an prindipi dj'ipòtesi ed Bòhr, che a sia

$$L = p r = m v r = n \frac{h}{2\pi} = n \hbar$$

Ragg ëd Bòhr

I l'oma vist che la relassion fra energia cinética e energia potenzial a l'é $\frac{1}{2} m v^2 = \frac{1}{2} \frac{k e^2}{r}$, mentre i l'oma vist sì dzora che $m v r = n \hbar$. Da cost'ultima espressiom i arcacoma che $v = \frac{n \hbar}{m r} \Rightarrow v^2 = \frac{n^2 \hbar^2}{m^2 r^2}$ e sostituend e multiplicand ij doi member për $2r$ i l'oma :

$$\frac{n^2 \hbar^2}{m r} = k e^2 \Rightarrow r = \frac{n^2 \hbar^2}{m k e^2}$$

e is arcordoma che costa fòrmula as arferiss a l'àtomo d'idrògeno e donca për $Z = 1$. I savoma che ël livél fundamental a l'é col për $n = 1$, e donca ël ragg dl'òrbita dël livél fundamental dl'energia dl'idrògeno a val

$$r_0 = a_0 = \frac{\hbar^2}{m k e^2} = \frac{4\pi \epsilon_0 \hbar^2}{m e^2}$$

Cost a l'é dit "**ragg ëd Bòhr**". Se i consideroma un livél qualonque n , second sto modél as ved fàcil che ël ragg dl'òrbita a arzulta $r_n = a_0 n^2$.

I arcordoma che cost a l'é ël ragg ëd Bòhr esprimù ant le unità dël sistena S.I., ma sovens ant ël mond microscòpich as deuvro j'unità u.e.s. che a l'é edcò dit ël sistema CGSes. I stoma nen a parlc dè sto sistema, ma i disoma mach che la costant ëd Coulomb che ambelessì (sistena S.I.) i l'oma definì coma $k = \frac{1}{4\pi \epsilon_0} \left[\frac{N m^2}{C^2} \right]$, ant -el sistema CGSes a val $k = 1$.

A sto ragg ëd B  hr a l' e soci a n'energia total dl'eletron , second la l ej ch'i l'oma vist $E = -\frac{1}{2} \frac{k e^2}{r}$ che a diventa $E_0 = -\frac{1}{2} k e^2 \frac{m k e^2}{\hbar^2} = -\frac{m e^4}{8 b^2 \epsilon_0^2}$ andova $h = 2\pi \hbar$

I l'oma ciam a costa energia E_0 e nen E_1 p erch i i disoma che, an sto mod el, p er n' atomo idrogenoid con n umer at omich Z a val la relassion (bin f acil da dimostr e) $E_n = -\frac{Z^2 E_0}{n^2}$ e a l' e ci air che p er l' atomo d'idr ogeno i l'oma $E_1 = E_0$..

L' atomo a l' e nen bon a cambi e soa energia con continuit a, ma a peul mach av ej un d ait n umer d e stat stassionari,   stat qu antich. L'energia dl' atomo a l' e donca quantis a ant un n umer  d liv ej energ etich E_j .  l passagi da un liv el energ etich E_j a un liv el energ etich $E_j < E_j$ a l' e soci a a l'emission d'un foton $h\nu = E_j - E_j$. A l'istessa manera l'assorbiment d'un foton d'energia $h\nu$ a pr ovoca 'l passagi da l e stat energ etich E_j a l e stat energ etich $E_j > E_j$ se $h\nu = E_j - E_j$.




Figura 9- Giustificassion dl e sp etr dl'idr ogen

L' atomo che as treuva al pi bass dij liv ej a peul nen em ette energia, e donca a l' e st abil. Costa posission a giustifica la l ej empirica trov a da Rydberg.  gni  atomo a l'ha un s o sp etr d'emission, ma p er un d ait tipo d' atomo l e sp etr a l' e sempe l'ist ess precis.

Se i consideroma l' atomo d'idr ogeno, che a l' e 'l pi semp i, i podoma artrov e la l ej  d Rydberg se i suponoma che l'energia dij liv ej possibij a sia d aita da

$$E_n = -h \frac{\bar{R}}{n^2}$$

con $n=1, 2, 3, \dots$

P er  l liv el fundamental E_1 as treuva $E_1 = -h \bar{R} \cong -13,6 \text{ eV}$ (si i notoma che a peul vn i c omod consider e na costant $R = h \bar{R} \cong 13,6 \text{ eV}$). Ant l e sp etr dl'idr ogeno as treuva un prim grup  d righe, che a ven da transission dai diferent liv ej ecit a, al liv el E_1 .

Èl livèl che a ven sùbit dzora a sarà 'l livèl E_2 con valor $E_2 = E_1/4$. Ant lè spètr d'idrògeno as treuva në scònd grup ëd righe, che a ven da transission dai diferent livèj ecità pì àut, al livèl E_2 .

Èl livèl che a ven ancora dzora a sarà 'l livèl E_3 con valor $E_3 = E_1/9$. Ant lè spètr d'idrògeno as treuva un ters grup ëd righe, che a ven da transission dai diferent livèj ecità pì àut, al livèl E_3 .

An figura 9 i l'oma arportà sta situassion.

Esperiment ëd Franck e Hertz

A conferma dla teorìa d Böhrr a l'é stàit fàit (1914), cost esperiment. As trata d provoché l'ecitassion d'àtomo fasendje bate contra d'eletron, e peui misuré l'energia pèrdùda da j'eletron, che a corrispond a cola assurbìa da j'àtomo. La figura 10 a mostra èl dispositiv dla misura.




Figura 10- - Misura 'd Franck e Hertz

Ant l'àmola a-i é na sors d'eletron termojonich dàita da un filamento f foà da na baterìa cita, e colegà a la massa dèl sistema, andova a-i é colegà 'dcò 'l pòlo negativ dla baterìa anòdica. Èl filamento a fà da càtodo. Ant l'àmola as treuva, a na dàita distansa dal càtodo, un grup ë doi elétrodo, dont èl prim ch'as ancontra rivand dal càtodo a l'é na grìja, che com a dis èl nòm a l'é na grìja d fij condutor g che a lasso motobin dè spassi liber, mentre le scònd elétrodo a l'é n'ànodo ò placa p fàita da na piastrin-a continua. La distansa fra grìja e placa a l'é 'd l'òrdin dèl milim.

Ant l'àmola, andova a l'é stàita gavà l'aria as treuva, a bassa pression, èl gas opura 'l vapor dla sostansa sota preuva. La baterìa anòdica a l'é colegà a un potenziometro dont as arcavo le doe temsion regolàbij pèr l'alimentassion positiva dla grìja e dla placa.

La tension dla grìja a ven tnùda un pòch pì àuta ëd cola dla placa, e sto scart a ven mantnù costant cand as varia la tension ëd grìja. Con un potensial positiv an grìja, j'eletron emèttù dal filamento a son atirà da la grìja (e da la placa). Rivà a l'autèssa dla grìja, j'eletron che a treuvo ij fij a son caturà da la grìja midema, ma na pèrsentual bin àuta, con l'energia cinética che a l'han pijà, a continuo a andé vers la placa, superand senza problema 'l cit contra-camp fra grìja e placa. Costi ùltim eletron a van a produve la corent misurà dal micro-amperòmeter. I podoma vardé lòn ch'a càpita se i partoma da na tension motobin bassa (potenziometro tut a snistra), e i la foma aumenté pian pianin, misurandla con èl vòlmetro derivà fra càtodo e grìja.

As misura sùbit na cita corent. J'eletron che a seurto dal càtodo a l'han na dàita energia cinética generà da la temperatura dèl càtodo midem. Se a-i é nen diferensa d potensial fra càtodo e grìja, j'eletron pen-a seurto a formo na nivola negativa, mentre 'l càtodo midem, avend slansà d'eletron, a diventa positiv, e sòn a arciam a andaré j'eletron dla nivola. As è stabiliss parèj n'echilibri con na zòna negativa ëd cària spassial antorna al càtodo. Se peui èl càtodo midem a l'é un filamento alimentà dirèt da na baterìa, antlora a càpita che a sia nen tut a l'istèss potensial. A-i é la manera 'd ten-e cont ëd tuti costi efèt, e pèr adèss is na preocupoma nen.

Pen-a as dà a la grija un pòch ëd tension a comensa a passé corent, dal moment che quaidun dj'eletron termojonich a ven atirà dal camp elétrich. Aumentand costa tension la corent a aumenta, perchè a aumenta 'l nùmer d'eletron caturà dal camp elétrich. Costi a saran tuti j'eletron che a rivo a superé 'l pont andova as anula 'l camp negativ provodù da la cària spassial dj'eletron. da col pont a la grija la tension a l'é cola misurà dal vòltmetro.

J'eletron a peulo bate contra le molécole 'd vapor con urt elàstich, se soa energia a riva nen a porté n'eletron dl'àtomo a un livél energétich superior. L'energia cinética pijà da l'eletron a corrispond a l'energia potenzial eV , andova e a l'é la cària d'eletron e V la diferensa 'd potenzial fra 'l pont ëd partensa e 'l pont andova as treuva l'eletron midem. Fin-a a cand a-i son mach d'urt elàstich, tuti j'eletron che a passo la caria spassial (che as ardiv con ël chërse dla tension) a rivo al grup grija-placa con energia cinética a basta për superé 'l contra-camp placa-grija, e, gavà coj che bato ant la grija midema, tuti j'autri a contribuiss a la corent misurà dal micro-amperòmetro.

La corent a chërs con la tension V fin-a a cand l'energia eV ant lè spassi davzin a la grija a riva al valor dël sàut fra 'l prim e lè scond livél d'energia dj'àtomo 'd gas ò 'd vapor present drinta a l'àmola.

A sta mira n'eletron termo-jonich a peul cede soa energia a n'eletron dl'àtomo, portandolo al prim livél superior d'energia. Ma l'eletron termo-jonich, a sta mira, a l'ha perdù tuta soa energia, e donca a l'é bele che ferm; a riva donca pì nen a superé 'l contra-camp fra grija e plàca, e a ven arciamà an sla grija. An corrispondensa ëd costa tension, che i disoma V_1 , antlora as nòta che la corent ëd placa a diminuiss motobin ampresa, perchè 'l nùmer d'eletron che a rivo a costa energia a chërs ampresa. A sta mira i podoma calcolé 'l sàut che a-i é fra lè stat fundamental E_1 e 'l prim stat ecità E_2 . I l'avroma che $E_2 - E_1 = eV_1$.

Aumentand ancora la tension, j'urt anelàstich a comenso a capitè sempe pì lontan da la grija, e dòp l'urt j'eletron a fan a temp a avèj energia a basta për rivé a la placa, donca la corent a torna a chërse, fin-a a cand j'eletron a pijo energia a basta për torna esse an condission d'ecità nè scond àtomo davzin a la grija. Sòn a càpita a na tension V_2 , cand $2 \cdot (E_2 - E_1) = eV_2$.

La stéssa còsa a càpita cand la tension a riva a un valor V_3 tal che $3 \cdot (E_2 - E_1) = eV_3$. A la fin as oten lòn che i arpresentoma an figura 11, fasend ël gràfich dla corent anòdica an fonsion dla tension aplicà. La figura as arferiss ai vapor ëd mercuri.




Figura 11 - Arzultà d'esperiment ëd Franck e Hertz

La posission dël prim màssim a podria esse sfaussà da quàich eror sistemàtich, mentre as peul pijesse për n'indicassion pì bon-a la diferensa fra 'l prim e lè scond màssim.

As peul ëdcò verifiché, con nē spetroscòpi, che an corrispondenza al prim màssim, as verifica n'emission ëd radiassion, da part dël vapor an esame, ëd na radiassion con na frequensa $\nu = \frac{E_2 - E_1}{h}$.

Sòn a conferma la teoria 'd Böhr, contut che nen tuti ij problema a sio arzolvù. A venta ancora afinè e completé la teoria, ma a ven dimostrà coma l'énergia a peussa esse trasferìa mach për quantità discrete.

Efèt Compton

Cost a l'é n'àutr efèt che a ven spiegà bin mach da la teoria dij foton. As trata dla variassion ëd frequensa 'd na radiassion cand a ven spatarà da un material che a conten eletron poch anlià. I consideroma un fluss ëd ragg X che a riva su un blòch ëd parafin-a. Lòn ch'as osserva a l'é arpresentà an figura 12.




Figura 12- Efèt Compton

La teoria clàssica a dis che l'onda che a invest n'eletron a lo buta an vibrassion, e sto eletron vibrant a produv n'onda che donca a dovrìa avèj l'istèssa frequensa dl'onda incidenta. La spiegassion a ven anvece an manera sempia da la teoria corpuscolar.

I l'oma vist che un foton as compòrta coma na particola 'd massa zero, dal moment che a viaggia a la velocità dla lus, e ant la teoria dla Relatività strèita i l'oma vist che se a l'ha n'energia $E = h\nu$, antlora a l'ha na quantità 'd moviment (che a corrispond ëdcò a l'impuls) $|\vec{p}| = \frac{E}{c} = \frac{h\nu}{c}$.

I suponoma che l'eletron a sia ferm, e sòn as peul fé mersì a la gròssa diferenza d'energia fra foton ëd raj X e eletron pòch anlià ant la parafin-a. Ant l'urt ël foton a ven difondù ant la diression andividoà da l'àngol φ , mentre l'eletron a ven mandà ant la diression ψ . Èl foton dòp l'urt a l'avrà n'impuls che i ciamoma p' mentre l'eletron a pija n'impuls che i ciamoma P' .

I podoma scrive le condission ëd conservassion dl'energia e dl'impuls. Prima 'd l'urt l'energia dël foton a l'é $E = h\nu = pc$, mentre sò impuls a l'é $p = h\nu / c$. Per l'eletron i l'oma che l'energia a l'é cola 'd massa $E = mc^2$, mentre l'impuls a val zero. I podoma esprime la frequensa ν an fonsion dla pulsassion ω , vis-a-dì $\omega = 2\pi\nu$. I

definìma peui la costant $\hbar = \frac{h}{2\pi}$.

Energia e impuls dël foton a ven-o antlora scrivùe

$$E = \hbar \omega \quad ; \quad \vec{p} = \hbar \vec{k} \quad ; \quad |\vec{k}| = \frac{\omega}{c}$$

andova i l'oma che \vec{k} a l'é ël "**vector d'onda**". Da la relatività i l'oma che l'energia d'arpos E_0 ëd na particola a l'é anlià a soa energia E e sò impuls p da la relassion $E^2 - p^2 c^2 = E_0^2$ e donca

$$m_0^2 c^4 + p^2 c^2 = \hbar^2 \omega^2 \quad ; \quad m_0^2 c^4 + \hbar^2 \frac{\omega^2}{c^2} c^2 = \hbar^2 \omega^2 \quad ; \quad m_0^2 c^4 = 0 \quad ; \quad m_0^2 = 0$$

che a dis lòn ch' i l'avio supòst, che la massa d'arpòs dël foton a val zero.

Dòp l'urt i l'avroma che 'l foton difondù a l'avrà na pulsassion ω' , con $\hbar \omega'$, e un vetor d'ónda \mathbf{k}' , che i l'oma da determiné. Da sù anans i ciamoma m la massa dl'eletron E soa energia e p sò impuls. mentre che për èl foton i esprimoma energia e impuls an termo ed ω' , \mathbf{k}' , \hbar .

Dòp l'urt, l'energia e l'impuls dl'eletron a venta che a sodisfo a la relassion $E^2 = m^2 c^4 + c^2 |\vec{p}|^2$.

Për la conservassion dl'energia a venta ch'a sia sodisfàita la condission $\hbar \omega + m c^2 = \hbar \omega' + E$ -mentre che për la conservassion dl'impuls la condission a l'é $\hbar \vec{k} = \hbar \vec{k}' + \vec{p}$. I podoma scrive 'l sistema coma sù sota.

$$\begin{cases} \hbar \omega - \hbar \omega' = E - m c^2 \\ \hbar \vec{k} - \hbar \vec{k}' = \vec{p} \end{cases}$$

A sta mira i podoma porté al quadrà le doe equassion, multipliché la sconda equassion për c^2 e peui sotrae la sconda da la prima. An costa operassion a venta ten-e cont che \mathbf{k} e \mathbf{k}' a son vetor, e che sò dobi prodòt a l'é un prodòt scalar. I l'oma

$$\begin{cases} (\hbar \omega)^2 + (\hbar \omega')^2 - 2 \hbar^2 \omega \omega' = E^2 + m^2 c^4 - 2 E m c^2 \\ c^2 (\hbar \vec{k})^2 + c^2 (\hbar \vec{k}')^2 - 2 c^2 \hbar^2 \vec{k} \cdot \vec{k}' = \vec{p}^2 c^2 \end{cases}$$

$$\text{e arcordand che } |\vec{k}| = \frac{\omega}{c}$$

$$- 2 \hbar^2 \omega \omega' + 2 c^2 \hbar^2 \vec{k} \cdot \vec{k}' = E^2 + m^2 c^4 - 2 E m c^2 - \vec{p}^2 c^2$$

$$\text{ma } p^2 c^2 = E^2 - m^2 c^4 \text{ e donca}$$

$$- \hbar^2 \omega \omega' + c^2 \hbar^2 \vec{k} \cdot \vec{k}' = m^2 c^4 - E m c^2$$

$$\text{ma i l'oma scrivù che } \hbar \omega - \hbar \omega' = E - m c^2 \text{ donca}$$

$$E = \hbar \omega - \hbar \omega' + m c^2$$

e donca ancora i podoma scrive: $-\hbar^2 \omega \omega' + c^2 \hbar^2 \vec{k} \cdot \vec{k}' = m^2 c^4 - m c^2 (\hbar \omega - \hbar \omega' + m c^2)$ vis-a-di:

$$-\hbar^2 \left(\omega \omega' - c^2 \frac{\omega}{c} \frac{\omega'}{c} \cos \psi \right) = -\hbar m c^2 (\omega - \omega') \text{ dividoma për } \hbar \text{ e i arduvoma:}$$

$$\hbar \omega \omega' (1 - \cos \psi) = m c^2 (\omega - \omega')$$

Adéss i podoma 'ncora divide ij doi member për $m c^2 \omega \omega'$ e i otnima $\frac{\hbar}{m c^2} (1 - \cos \psi) = \frac{\omega - \omega'}{\omega \omega'}$

che a echival a scrive $\frac{\hbar}{m c^2} (1 - \cos \psi) = \frac{1}{\omega'} - \frac{1}{\omega}$ e se i dovroma le longhësse d'ónda $\lambda = \frac{2 \pi c}{\omega}$ a la fin i otnima

la relassion fra le frequense dël foton incident e dël foton difondù:

$$\lambda' - \lambda = 2 \pi \frac{\hbar}{m c} (1 - \cos \psi)$$

La longhëssa d'onda dël foton devià a dipend da l'àngol ed deviassion, e j'arzultà dle misure a corispondo an manera motobin precisa a costa teoria.

La natura corpuscolar dla lus butà an evidensa an costa manera, macassia a corispond nen a la natura corpuscolar suponù da Newton. As buta pitòst an evidensa coma 'l foton a sia anlià a la frequensa dla lus, e che la natura corpuscolar e cola ondulatòria dla lus a son nen dividìbij.

Esperiment ëd Young

I l'oma vist an prinsipi ëd nòstra ciaciarda che cost a l'é l'esperiment che a l'é servì a decide pèr la natura ondulatoria dla lus, an prinsipi dl'eutsent, e an efèt l'interferensa ce as nisuea a l'é bin iustificà da la teoria ondulatoria.

Se però i pensoma a la jus fàita da foton nen divisìbij e andipendent, a ven difcil capì com a peul un foton che a pasa da na filura, interagì con un foton chhe a passa da l'àutra filura, e nen mac lòn, dal moment che se is butoma an condission ga fé passé vers le ffilure mach un foton a la vira, dòp ël temp necessari, lle bande d'interferensa as formo franch istéss.

An figura 13 i arportoma liesperiment, ma sta vira is atressoma pèr capì còs a fan ij foton. Èl ragg che da la sors a passa ant la prima filura, se costa a l'é strèita a basta, as propaga pèr onde circolar, che a rivo a le doe filure dlè scond scherm. Da ste filure le onde as propago torna an manera circolar, e a van via con fase coerente vers lè scherm butà an sèl ters pian.

I l'oma, ambelessì, la possibilità ëd saré un-a dle filure, e lè schermàègni singol foton che a riva, còs che as peul vèdde con un microscòpi.

I l'oma dit che l'esperiment a l'avia dimostrà che la lus as propaga pèr onde. Le righe d'interferensa a l'han forta intensità andova j'ónde a rivo an fase e intensità bassa (ò zero) andova j'ónde a rivo an contrafase. Sòn an fonsion dla diferensa dij pèrcors l_1 e l_2 . Se l'esperiment a l'é fàit con mach na filura duverta, antlora a-i nen interferensa. Con un-a dle filureb A opura B sarà, as forma giusta na figura ëd difrassion daré a la filura duverta.- Se as deurbo e as saro le filure an manera ëd fé passé an alternansa in foton da na paet e un foton da l'àutra, as dormo mach doe figure 'd difrassion daré dle doe filure. Se as buta un rivelator daré ëd na filura pèr conté ij foton che a passo, antlora le frange as dormo nen, tant coma saré la fillura. Le frange d'interferensa as formo mach con le doe filure duverta, contut cje ij foton a rivo mach un a la vira.




Figura 13- Esperienza 'd Young

Se però as analiso ste frange con un microscòpi i podoma vèdde che la lus as distribuiss nen an manera uniforme con na variassion continua, com a farià suppon-e l'andament dl'intensità dl'onda, ma pitòst as osservo ëd pontin luminosi, ràir ant le fasce scure e s-ciass ant le fasce ciàire. An diferente zòne dl'istéssa fassa ij pontin a l'han l'istéssa densità, contut che a sio spatarà an manera che as dirìa casual. Ij pontin luminosi osservà a son nen different fra 'd lor. Tut sòn a supòrtia la teoria corpuscolar dla lus, che però a giustifica nen ij bindéj d'interferensa.

Con ij oton che a passo un a la vira, as nòta che costi a passo sempe antrég da un-a dle doe filure e mai da tute dor ansema, e peui che ël passagi da un-a ò l'àutra dle filure a l'é nen prevedibil.

Da considerassion dè sto tipo monssù Born a l'é rivà a na formulassion probabilistica dla Mecànica Quantistica, ma sòn i lo vèddroma peui.

Interpretassion d'esperiment con la teoria dij foton

I vardoma adéss se a-i é na manera dè spieghé l'esperiment éd Young con la teoria dij foton. Con la teoria ondulatòria la spiegassion, com i l'oma vist, a l'é imedià. Da lòn ch'i l'oma dit prima, i podoma pensé che se mach un-a dle doe filure a l'é duverta a passa na distribussion che i podoma prevèdde, éd foton che a seurto da la filura an tute le diression e a dan na dàita distribussion d'intensità an slè scherm, coma indicà da un-a dle righe nèire an figura 14. Duvertand le doe filure as oten nen la sempia adission dle distribussion nèire (riga rossa), ma as oten l'interferensa arpresentà da la riga bleuva.




Figura 14 - Esperienza 'd Young con un-a ò doe filure

As podria pensé che doi foton che a passo da le doe filure a peusso anteragè fra 'd lor prima 'd rivé an slè scherm, ma gnanca sòn a va nen bin, dal moment che i l'oma vist che pura se i foma passé un foton a la vira, e donca cand ògni foton a l'ha nen n'àutr foton da anteragje ansema, ij bindéj d'interferensa as formo franch istéss.

Sòn a dis che as peul nen consideré ij foton mach coma corpùscoj, ma d'àutra mira se i mandoma an slè scherm mach pòchi foton, as forma quàich pontin spatarà, ma nen ij bindéj d'interferensa, gnanca motobin sbiadì, e donca la radiassion a peul nen esse considerà mach n'ònda.

Ij doi aspét, com i l'oma dèsgia notà prima, a peulo nen esse dividù. L'idèja da svilupé a l'é che la radiassion as compòrta coma un fluss éd particole che as compòrto an manera probabilistica, e l'ònda a goerna sta probabilità.

An nòstr esperiment i podoma di che se a l'é mach duverta la filura 1, antlora la probabilità éd trové 'l foton an slè scherm a l'é dàita da $|\vec{E}_1|^2$. Sto valor a l'é donca la distribussion dij foton an sle scherm e donca d'energìa luminosa (cand ij foton a son tanti). Se as deurbo le doe figure, torna la probabilità éd trové ël foton an slè scherm a sarà dàita da $|\vec{E}_1 + \vec{E}_2|^2$, e costa fonsion a dèscriv èdcò ij bindéj d'interferensa.

A l'é ciàir che costa interpretassion a ciama un càmbi 'd mentalità. An nòstra esperienza comun-a, se doi foton a peulo nen interferì fra 'd lor, i rivoma nen a trové na spiegassion a propòsit éd còsa a càmbia, pèr un foton che a passa da na filura, se l'àutra filura a l'é duverta opura sarà.

I podoma gnanca fé 'd misure pèr savèj da che filura a passa 'l foton, dal moment che, se daré a na filura i butoma un rivelator éd foton, an pràtica i saroma na filura e i cambioma tut l'esperiment.

Ancora 'd pì tute ste considerassion a valo cand a passé da le filure a son eletron e nen foton. Sòn i lo vèddroma dòp.

Esperiment dè Stern e Gerlach

N'àutr esperiment che a mostra j'èet dla quantisassion (cola ch'a l'èciamà "quantisassion spassial") a lié col dè Stern e Gerlach, illustrà an figura 15. A l'é àit dovrand d'àtomo d'argent, che a l'é un material paramagnétich, e dona j'àtomo a l'han un sò moment nagnétich \vec{M} .

Un fluss d'àtomo d'argent a seurt slansà da na fornasa e a ven colimà da un colimador che a lo arduv a un fass che a viagia arlongh dl'ass y ed figura. Èl fass a traversa un càmp magnétich d'indussion \vec{B} che, mersi a la forma dj'espansion polar, a l'ha un gradient an diression z trasversal al moviment dj'àtomo. Costi a son donca sogét a un potensial $V = \vec{M} \cdot \vec{B}$.




Figura 15- Esperiment dè Stern e Gerlach

As produv un moviment ed precession ed \vec{M} anrona a la diression ed \vec{B} , mentre as èsvilupa na fòrsa media \vec{F}_z dàita dal gradient del canp, e donca dèl potensial, che a val $\vec{F}_z = M_z \cdot \frac{\partial B_z}{\partial z}$, mentre la component M_z a dipend da l'orientament dl'àtomo com a seurt da la fornasa, che a l'é casual, e a dovrìa pijé con continuità tuti ij valoe da $-M$ a $+M$. Sòn a produvria na trassa an slè scherm slongàntorna a l'ass z .

Anvece as treuvo mach doi depòsit separà, un che a corrispond a l'orientassion ed M paralél a B , e l'àutr che a corrispond a l'orientassion antiparalela. Sòn mostra che. contut che ij mment a sio orientà an manera casual cand j'àtomo a seurt da la sors, ant la misura a l'han mach doi orientament consenti. Donca j'orientament a son quantisà, ant èl sens che mach quaidun a ven trovà ant la misura. La misura midema a influensa l'arsizultà e a stabiliss la diression ed quantisassion.

J'ónde ed de Broglie

Ant èl 1924 monsù deBroglie a l'ha ipotisà che, parèj coma un foton a l'é descrivù da n'onda, pèr certi aspèt, e da na particola pèr d'àutri, a l'istèssa manera as dovìa podèj socé n'onda a na particola an moviment, ed massa m a l'arpòs. An particolar de Broglie a l'ha ipotisà che pèr l'eletron, coma pèr èl foton, as peussa parlé 'd

n'energia $E = h\nu$, e ed n'impuls $p = \frac{h}{\lambda}$.

Da na mira concetual a l'é nen fàcil socé n'onda a n'eletron, ma deBroglie a pensava, pr'esempi, che 'l comportament ed l'eletron an sl'òrbita d'un àtomo d'idrògen a podèssa esse descrivù da n'onda stassionaria an sl'òrbita. An efèt, an sto cas, la condission che l'onda a venta che a rispeta a l'é che an sl'òrbita a-i sia un nùmer antreggh ed periodo. Se r a l'é 'l ragg ed l'òrbita, antlora a deuv esse

$$n\lambda = 2\pi r$$

Ma se costa condission a l'é vera, antlora se i provoma a scrive col ch'a diventa l'impuls dl'eletron, i otnoma che

$$n \frac{h}{p} = 2 \pi r \quad \text{vis - a - di} \quad p r = n \hbar$$

e costa a l'é pròpi la condission ed quantissation ed Böhr. Donca l'ipòtesi a l'é suportà an quai maniera.

Prima d'andé anans a l'é méj arciamé un pòch d'idèje su j'ondee eletromagnétiche ch'i l'oma vist ant la seccion sinch paer eut ed coste nòre.

Arciam an sj'onde eletromagnétiche

An cost capitòl i vardoma ed trové na maniera rasonèivol ed socé n'onda a na particola ch'a viagia. An efét i soma abituà a pensé n'onda coma n'entità che as èspantia a l'anfinian tute le diression, e a na particola coma n'entità che as treuva ant un pont con soa massa m che a resta concentrà e as èspatara nen ant lè spassi. I antroduvroma èll pachet d'ondee e soa velocitá ed grup. Ma partoma da j'onde pian-e.

Onde pian-e

Is arferima a la figura 16, andova i l'oma arpresentà na fonsion $\Psi(x)$ che i disoma "fonsion d'obda", an fonsion dlè spassi (is limitoma ambelessi a na sola dimension) ant un temp qualonque. Sta fonsion a arpresenta n'onda piana-a, vis-a-di n'onda dont ij pont con l'istessa fase a stan su pian ortogonaj a l'ass x .




Figura 16 - Onda pian-a

Soa equassion a l'é $\Psi(x) = A \cos \frac{2 \pi x}{\lambda}$ e se i pensoma a n'ampièssa unitària: $\Psi(x) = \cos \frac{2 \pi x}{\lambda}$

St'onda a viagia ant la diression positiva dl'ass x e donca, dòp un temp t , a sarà spostasse d'un tràit Δx . Se u a l'é la velocitá dlè spostament i l'oma che $\Delta x = u t$, e i l'oma 'dcò che la velocitá u a l'é 'dcò dàita da la frequensa ν multiplicà pèr la longhèssa d'onda λ . Donca $u = \nu \lambda$

I podoma scrive:

$$\Psi(x, t) = \cos \left[\frac{2 \pi}{\lambda} (x - \Delta x) \right] = \cos \left[\frac{2 \pi}{\lambda} (x - u t) \right] = \cos \left[\frac{2 \pi}{\lambda} (x - \nu \lambda t) \right] = \cos \left[2 \pi \left(\frac{x}{\lambda} - \nu t \right) \right]$$

Adèss i butoma che $k = \frac{2 \pi}{\lambda}$ (nèmer d"onda) e $\omega = 2 \pi \nu$ (pulsassion). I l'oma donca:

$$\Psi(x, t) = \cos (k x - \omega t)$$

L'argument dèl cossen a l'é dit "fase", e i l'ona dit che l'onda pian-a a l'é caraterusà da ian an possission x a fase costanta, e donca pèr un qualonque x ant un dàit temp t i l'oma

$$kx - \omega t = \text{cost} \quad ; \quad x = \frac{\omega}{k}t + \text{cost}$$

La surfassa $x = \text{cost}$ a fase costanta a viagia, ant la diression ed x ch'a chërs, con na velocitè:

$$u = \frac{dx}{dt} = \frac{\omega}{k}$$

che ant ël veuid a val c velocitè dla lus., ma al pòst dël cossen as peul dovré la fonsion sen r an general (vardé session sinch part eut) i l'oma

$$\Psi(x, t) = \cos(kx - \omega t) + i \sin(kx - \omega t) \quad \text{ma i l'oma che: } \cos \alpha + i \sin \alpha = e^{i\alpha} \quad \text{e donca}$$

$$\Psi(x, t) = e^{i(kx - \omega t)}$$

e as peul ëdcò suppon-e che ël moviment a sia vers $-x$ che a cala, e antlora, arfasend ij cont, l'equassion a dventa:

$$\Psi(x, t) = e^{i(kx + \omega t)}$$

Adission d'onde pian-e

Ambelessi an anteresso d'onde che a l'ùbio na longhëssa d'onda λ pòch diferenta. I suponsma donca che ògni onda a l'àbia na soa püksassion ω_j e un sò nùmer d'onda k_j , con ampissa A_j . I l'oma:

$$\Psi(x, t) = \sum_j A_j e^{i(k_j x - \omega_j t)}$$

I comensoma a adissioné fra 'd lor doe onde $\Psi_1(x, t) = e^{i(k_1 x - \omega_1 t)}$ e $\Psi_2(x, t) = e^{i(k_2 x - \omega_2 t)}$. An figura 17 i arportoma la part real dl'equassion $\Psi = \Psi_1 + \Psi_2$

$$\text{An efét, se i adissionoma le part reaj dj'onde i l'oma} \quad \Psi(x, t) = \cos(k_1 x - \omega_1 t) + \cos(k_2 x - \omega_2 t)$$

ma për le fòrmule ed prostaferrési: $\cos p + \cos q = 2 \cos \frac{p-q}{2} \cdot \cos \frac{p+q}{2}$ nòstra onda a dventa:

$$\Psi(x, t) = 2 \cos \frac{(k_1 x - \omega_1 t) - (k_2 x - \omega_2 t)}{2} \cdot \cos \frac{(k_1 x - \omega_1 t) + (k_2 x - \omega_2 t)}{2}$$

$$\Psi(x, t) = 2 \cos \left[\left(\frac{k_1 - k_2}{2} \right) x - \left(\frac{\omega_1 - \omega_2}{2} \right) t \right] \cdot \cos \left[\left(\frac{k_1 + k_2}{2} \right) x - \left(\frac{\omega_1 + \omega_2}{2} \right) t \right]$$

Èl prim fator dòp ël 2 a l'é l'ampiëssa A che a vèria con na pulsassion $\frac{\omega_1 - \omega_2}{2}$ fra -1 e 1, mentre lè scond fator a l'é l'onda con pulsassion mèdia fra le doe ed partensa.

L'ampiëssa

$$A = 2 \cos \left[\left(\frac{k_1 - k_2}{2} \right) x - \left(\frac{\omega_1 - \omega_2}{2} \right) t \right]$$

anlup ed l'onda, as ëspòsta 'dcò chila vers driya con na **velocità ed grup** v_g che a val:

$$v_g = \frac{\Delta \omega}{\Delta k} = \frac{\omega_1 - \omega_2}{k_1 - k_2}$$




Figura 17 - Adission d'onde e velocità ed grup

Onde stassionàrie

Se i consideroma doe onde che a l'àbio $k = k_1 = -k_2$ e $\omega = \omega_1 = \omega_2$, vis-a-dì istessa frequensa e nùmer d'onda opòst, e j'adissionoma, i otnoma l'equassion d'onda

$$\Psi(x,t) = e^{i(kx - \omega t)} + e^{i(-kx - \omega t)} = e^{i(kx - \omega t)} + e^{-i(kx + \omega t)} = (e^{i1x} + e^{-i1x}) \cdot e^{-i\omega t}$$

e se i arcordoma l'espression esponensial dle fonsion trigonométriche, i podoma scrive

$$\Psi(x,t) = 2 \cos kx \cdot (\cos \omega t - i \sin \omega t)$$




Figura 18 . Onda stassionària

Donca i l'ona è prodòt ed doe fonsion, dont la prima a dipend mach da x e la sconda a dipend mach da t . La prima part a dà l'ampièssa dl'onda an fonsion dla posission, e ant ij pont $kx = \pi/2, 3\pi/2, \dots$ a val sempe zero. Ij neu dl'ossllsddion a dipendo nen dak temp. La part real dla sconda fonsion a vada da -1 a 1 con la pulsassiom ω . A-i é donca nen nièspostament orisontal dl'onda arlongh l'ass x ma mach na vibrassion an vertical dij pot che a son nen neu,. Son a l'é arpresentù an figura 18.

Pachet d'onde

La dzorposission d'anfin'e onde ant un camp strèit ed frequense con spetr continuo) a dà origin a un pachet d'onde, che a pija la forma aprossimà an figura 19, andova a son stàite adissionà 30 onde con frequensa da $f - 0,038f$ fina a $f + 0,038f$, fasend an manera che j'onde a fusso tute an fase ant el pont origin ant el disegn ed fifura. Con mach coste onde a continuo a essie d'ondulassion lontan da l'origin, còsa che a càpita nen con nè spètr continuo.




Figura 19 - Pachet d'onde

Sempe restand ant na sola dimension i podoma donca arpresenté el pachet d'onda $\Psi(x,t)$ cona:

$$\Psi(x,t) = \int f(k') e^{i(k'x - \omega't)} \quad \text{andova} \quad f(k') = A(k') e^{i\alpha(k')} \quad \text{e donva} \quad \Psi(x,t) = \int A(k') e^{i(k'x - \omega't + \alpha)}$$

andova $A(k')$ a l'é definia antorna a in valor k ant un domini D che a l'ha n'estension Δk . A sta mira i cianona $\phi = k'x - \omega't + \alpha$ la variabil ed fase. Se el fator ed fase $e^{i\phi}$ a ossila vaire vire ant el domini D , antlora l'integral a diventa trascurabil, mentre el contribu pi gross a l'é dait da na fase ϕ qiiai costanta, donca cand

$$\left. \frac{d\phi}{dk'} \right|_{k'=k} = \left(x - \frac{d\omega'}{dk'} t + \frac{d\alpha}{dk'} \right)_{k'=k} \cong 0$$

Costa condission a definiss edcò el pont x andova la fonsion $\Psi(x,t)$ a l'ha sò valor massim, che a l'é donca dait da:

$$\bar{x} \cong \frac{d\omega}{dk} t - \frac{d\alpha}{dk}$$

andova le derivà a son fàite rispét a k' calcolà ant el pont k .

Pèr valuté la larghessa Δx dël pachet i consideroma che se $e^{i\phi}$ a fa pi che n'ossilassion amt lionterva D antlora l'integral a tira a anulésse. Antlora i podoma buté la condission:

$$\Delta\phi \cong \Delta k \left| \frac{d\phi}{dk} \right| \leq I$$

e se esplissitoma $\Delta\phi$ e peui i arcordoma che $\bar{x} \cong \frac{d\omega}{dk} t - \frac{d\alpha}{dk}$ i otnoma:

$$\Delta k \left| \frac{d\phi}{dk} \right| = \Delta k \left| x - \frac{d\omega'}{dk'} t + \frac{d\alpha}{dk'} \right| = \Delta k |x - \bar{x}| \leq I$$

e da si as arcava che $\Delta x \equiv |x - \bar{x}| \leq \frac{I}{\Delta k}$

Sòn a dis che as peul fesse un pachet d'onde con n'estension limità Δx , dzorponend onde pian-e con nùmer d'onda comprèis ant un interval Δk , antorna a un valor k . Pì òl pachet a l'é localisà e pì gròss a venta ch'a sia l'interval Δk dij nùmer d'onda dovrà. I notoma che -el pont èd massim \bar{x} d'òl pachet as bogia con na velocitá

$$v_g = \frac{d\bar{x}}{dt} = \frac{d\omega}{dk}$$

che a l'é dita "**velocità èd grup**" (con mach doe onde i l'avio trovà $v_g = \Delta\omega/\Delta k$)-

Se adéss arpojoma le posission èd monsù deBroglie pèr j'onde 'd materia pèr l'energia $E = h\nu = \hbar\omega$, e pèr n'impuls $p = \frac{h}{\lambda} = \hbar k$.

Se ant l'espression èd v_g i multiplicoma numerator e denominator pèr \hbar i l'oma che $v_g = \frac{dE}{dp}$ e i podoma verifiche che costa a corispond a la velocitá èd na partìcola tant ant òl cas nen relativistich coma ant òl cas relativistich. Pèr òl cas nen relativistich i l'oma:

$$v_g = \frac{dE}{dp} = \frac{d}{dp} \left(\frac{p^2}{2m} \right) = \frac{p}{m} = v$$

Pèr òl cas relativistich i armndom a l'ultima part d'la prima session èd coste nòte e da là i arportoma che l'energia èd na partìcola con massa a l'arpòs ugual a m_0 e con na velocitá v a val a val $E = m_0 \gamma c^2$ andova

$\gamma = \frac{1}{\sqrt{1 - \left(\frac{v}{c}\right)^2}}$ mentre i l'oma $p = m_0 \gamma v$. Donca, senza fé tuti ij passaggi:

$$v_g = \frac{dE}{dp} = \frac{pc^2}{E} = \frac{m_0 \gamma v c^2}{m_0 \gamma c^2} = v$$

Contut sòn, l'arpresentasson d'la partìcola con un pachet d'onde a l'é da pijécon le mòle, dal moment che òl pachet a tira ampresa a disperdse.

I notoma che se i voroma localisé bin òl pachet i l'oma da manca èd tante onde e donca a aumental'incertèssa an s'impuls. Con na sola onda pian-a i l'oma un precus impuls ma i savoma gnente an ska posission d'la partìcola.

Esperiment èd Davisson e Germer

Pèr verifiche l'ipòtesi èd deBroglie ij monsù Davisson e Germer, ant òl 1927, a l'han fàit n'esperiment èd difrasson, fenòmeno che a càpita con j'onde eletro-magnétiche e che, se dabon j'eletron a l'han comportament èdcò ondulatòri, a deuv capité 'dcò con j'eletron.

Mandand un fass èd ragg X a un dàit àngol su na surfassa d'un material cristalin, an sto cas òl nichel, cost a ven-o devià a dàit àngoij che a dipendo da la frequensa d'la radiasson e, natural, dal reticol cristalin. Sostituend òl fass èd ragg X con un fass d'eletron, ij doi arsecador a l'han podù stabilì che la difrasson a càpita a l'istèssa manera. Da le frange 'd difrasson a l'han podù calcolé la longhèssa d'onda èd "*l'onda*" dj'eletron, e a l'han

podù trové pròpi $\lambda = \frac{h}{p}$, andova p a l'é 'l moment dj'eletron calcolà an base a la tension d'acelerasson, e donca

conossù. Sòn a dimostrava l'esistensa pèr dabon dij' ónde 'd deBroglie. (Noi i l'oma dèsgia acenà che 'dcò l'esperiment ëd Young, fàit con eletron, a conferma costa ipòtesi).

I stoma nen, ambelessi a intré ant ij particolar dla misura.

Esperiment ëd Young con j'eletron

I l'oma dèsgia acenà prima che l'esperiment ëd Young a fonsion-a 'dcò se a l'é fàit con d'eletron. Si i vardoma còs a càpita se i consideroma n'ónnda dël tipo 'd cola ch'i l'oma vist, ancora senza pensé a j'eletron che a la produvo. An serv giusta savèj che se j'eletron a son acelerà da un potensial V a l'avran un moment

$$p = \sqrt{2meV}$$

L'ónnda 'd deBroglie a riva coma n'ónnda pian-a an sle doe filure, che a dvento sors d'ónde coerente silindriche, e su coste i foma j'istèsse considerassion ch'i l'oma fàit an sj'onde luminose. An efét i consideroma, che an slè scherm, ant ògni pont, a rivo doi ragg, un pèr filura, e i adissionoma j'ampièsse pèr conòsse l'ampièssa dla radiassion che a riva an slè scherm. Senza arportéla ambelessi, is arferima sempe a figura 1.

Da la prima filura F_1 al pont P a l'autèssa x an slè scherm S_2 , a-i é la distansa s , e se N a l'é na costant, l'ampièssa dl'ónnda che a riva da sta filura a val:

$$\Psi_{F_1}(x, t) = N e^{i(k_s - \omega t)} = N e^{i\left(\frac{ps - Et}{\hbar}\right)}$$

An sl'istèss pont P l'ampièssa che a riva da la filura F_2 a val (i l'oma indicà con r la distansa e nen con t pèr nen confondla con el temp):

$$\Psi_{F_2}(x, t) = N e^{i(k_r - \omega t)} = N e^{i\left(\frac{pr - Et}{\hbar}\right)}$$

I podoma gionté le doe amplièsse pèr avèj l'ampièssa an sël pont P an costion. Svilupand ij cont (còsa che si i foma nen) i l'oma:

$$\Psi(x, t) = \Psi_{F_1}(x, t) + \Psi_{F_2}(x, t) = 2N e^{i\left(\frac{p l_{med} - Et}{\hbar}\right)} \cdot \cos\left(\frac{p \Delta l}{2\hbar}\right)$$

andova i l'oma indicà $l_{med} = \frac{s+r}{2}$ e $\Delta l = r - s$. I osservoma peui che se la distansa D a l'é bin pì gròssa dla distansa d fra le filure, i podoma scrive, con bon-a approssimassion, che $\Delta l = \delta = d \cdot \sin \varphi$ (i soma sempe arferì a figura 1). L'intensità ëd n'ónnda a l'é proporsional al quadrà dl'ampièssa, e se l'ampièssa a l'é complessa, coma an sto cas, l'intensità a l'é proporsional al quadrà dël mòdulo. Se donca I a l'é l'intensità, i podoma scrive che

$$I \propto \Psi \Psi^*$$

e pèr nòstre onde i l'avroma

$$I(x) \propto \cos^2\left(\frac{pd \sin \varphi}{2\hbar}\right)$$

I l'oma dovrà la notassion Ψ^* per indiché la fonsion complessa coniugà dla fonsion Ψ . Se la còsa, pèr quàich letor, a fussa nen ciàira, i arandom al capitol ch'a ven ("**nossion matemàtiche da ten-e present!**") pèr ba ciaciarada an orioèsit.

Adèss i podoma arpijé 'l discors dj'eletron. L'intensità d'un flux as àplica 'dcò a un flux d'eletron, e nen mach a d'ónde. An efét l'intensità a l'é l'energìa che a passa travers l'unità 'd surfassa ant l'unità ëd temp. Adèss i podoma ciamé $N(x)$ ël nùmer d'eletron che a rivo ant l'unità 'd temp an 's l'unità 'd surfassa e arcordèsse

che ògni eletron a l'ha n'energìa socià che a val $E = \frac{p^2}{2m}$. L'intensità socià a j'eletron a l'é donca

$$I(x) = N(x) \frac{p^2}{2m}$$

Second la teoria ëd deBroglie i dovrìo spetesse che $N(x) \propto \psi \psi^* \propto \cos^2\left(\frac{pd \sin \varphi}{2\hbar}\right)$ se as conto

j'eletron che a rivo ant le diferente poission x an slè scherm, as peul vèdde che la teoria ëd deBroglie a l'é confermà.

A sta mira i l'oma vist che për giustificà j'esperiment a venta consideré che l'energìa a ven assurbìa e emettù a për quantità discrète, che j'eletron antorna a l'àtomo a l'han stat d'energìa discreta con precis livej, e a peulo nen passé da nù stat a l'àutr se nen emèttend ò arsèvend ant un sol at l'energìa necessària al sàut. Èl moment angular dj'eletron antorna a n'àtomo a l'é quantisà, con precis valor possibij. I l'oma vist che la lus as propaga për foton che as compòrto coma partìcole, dont l'energìa a l'é anlià a soa frequensa da la costant ëd Planck. A la fin i l'oma vist che 'dcò le partìcole as compòrto coma ij foton, con na frequensa socià che a dipend da soa energia, con relassion istèssa a cole dij foton.

Interpretassion ëd Born

I suponoma che an total a-i sio N_{tot} eletron che a passo le filure ògni second. Is ciamoma che probabilità a l'ha un ëd costi eletron ëd rivé an 's na surfassa ΔA dlè scherm ant l'anviron dël pont x . Se i suponoma che ògni eletron a viagia an manera indipendent, sta probabilità a l'é dàita da: $\frac{N(x) \Delta A}{N_{tot}}$. Ma n'eletron che a viagia a na velocità v , për rivé an sla surfassa ΔA a venta che, ant un temp che a vada da t_0 a $t_0 + \Delta t$ as trovèissa ant un cit volum anans a la surfassa dàit da $\Delta V = \Delta A \cdot v \Delta t$.

Donca i podoma dì che la probabilità che n'eletron a riva an 's la surfassa ΔA ant un temp Δt a l'é istèssa a la probabilità che a un dàit temp t_0 l'eletron as treuva ant ël volumet ΔV .

I ciamoma P_V la probabilità che l'eletron, al temp t a sia ant ël volum ΔV e i podoma scrive:

$$P_V = \frac{N(x) \Delta A}{N_{tot}} \cdot \Delta t = \frac{I}{v N_{tot}} N(x) \Delta V \quad e \quad donca \quad P_V \propto \psi(x, t) \psi^*(x, t) \Delta V$$

As peul sempe trové na solussion tala che $P_V = \psi(x, t) \psi^*(x, t) \Delta V$, mersì a la linearità dl'equassion dl'ònda. Donca i podoma dì, second l'interpretassion ëd Born, che:

Se la fonsion d'ònda socià con l'eletron a l'é $\psi(x, y, z, t)$, la probabilità P_V ëd trové l'eletron and un cit volumet ΔV antorna al pont (x, y, z) a l'é dàita da

$$P_V(x, y, z) = \psi^*(x, y, z, t) \psi(x, y, z, t) \Delta V$$

Se peui n'eletron a-i é, antlora la probabilità che da quàich part as treuva a val 1. Donca as peul scrive 'dcò na condission ëd normalisassion che a arzulta:

$$\int \psi^*(x, y, z, t) \psi(x, y, z, t) dx dy dz = 1$$

El fàit che sta probabilità a dipenda dal quadrà dla fonsion d'ònda a l'é 'dcò giustificà dal fàit che sta probabilità a venta ch'a sia un nùmer real. As peul noté na corrispondensa fra probabilità e intensità dël camp elétrich. La distribussion dle probabilità a l'é responsàbil dle frange 'd difrassion con j'eletron, parèj coma l'intensità dël camp a pròvoca la difrassion con la lus. L'intensità dël camp a l'é proporsional al quadrà dël camp elétrich, parej coma la probabilità a l'é proporsional al quadrà dla fonsion d'ònda.

Interpretasson ëd Copenagen

I l'oma vist l'interpretasson probabilistica second Born, e si i giontoma un concèt dovè a Heisemberg, che a dis che la fonsion d'onda a pòrta tuta l'informasson an slè stat ëd moviment ëd na partìcola, e che n'osservasson n sto moviment a fò "colassé" sto stat ant n'òutr ësrrar.

A sto propòsit i podoma torna consideré l'rsperiment dlé doe filure. Se 'l moviment dla partìcola a l'é descrivù da la fonsion d'onda Ψ , antlora i l'oma che la densità ëd probabilità $P(x)$ ëd trovéla an x a sarà dàota da $P(x) = |\Psi|^2 = \Psi \cdot \Psi^*$. Disoma peui che na partìcola che a passa da ja filura A a l'é descrivù da la fonsion d'onda Ψ_A e che la partìcola che a passa da la filura B a l'é descrivù da la fonsion d'onda Ψ_B .

Dal moment che la partìcola a passa ò d na part ò d l'àutra senza dividse, a venta che a sia

$$\Psi(x) = \Psi_A(x) + \Psi_B(x).$$

Se i saroma la filura B , con A duverta, la fonsion Ψ a colassa ant la fonsion Ψ_A e la densità 'd probabilità a dventa $P_A(x) = |\Psi_A|^2 = \Psi_A \cdot \Psi_A^*$

Se i saroma la filura A , con B duverta, la fonsion Ψ a colassa ant la fonsion Ψ_B e la densità 'd probabilità a dventa $P_B(x) = |\Psi_B|^2 = \Psi_B \cdot \Psi_B^*$

Se i saroma an alternansala filura A , con B duverta, e la filura B com A duvertapër netà e metà dël temè la fonsion Ψ a colassa ant la fonsion Ψ_B e ant la fonsion Ψ_A an alternansa e ant la fonsion e la densità 'd probabilità a dventa $P_A(x) + P_B(x) = |\Psi_A|^2 + |\Psi_B|^2 = \Psi_A \cdot \Psi_A^* + \Psi_B \cdot \Psi_B^*$

Se le filure A e B a son sempe duverte tute doe, antlora la fonsion d'onda a val $\Psi(x) = \Psi_A(x) + \Psi_B(x)$ e la densità 'd pronanità a sarà

$$P(x) = |\Psi(x)|^2 = |\Psi_A + \Psi_B|^2 = |\Psi_A|^2 + |\Psi_B|^2 + \Psi_A^* \cdot \Psi_B + \Psi_A \cdot \Psi_B^*$$

andova a-i son doi termo d'interferensa.

Se le filure A e B a son tute doe duverte, ma i butoma un rivelator daré a la filura A , la fonsion d'onda Ψ_A a ven modiicà an manera casual da la misura e ij termo d'interferensa a sparisso. A-i é un colass ëd costa fonsion vers stat nen conossù. La misura midema a distruv l'esperiment.

Tit dòn a fa part ëd cola che a l'é dita "interpretasson ëd Copenagen",. St'interpretasson a l'é 'ncora an discussion, ma a fonsion-a pèr lòn ch'an serv.

A propòsit ëd trajetòria

I arpijoma quaicòs che i l'oma acenà prima, e i continuoma a consideré l'esperiment dle doe filure, fàit con d'eletron. I l'oma già vist pèr ij foton un comportament pitòst dròlo, che a l'ha portà a concludé che j'aspèt ondulatòri e coj corpuscolar dij foton a son nen separàbij.

Ambelessi, però, da na mira concetual le còse a son pì complicà, dal moment che i savoma che l'eletron a l'é na partìcola con na massa e na dimension che a son stàite an quàich manera misurà, mentre 'l comportament a smija pròpi istéss a col dij foton.

An efèt, pèr ël foton, a l'é pì fàcil anmaginé un comportament dobi, mentre a ven da ciamésse (la domanda a l'é dròla, lo sai) che fin a fà la massa dl'eletron mentre l'eletron as compòrta da ónda? As ësptara coma un front d'ónda? (as dirìa pròpi che 'd nò). I soma abituà a pensé che n'ónda a peussa propaghésse un pòch da's pèr tut, contut che peui ël foton a riva ant un pont precis, ma che na partìcola che a vè da un pòst a l'àutr a

deubia passe ant na serie 'd dâit pont che, butà un dòp l'àutr, a faso na linia che i podoma consideré coma "trajetòria".

Se is butoma an condission ëd podèj osservé costa trajetòria, e i rivoma a félo, i podoma da bon stabili che n'eletron a l'é passà da la prima opura da la sconda filura, ma a l'istéss temp a spariss ël fenòmeno dl'interferensa (as diria che l'eletron "a l'é ofendusse"), perchè nòstra misura a ven alterà an manera completa. Për avèj l'informassion dël passagi a venta che i anteragisso con l'eletron (che a venta almanch ch'a fasa devié un foton) e lòn a basta a dèstruve la misura. I l'oma gnun-e manere ëd podèj dì che l'eletron a l'ha na trajetòria an cost esperiment.

A venta cambié manera 'd pensé, e sòn a l'ha fàit tribulé ij fisich dël prinsipi dël neuvsent.

I notoma sùbit che i soma stàit obligà a dèscribe j'arzultà dla misura dle doe filure con ëd fonsion che a dan la probabilità ëd trové l'eletron ant un dâit post. Costa probabilità a l'ha un caràter diferent da cola che i dovroma, pr'esempi, ant la teoria cinética dij gas, andova la necessità ëd na dèscrission probabilistica a ven da l'impossibilità ëd conòsse e ten-e cont dla situassion dinàmica e le condission inissiaj ëd milanta miliard ëd particole.

Ambelessì i termo dla situassion a son pòchi e conossù, e la nòstra a l'é na probabilità teorisà. A ven dal fàit che as dimostra (e i lo foma sù dapréss un pòch pì anans) coma a sia nen possibil conòsse an manera deterministica precisa la situassion. ***Donca a l'é nen ch'i soma nen bona félo, ma a l'é ch'as peul nen fésse.***

Nossion matemàtiche da ten-e present

Prima d'intré ant la Mecànica Quantistica a conven pijé an considerassion coj concét che a peulo vni a taj relativ ai nùmer compléss, a jè spassi a un nùmer qualonque ëd dimension, fina a l'anfinì. andova a son definì vetor e fonsio complésse. I parloma ëd prodòt intern e d'operator. An sto capitol i vardoma ij concét prinsipaj e le definission, e i androma pì ant l'ancreus se e cand a sarò necessari. I giontoma donca quaicòs ëd pì spessifich rispét a lòn ch'i l'oma dësgjà vist ant la session dedicà a j' *Utiss matemàtich* për la Fìsica Sperimental, dont i arpetoma 'dcò quaicòs.

Ij nùmer compléss

I l'oma già parlà 'd costi nùmer ant la session dj' Utiss matemàtich. I l'oma vist che un nùmer compléss c a l'é l'adission d'un nùme real e un nùmer anmaginàri e a peul esse anmaginà coma arpresentà da un pont an s'un pian, dont la coordinà x a indica la part real a , mentre la coordinà y a indica la part anmaginària b . La part anmaginària a l'é cola multiplicà për l'unità anmaginària $i = \sqrt{-1}$. I l'oma vist ant la session cità 'l significà ëd costa unità. Ant lòn ch'i disoma s'is arferima a la figura 20.

I arportoma le proprietà dl'unità imaginaria, che a derivo da soa definission. I l'oma che:

$$i^2 = \sqrt{-1}\sqrt{-1} = -1 \quad ; \quad i^3 = -i \quad ; \quad i^4 = 1 \quad ; \quad i^5 = i \quad ; \quad \frac{1}{i} = -i$$

Un nùmer compléss a sarà donca scrit coma $c = a + ib$. As dis compléss coniugà c^* d'un nùmer compléss c , ël nùmer ch'as oten cambiand ël segn dla part imaginaria. Vis a di che $a \square i b$ a l'é compléss coniugà dël nùmer $a \square i b$.

Un nùmer compléss, anmaginà coma un pont an sel pian ch'i l'oma dit, a l'é caraterisà da soa distansa dal pont origin dël pian. Se as considera 'l nùmer compléss com un vetor an doe dimension, dont le component a son soa part real e soa part imaginària, as dis "mòdul" dël nùmer compléss $|c|$ la longhëssa dë sto vetor. Donca i l'avroma

$$|c| = \sqrt{a^2 + b^2}$$




Figura 20 - Arpresentassion dij nùmer compléss

ma se i multiplicoma fra 'd lor un nùmer compléss e sò coniugà i l'avroma

$$c \cdot c^* = (a + ib)(a - ib) = [a^2 - (ib)^2] = (a^2 + b^2) = |c|^2 \text{ e donca } |c| = \sqrt{c \cdot c^*}$$

Se i ciamoma α l'àngol che 'l vetor-nùmer compléss a fà con l'ass dij nùmer reaj i l'oma 'dcò le relassion che a ven-o motobin a taj:

$$a = |c| \cos \alpha \quad ; \quad b = |c| \sin \alpha \quad ; \quad c = |c|(\cos \alpha + i \sin \alpha)$$

ma i l'oma vist an parland ëd série ant la session dj' Utiss matemàtich, che se i svilupoma an série 'd potense la fonsion $\cos \alpha$ e la fonsion $\sin \alpha$, e i adissionoma le série dòp avèj multiplicà la sconda për i , i otnìma lè svilup an série 'd potense dla fonsion $e^{i\alpha}$. Vis-a-dì che i l'oma:

$$\cos \alpha + i \sin \alpha = e^{i\alpha} \quad \text{e donca i l'oma} \quad c = |c| e^{i\alpha}$$

e se a a l'é la part real e b la part imaginària i l'avroma che a val la relssion $\tan \alpha = \frac{b}{a}$

Qualonque nùmer ëd mòdulo unitàri ($|c| = 1$) a l'é arpresentà da $e^{i\alpha}$, cand α a vària da 0 a 2π . Antlora, për $\alpha = 0 \rightarrow e^{i\alpha} = 1$, për $\alpha = \pi/2 \rightarrow e^{i\alpha} = i$, për $\alpha = \pi \rightarrow e^{i\alpha} = -1$, për $\alpha = 3\pi/2 \rightarrow e^{i\alpha} = -i$

J'operassion che as fan con ij nùmer compléss a son arpresentà sù sota.

$$\begin{aligned} (a + ib) + (c + id) &= (a + c) + i(b + d) \\ r \cdot (a + ib) &= ra + irb \\ (a + ib) \cdot (c + id) &= (ac - bd) + i(ad + bc) \\ \frac{(a + ib)}{r} &= \frac{a}{r} + i \frac{b}{r} \\ \frac{(a + ib)}{(c + id)} &= \frac{(a + ib) \cdot (c - id)}{(c + id) \cdot (c - id)} = \frac{ac + bd}{c^2 + d^2} + i \frac{bc - ad}{c^2 + d^2} \end{aligned}$$

I notoma 'dcò che 'l compléss coniugà dël prodòt ëd doi nùmer compléss a echival al prodòt dij compléss coniugà. Vis-a-dì, se A e B a son doi nùmer compléss i l'oma: $(A \cdot B)^* = A^* \cdot B^*$. An efèt i l'oma:

$$\begin{aligned} (a + ib) \cdot (c + id) &= (ac - bd) + i(ad + bc) \quad \text{dont ël compléss coniugà a l'é} \quad (ac - bd) - i(ad + bc) \\ (a - ib) \cdot (c - id) &= (ac - bd) + i(-ad - bc) = (ac - bd) - i(ad + bc) \end{aligned}$$

La notassion esponensial

I l'oma vist che un nùmer compléss a peul esse arpresentà da n'esponensial compléss, e a val la relassion, motobin amportanta, $e^{i\alpha} = \cos \alpha + i \sin \alpha$ mentre che për esponensial negativ $e^{-i\alpha} = \cos \alpha - i \sin \alpha$, e sòn perchè i l'oma che $\cos(-\alpha) = \cos \alpha$, mentre $\sin(-\alpha) = -\sin \alpha$.

Da sòn a arzulta che se un nùmer compléss c a val $c = |c| e^{i\alpha} = |c|(\cos \alpha + i \sin \alpha)$, sò compléss coniugà a sarà $c^* = |c| e^{-i\alpha} = |c|(\cos \alpha - i \sin \alpha)$. Se i provoma a calcolé 'l mòdulo $|c| = \sqrt{c^* c}$ i l'avroma:

$$\sqrt{|c| e^{-i\alpha} |c| e^{i\alpha}} = |c| \sqrt{e^{i(\alpha - \alpha)}} = |c| \sqrt{e^0} = |c| \sqrt{1} = |c|$$

J'operassion fàite an sto format a son pitòst imedià e, se c a l'é $c = r e^{i\alpha}$ e d a l'é $d = s e^{i\beta}$ i podoma scrivije:

$$\frac{1}{c} = \frac{1}{r e^{i\alpha}} = \frac{1}{r} e^{-i\alpha} \quad ; \quad cd = r s e^{i(\alpha + \beta)} \quad ; \quad \frac{c}{d} = \frac{r}{s} e^{-(\alpha - \beta)}$$

I l'oma vist che $e^{i\alpha} = \cos \alpha + i \sin \alpha$ e che $e^{-i\alpha} = \cos \alpha - i \sin \alpha$. Da coste doe espression i podoma scrive che $e^{i\alpha} + e^{-i\alpha} = 2 \cos \alpha$ mentre $e^{i\alpha} - e^{-i\alpha} = 2i \sin \alpha$. Da sòn i l'oma che:

$$\cos \alpha = \frac{1}{2}(e^{i\alpha} + e^{-i\alpha}) ; \quad \sin \alpha = \frac{1}{2i}(e^{i\alpha} - e^{-i\alpha})$$

Da 'ndova a ven costa notassion

Giusta pèr arciamé lòn ch'i l'oma già dit ant la session "**utiss matemàtich**" part set, a propòsit èd série, i consideroma lè svilup an série 'd potense dle fonsion e^z ; $\cos x$; $\sin x$:

Ch'a sia $z = x + iy$ nòstra variàbil complessa:

$$e^z = 1 + z + \frac{z^2}{2!} + \frac{z^3}{3!} + \frac{z^4}{4!} + \dots + \frac{z^n}{n!} + \dots ; \quad \text{e i notoma che } e^{x+iy} = e^x \cdot e^{iy}$$

Ma se adéss i scrivoma lè svilup dla fonsion e^{iy} i l'oma :

$$e^{iy} = 1 + i \cdot y + \frac{i^2 \cdot y^2}{2!} + \frac{i^3 \cdot y^3}{3!} + \frac{i^4 \cdot y^4}{4!} + \frac{i^5 \cdot y^5}{5!} + \dots$$

Arcordand che le potense pari dla i a valo -1 , nòstra série 'd partensa a arzulta fàita da doe série 'd termo che a son antèrcalà e che i podoma cheuje an manera separà. I otnoma lòn ch'i arportoma sù sota

$$e^{iy} = \left(1 - \frac{y^2}{2!} + \frac{y^4}{4!} - \frac{y^6}{6!} + \dots \right) + i \cdot \left(y - \frac{y^3}{3!} + \frac{y^5}{5!} - \frac{y^7}{7!} + \dots \right)$$

Antlora a arzulta, arcordand j'arzultà djè svilup dle fonsion èd cossen e sen, che :

$$e^{x+iy} = e^x \cdot [\cos(y) + i \cdot \sin(y)]$$

dal moment che le doe série indicà a son nen d'àutr che jè svilup an série 'd potense èd $\cos y$ e èd $\sin y$.

Complessa coniugà d'un nùmer e 'd na fonsion

I l'oma già dit còs a l'é èl compléss coniugà d'un nmer compléss e i l'ona 'dcò già dovalò. Anbelessì i vardoma giusta quàich proprietà dl'operassiom che a fà passé da c a c^* e che a l'é na fonsion ant èl camp C dij nùmer compléss. I l'oma che:

- $(c^*)^* = c$ e costa a l'é banal dal moment che as càmbia doe vire l'istéss segn.
- la fonsion a l'é bi-unìvoca e a valo le proprietà $(c_1 + c_2)^* = c_1^* + c_2^*$; $(c_1 c_2)^* = c_1^* c_2^*$, as trara donca èd n'isomorfism.-
- la part real d'un nùmer compléss $c = a + ib$ a l'é dàita da $a = \frac{c + c^*}{2} = \frac{a + ib + a - ib}{2} = \frac{2a}{2} = a$ mentre soa part imaginària a l'é dàita da $ib = \frac{c - c^*}{2} = \frac{a + ib - a + ib}{2} = \frac{2ib}{2} = ib$
- se $c \neq 0$ antlora $\left(\frac{1}{c}\right)^* = \frac{1}{c^*}$
- i l'oma che $c = c^*$ se, e mach se, c a l'é real, vis-a-dì $c \in \mathbb{R}$
- se $c = -c^*$ antlora c a l'é n'imaginari pur, vis-a-dì $c \in i\mathbb{R}$

Parland èd notassion esponensial i l'oma vist d'edempied fonsion compléss. A l'é ciàir che se ant na fonsion as treuva l'unità imaginària i , as trata èd na fonsion compléssa.

La fonsion compléssa coniugà èd na fonsion as oten sempe a l'istessa manera èd com as fà èl compléss coniugà d'un nùmer compléss, cambiand el segn a j'unità anmaginàrie.

A l'é adiritura banal che la compléee coniuçà èd na fonsiom real a coincid con la fonsion midema.

Pr'esempi, se i consideroma la fonsion $\Psi = e^{x+i \cdot y} = e^x \cdot [\cos(y) + i \cdot \sin(y)]$, soa fonsion compléssa coniuçò a sarà $\Psi^* = e^{x-i \cdot y} = e^x \cdot [\cos(y) - i \cdot \sin(y)]$

Se i calcoloma èl prodòt $\Psi^* \cdot \Psi$ i l'avroma che $\Psi^* \cdot \Psi = e^{x-i \cdot y} \cdot e^{x+i \cdot y} = e^{2x}$ opura 'dcò $\Psi^* \cdot \Psi = e^{2x} [\cos(y) - i \cdot \sin(y)] \cdot [\cos(y) + i \cdot \sin(y)] = e^{2x} (\cos^2 y + i \cos y \sin y - i \cos y \sin y + \sin^2 y) = e^{2x}$

L'istéss a val pèr un vetor a n component: sò compléss coniuçà a l'é èl vetor che a l'ha coma ògni soa component la compléssa coniuçà dla corispondenta component del vetor èd partensa.

Fonsion intèise cona vetor

N'idèja che a ven a taj an Mecànica Quantistica a l'é che na fonsion a peul esse tratà com un vetor che a l'àbia un nùmer anfini èd dimension.

As costuma, ant lè spassi a doe ò tre dimension, arpresenté un vetor con na flecia, che a l'ha doe ò tre projeccion an s'j'ass, che a son soe component. I podoma arpresenté nòstr vetor con un diagrama su doi ass dont j'assisse a pòrto l'indes dla component, e j'ordinà èl relativ valor. Na manera parèj d'arpresenté ij vetor a ven a taj, an particular, cand as trata èd vetor an n dimension, com i arpresentoma an figura 21.

Man man che i aumentoma èl n+mer dle dimension, èl profil èd nòstr digrama a smija sempe èd pì a l'arpresentassion èd na fonsion. An efèt, a l'istessa manera i podoma pensé èl diagrama èd na fonsion $f(x)$ coma col ilustrù an figura 22 cona col d'un vetor ant nè spassi a infinie dimension, che an manera contiinua a quato tut èl camp èd definission dla fonsion midema, che a peul ess 'dcò anfini. La coordinà x a fa da indes dla dimension e èl corispondent valor $f(x)$ a l'é èl valor dla relativa "component" dèl vetor




Figura 21 - Arpresentassion èd vetor a 3 r an n dimension




Figura 22 - Fonsion coma vetor

Sta manera èd pensé la fonsion a pèrmet d'estende a le fonsion quàich propietà dij vetor, I podoma, pr'esempi, parlé èd fonsion ortogonaj fra 'd lor e "nòrma" èd na fonsion, concét che a sostituiss la longhessa d'un vetor, na sòn i lo vèddroma pì tard.

Se as trata ed na fonsion contiinua definia bele nach su n'interva da x_a a x_b as trara macass'a f n'anfinità conyinuua èd coordimà. ça fonsiom a peul edcò da $-\infty$ a $+\infty$.

A venta arcordéssse che, contut che le dimension a sio anfinìe, ant l-e spassi a anfinìe dimenssion ch'i l'oma diyla fonsion a arpresenta sempe un pont. Sòn i lo vèddroma méj dòp.

Spassi vetoriaj

Nè spassi vetorial, èd coj che an antersso ambelessi, a l'é n'entità motobin pì general èd lòn chiù l'oma vist ant la session dj'utiss matamàtich èd coste nòte.

I partoma disend che nè spassi vetorial genèrich V , rispét al camp èscalar dij reaj R , ò dij compléss C (ciamand sto camp K èd sòlit as comprendo ste doe possibilità) a l'é n'ansema d'ogét ò element che a son ciamà "vetor", andova a son definie doe operassion ant la manera sù daprés. J'ogét matemàtich a peulo esse reaj ò compléss, e i stoma nen a spessifichéje ambelessi, bastamach che a sodisfo le condission sù sota. I ciamoma donca K èl camp dj'è scalar, Donca ant l'ansema V a son definie j'operassion:

- Adission $+$ tala che l'adission èd doi element èd V a l'é n'element èd V .
- Multiplicassion pèr nè scalar $*$ tala che se $k \in K$ e $v \in V$ antlora $(k*v) \in V$

Oltra a sòn a venta che la struttura $(V, +)$ a sia un grup abelian, vis-a-dì che a venta che - **1**) - a-i sia l'element neutr 0_V rispét a l'adission, e donca che pèr ògni element v èd V a sia che $0_V + v = v$. - **2**) - pèr ògni element v èd V a esista l'element invers \bar{v} rispét a l'adission tal che $v + \bar{v} = 0_V$. - **3**) - a val la proprietà associativa pèr l'adission, e donca se $u, v, w \in V$ antlora $(u + v) + w = u + (v + w)$. - **4**) - a val la proprietò comutativa pèr l'adission, e donca se $u, v \in V$ antlora $u + v = v + u$.

- A val la proprietà distributiva fra $*$ e $+$, donca se $v, w \in V$ e $k \in K$ antlora $k*(v + w) = k*v + k*w$ e 'dcò se $v \in V$ e $h, k \in K$ antlora $(h + k)*v = h*v + k*v$
- Se 1_K a l'é l'element neutr pèr la multiplicassion an K , vis-a-d' che pèr ògni $k \in K$ a val che $1_K * k = k$, antlora a venta 'dcò che a vala che pèr ògni $v \in V$ a vala che $1_K * v = v$.

I motoma che j'operassion definie a peulo esse diferente da cole che as fan an aritmética, bastamach che a sodisfo le condission dàite.

Vetor ant lè spassi R^n

I tornoma un moment ai vetor ch'i l'oma vist ant la session dj'utiss matemàrich, ant nè spassi R^3 , andova a l'é definia na trien-a cartesian-a ortogonal, e i pensoma a vetor nen aplicà, arpresentà dal vetor echipolent aplicà a l'ori'gin. I podoma di an sto cas, che nòstri vetor a son trien-e ordinà èd nùmer. Costi nùmer a arpresento le coordinà dèl pont andova a finiss la flecia che a part da l'ori'gin e che a arpresenta èl vetor.

Sòn a supon che a-i sio tre diression definie, che a son ij versor i, j, k èd j'ass cartesian x, y, z . Se la trien-a 'd nùmer a l'é a, b, c , antlora èl vetor, che i disoma \bar{v} , a peul esse arpresentà coma:

$$\bar{v} = a\vec{i} + b\vec{j} + c\vec{k}$$

A l'é ciàir che a, b, c , a son le longhesse dle projection ortogonaj dèl vetor \bar{v} an sj'ass cartesian e a son le component dèl vetor. e a localiso un pontr ant l-e spassi f'sich a tre dimension che i conossoma per esperiensa e ch'i soma bon a arpresenté an maners graàfica.

I versor a son sempe vetor e donca a peulo esse arpresentà 'dcò lor coma trien-e 'd nùmer, intèis coma valor dle component. Donca

$$\vec{i} = (1, 0, 0) \quad ; \quad \vec{j} = (0, 1, 0) \quad ; \quad \vec{k} = (0, 0, 1)$$

I notoma che sti tre versor a son na particolar "**base**" ant lè spassi R^3 che a l'é dita la "**base canònica**", e che a l'é suponùta coma nase cand costa a l'é nen spessificà, ma qualonque trien-a èd vetor linearment andipendent a peul fé da base dlè spassi R^3 . A l'é ciàir che l'ansema dij vetor pèr esse spessificà a ciamà che a si spessificà soa bse.

Na prima estension che i podoma fé a l'é ël suppon--e che j' ogét che a formo ij vetor dl'amsema V a sio pì nen trien-e ma enupòe 'd nùmer, coma pr'esempi sinchen-e a, b, c, d, e , I soma pì nen bon a imaginé, e donca a disegné un vetor parèj coma na flecia.

Macassia a ven natural pensé che costi nùmer a sio le misure dle component d'un vetor ant në spassi a n dimension R^n (an sto cas R^5), component arferie a na sinchen-a ëd vetor unitari $\vec{e}_1, \vec{e}_2, \vec{e}_3, \vec{e}_4, \vec{e}_5$ (**base canònica**) taj che ;

$$\vec{e}_1 = (1, 0, 0, 0, 0) \quad ; \quad \vec{e}_2 = (0, 1, 0, 0, 0) \quad ; \quad \vec{e}_3 = (0, 0, 1, 0, 0) \quad ; \quad \vec{e}_4 = (0, 0, 0, 1, 0) \quad ; \quad \vec{e}_5 = (0, 0, 0, 0, 1)$$

an manera che tuti ij vetor dlë spassi a son combinassion linear ëd costi vetor. An efét l'element dl'ansema arpresentà da la sinchen-a (a, b, c, d, e) a l'é un pont ant lë spassi a sinch dimension andividoà dal vetor \vec{v} :

$$\vec{v} = \vec{e}_1 a + \vec{e}_2 b + \vec{e}_3 c + \vec{e}_4 d + \vec{e}_5 e$$

Base ant në spassi vettoriàl

I l'oma parlà ëd base e ëd base canònica, ma a l'é mej vardé un pòch pì da davzim ëd lòn che as trara e com a peul esse trovà na base.

Për definì na base i podoma dì che : Dàit në spassi vettoriàl V su un camp scalar K , n'ansena ëd vetor $\{\vec{v}_1, \vec{v}_2, \dots, \vec{v}_n\} \subseteq V$ a l'é na base ëd V se : 1) - a l'é un sistema ëd generatòr ëd V , e 2) - i vetor $\vec{v}_1, \vec{v}_2, \dots, \vec{v}_n$ a son linearment andipendent.

Un sistema ëd generatòr a l'é n'ansena ëd vetor che a aparten-o a V , taj che tuti ij vetor $\vec{w} \in V$ a peulo esse esprimù con na combinassion linear dij vetor midem. An d'àutri termo, ant në spassi a n dimensiom a.i son n gré ëd libertà, e ògni pont a peul esse pensà coma dàit da në spostament ant na prima "diression", segoi da në spostament ant na scnda "diression", e via fòrt. Un sistema ëd generatòr $\vec{v}_1, \vec{v}_2, \dots, \vec{v}_k$ a l'é tal che se $\vec{w} \in V$ a l'é un quonque vetor dlë spassi V , antlora, ant ël còrp K a esisto sempe k scalar a_1, a_2, \dots, a_k taj che a s peussa scrive

$$\vec{w} = a_1 \vec{v}_1 + a_2 \vec{v}_2 + \dots + a_k \vec{v}_k$$

andova i notoma che k a peul esse $k \geq n$. Se $k > n$ antlora nen tuti ij vetor dël sistema ed generatòr a son linearment independent. Se, pr'esempi i pensoma a lë spassi R^3 , e i consideroma n'ansena ëd quat vetor. e i suponoma che costi vetor a sio nen tuti an sl'istèss pian.

Sòn a dis ch'i l'oma pì che na manera d'esprime tuti ij vator dle spassi coma combinassion linear dij vetor generatòr,

Se però i ciamoma che ij vetor generatòr a sio linearment andipendent fra 'd lor, e che a sio tanti quanti a son ij gré 'd libertà dlë spassi vettoriàl considerà antlora i l'oma n vetor che a formo na "**base**" ant lë spassi vettoriàl, e tuti ij vetor a peulo esse esprimù coma combinassion linear dij vetor dla base.

Coma abresé ëd lòn ch'i l'ona dit i arcordoma

- N'ansena ëd n vetor nen nuj $\vec{e}_1, \vec{e}_2, \vec{e}_3, \dots, \vec{e}_n$ as dis linearment independent se a-i son nen solussion a l'equassion $\sum_{i=1}^n \alpha_i \vec{e}_i = 0$, gavà la solussion banal $\alpha_i = 0$.
- As dis che në spassi a l'é a n dimension se an col ëspassi as peulo trové al massim n vetor che a sio linearment andipendent.
- Dàit nòstr ëspassi $V^n(\mathbb{R})$, ògni ansena ëd n vetor linearment andipendent a l'é dit na base an $V^n(\mathbb{R})$, e quonque vetor a peul esse esprimù an cola base, multiplicand ij vetor ëd base për ij giust coeficent (rapòrt fra la proieccion dël vetor an sij vetor dla base e ij vetor dla base midem), che as diso le component dël vetor an cola base. Èl vetor nul a peul nen esse ant l'ansena dij vetor che a formo na base, com as mostra fàcil.

- La base canònica antt mè spassi vettoriàl \mathbb{R}^n a l'èfàira dai vetor unitai $\vec{e}_1, \vec{e}_2, \vec{e}_3, \dots, \vec{e}_n$, che a l'han tute le component a zero meno cola che a corispònd a l'ìndes dèl vetoe ch a val un. Èl vantagi èd costa base a l'è che la enupla che a arpresenta èl vetor a l'è fàita da le component an cola base-

I notoma 'ncora che se i vetor èd na base a ven-o scanbià fra 'd lor, as oten sempe na base, na diferenta, Donca na dàita base a l'è un "**amsema ordinà**" èd vetor.

An nòstr but e pèr èl moment a-i é nen da manca d'andé pì ant l'ancreus- I lo faroma magari peui, se e cand a-i na sarà da manca.

Estension ai nùmer compléss

Se i pensoma che ij vetor èd nòstr èspassi vettoriàl a peusso esse emuple èd nùmer compléss (che a comprendo èdcò ij nùmer reaj) e che èl còrp djè scalar K a sia fàit daj nùmer compléss (che a comprendo 'dcò ij nùmer reaj), i podoma verifiche fàcil che le doe operassion d'adission èd doi vetor e èd multiplicassion d'un vetor pèr nè scalar a resto definie a l'istessa manera èd com i l'oma vist sù dzora, e donca i l'oma sempe nè spassi vettoriàl K^n su un còrp djè scalar K , e donca tute le considerassiom ch'i l'oma fàit considerand mach èd nùmer reaj, a continuo a valèj.

A venta però fé atension al fàit che un nùmere compléss a deriva da na cobia èd nùmer reaj, e sòn a peul deneré un pòch èd confusion, e antlora vardoma è s-ciàirisse j'idèje.

Se i considerona ij nùmer compléss coma definì da na cobia èd nùmer reaj (a, b) e i definima j'operassion d'adission e èd multiplicassion coma sù sota:

$$(a, b) + (c, d) = (a + c, b + d) \quad ; \quad (a, b)(c, d) = (ac - bd, ad + bc)$$

antlora i podoma di che as trata èd nè spassi che a corispònd a nè spassi real, còpia èd \mathbb{R}^2 , che donca su \mathbb{R} a l'ha dimension 2..

Ma i podoma èdcò di che macassia ij nùmer compléss a son un camp che su chiel nidem a l'ha pèr fòrsa dimensiom 1 .

Amt -el prim cas i podoma pensé al nùmer compléss coma a l'è definì da la figura 20, coma un pont localisà da doe coordinà ant èl camp dij nàmer reaj, dont la sconda a arpresenta la part imaginària e i dovoma pensé a na base fàita da doi vetor che a peulo esse $(1, 0)$ e $(0, 1)$. dont la combinassiom linear fòita con scalar che a apparten-o a \mathbb{R} , a consent èd produve la cobia che a arpresenta qualonque nùmer compléss.

Ant lè scònd cas a venta che a basta un solvector coma base, e i podoma serne èl vetor $(1, 1)$. La costion a dventa banal, pèrchè èl canp djè scalar adéss a l'è \mathbb{C} , equalonque element, multiplicà pèr la base, a arprodud qualonque element.

Èl prodòt intern

An sto capitol i definoma èl prodòt intern pèr vetor (ch'a sio reaj opura compléss) e pèr fonsion (che a peulo esse ò reaj ò complesse).

Un normal prodòt intern fra doi vetor reaj a peul esse fàit pèr component, giusta multiplicand fra 'd lor le component con l'istéss ìndes e adissionand costi prodòt. I podoma fé n'esempi sempì èd doi vetor an doe dimension $\vec{v} = \vec{i}a + \vec{j}b$ e $\vec{w} = \vec{i}c + \vec{j}d$ Èl prodòt intern $p = \vec{v} \cdot \vec{w}$, che a l'è pì nen un vetor ma nè scalar, a sarà donca $p = \vec{v} \cdot \vec{w} = ac + bd$

I l'oma 'dcò vist, ant èl cas èd vetor reaj an doe ò tre dimension, che l'istéss prodòt a l'è dàit dal prodòt dij doi mòduj multiplicà pèr èl cossen dl'àngol fra ij doi vetor. Le doe espression a deuvo esse echivalente.

I supponiamo che il vettore \vec{v} a forma n'angolo α con l'asse x e il vettore \vec{w} a forma n'angolo β sempre con l'asse x . Le componenti di \vec{v} saranno $a = |\vec{v}| \cos \alpha$ e $b = |\vec{v}| \sin \alpha$ mentre quelle di \vec{w} saranno $c = |\vec{w}| \cos \beta$ e $d = |\vec{w}| \sin \beta$. Se li moltiplichiamo per componenti li otteniamo:

$$\vec{v} \cdot \vec{w} = |\vec{v}| \cos \alpha \cdot |\vec{w}| \cos \beta + |\vec{v}| \sin \alpha \cdot |\vec{w}| \sin \beta = |\vec{v}| |\vec{w}| (\cos \alpha \cdot \cos \beta + \sin \alpha \cdot \sin \beta) = |\vec{v}| |\vec{w}| \cos(\alpha - \beta)$$

Se i supponiamo di vettori definiti in uno spazio reale a n dimensioni, e dunque con vettori a n componenti il prodotto interno di due vettori \vec{v} e \vec{w} è definito da:

$$\vec{v} \cdot \vec{w} = \sum_{i=1}^n v_i w_i$$

andove i è l'indice delle componenti.

La "lunghezza" $|\vec{v}|$ di un vettore \vec{v} (in qualunque dimensione) è sempre data da

$$|\vec{v}| = \sqrt{\vec{v} \cdot \vec{v}} = \sqrt{\sum_{i=1}^n v_i v_i}$$

Ante il campo complesso, però, costa definirlo a volte più non bene, dal momento che la "lunghezza" è supposta che sia un numero positivo (un "modulo"), mentre il quadrato di un numero immaginario è negativo. A ciò è dunque da manca una nuova definizione che sia continua a un numero immaginario e che sia valida anche in un campo complesso. Per ottenere ciò basta che il primo vettore sia sostituito da un complesso coniugato, mentre il secondo vettore resta come prima.

Qui dovremo usare la notazione \vec{v}^* oppure la notazione $\langle \vec{v} |$ per indicare il complesso coniugato del vettore \vec{v} , e il secondo vettore "bra", mentre il vettore normale può avere la notazione $|\vec{w}\rangle$ e si dice "vettore ket". Il prodotto interno di un vettore bra per un vettore ket può avere la notazione scura $\langle \vec{v} | \vec{w}\rangle$. Dunque li otteniamo:

$$\vec{v}^* \cdot \vec{w} = \langle \vec{v} | \vec{w}\rangle = \sum_{i=1}^n v_i^* w_i$$

A lo stesso modo il modulo $|\vec{v}|$ di un vettore diventa $|\vec{v}| = \sqrt{\vec{v}^* \cdot \vec{v}} = \sqrt{\langle \vec{v} | \vec{v}\rangle} = \sqrt{\sum_{i=1}^n v_i^* v_i}$ e allo stesso modo

è sicuro che il radicando è sempre positivo sia con vettori reali sia con vettori complessi. Anzi l'operazione di coniugazione complessa ha un effetto su un vettore reale mentre per un numero immaginario li otteniamo sempre un'unità immaginaria i moltiplicata per $-i$, o al contrario, operazione che dà sempre $+1$ come risultato.

Allo stesso modo si definisce il prodotto interno di due funzioni, che come li otteniamo visto, può essere inteso come vettore in uno spazio a infinite dimensioni. La sommatoria si trasforma in un integrale. Dunque allora le funzioni f e g li definiamo:

$$f \cdot g = \langle f | g\rangle = \int f^*(x) g(x) dx$$

andove l'integrale è esteso a un intervallo di interesse da a a b , intervallo che può essere anche infinito. Ricordiamo che, al momento, si suppone che le funzioni siano continue, almeno in un intervallo considerato. L'integrale è valido anche per un numero finito, e dunque le funzioni a cui si applica sono del tipo "quadrato-integrabili" in un intervallo (a, b) . Le funzioni delle quali il quadrato è integrabile in un intervallo (a, b) si dicono "spazi $L^2(a, b)$ ".

A questo punto notiamo che per il prodotto interno definito parzialmente è valida la proprietà commutativa, e se si scambia fra loro i due fattori si ottiene il complesso coniugato del risultato. Per esempio:

$$f = ax + ibx; g = cx + idx$$

$$fg = x^2(a-ib)(c+id) = x^2(ac+bd) + ix^2(ad-cb)$$

$$gf = x^2(c-id)(a+ib) = x^2(ac+bd) + ix^2(-ad+cb) = x^2(ac+bd) - ix^2(ad-cb)$$

"Nòrma", distansa e àngo

An general, la "**nòrma**" an 's nē spassi vektorial V real ò complèss sul camp scalar K a l'é na fonsion, che indicoma con ël sìmbol $\|\cdot\|$ che a l'ha le proprietà che i mostrona sù sota:

- $\|\vec{v}\| \geq 0 \quad \forall \vec{v} \in V$
- $\|\cdot\| = 0$ se, e mach se $x = 0$
- $\|\alpha \vec{v}\| = |\alpha| \|\vec{v}\| \quad \forall \alpha \in K$
- $\|\vec{v} + \vec{w}\| \leq \|\vec{v}\| + \|\vec{w}\| \quad \forall \vec{v}, \vec{w} \in V$

Èl prodòt intern ch'i l'oma vist a induv ant lē spasso vektorial na nòrma che ant ël cas ëd vektor ant lē spassi real a doe ò tre dimension a corispònd a la longhèssa dël vektor (fra orìgin e pomta), mentre an tuti j'àutri cas a ven sempe ciamà (oltra che nòrma) sempe "**longhèssa**". Parland dē spassi ëd fonsion ëd sàlit as deuvra ël termo "**nòrma**".

Nē spassi vektorial con na nòrma definìa as dis "**spassi normà**". Sto spassi a l'é 'dcò nē "**spassi métrich**", vis-a-dì nē spassi andova as peul definì na "**distansa**" fra doi pont andividoà da doi vektor..

Se V a l'é nē spassi vektorial andova a l'é definìa na nòrma. amtlora a l'é 'dcò definìa na fonsion "distansa" fra doi vektor $d(\vec{v}, \vec{w})$ con $\vec{v}, \vec{w} \in V$ coma $d(\vec{v}, \vec{w}) = \|\vec{v} - \vec{w}\|$ e le proprietà ëd costa fonsion a derivo sùbit da cole dla nòrma.

A l'é ciàir cheël vektor diferensa dij doi vektor as oten për diferensa dle component, e la radis quadrà dl'adission dël quadrà ëd coste diferensee a l'é la distansa (ò l'estension dl'idèja ëd distansa) fra ij doi pont andividoà dai doi vektor. An 2 ò an tre dimension sòn as verificà fàcil

I l'oma vist coma na fonsion f a peussa esse considerà un vektor ant nē spassi an anfinie dimension. An sto spassi i l'oma vist coma i podoma estende ël prodòt intern ëd doe fonsion, e i podoma definì na **nòrma** $\|f\|$ indota da sto prodòt imtern, am costa manera

$$\|f\| = \sqrt{f^* \cdot f} = \sqrt{\langle f | f \rangle} = \sqrt{\int_{tuti j'x} f^*(x) f(x) dx}$$

Drfinìa parèj, costa nòrma a sodisfa tute le condission ch'i l'oma scrivù sù dzora. I l'oma già notà coma, ant nē spassi con n'anfinie cont'nuo ëd dimension, la fonsion a l'é macassia arpresentà d un pont, che i disoma Q , e la nòrma a l'é n'estension dël concèt ëd distansa fra sto pont e l'orìgin O -

Tant com i l'oma fàit prima, për vektor a n dimension, i podoma 'dcò definì la "distansa" fra doe fonsion. I suponoma d'avèj, oltra a la fonsion f vista sù dzora, che a individoa ël pnt Q , ëdcò la fonsion g che a individoa n'àutr pont P . Për estension ëd lòn ch'i l'oma vist prima, la distansa a sarà cola fra ij pont P e Q , e a sarà domca dàita da

$$\|f(x) - g(x)\| = \sqrt{[f(x) - g(x)]^* [f(x) - g(x)] dx}$$

La nòrma, e la distansa a son nùmer reaj positiv, e na fonsion a l'é "**normalisàbil**" se a l'é "**quadrà-integràbil**" ant ël sens dla definission dàita. Lē spassi ëd le fonsion con coste carateristiche a l'é nē "**spassi métrich**" e nē "**spassi normà**".

I l'oma vist, an doe ò tre dimension, che ël prodòt èscalar ëd doi vektor a corispònd al prodòt dij mòduj moltiplicò për ël cossen ëd l'àngol fàit dai doi vektor. Donca për doi vektor, che a sio diferent da zero, ël prodòt èscalar a peul valèj zero se, e mach se, ël cossen dl'àngol α che ij doi vektor a formo, a val zero e donca se ij doi vektor a son ortogonaj.

Pr'esempi, an doe ò tre dimension i l'oma che el prodòt intern dij vetor \vec{v}, \vec{w} all'é:

$$\vec{v} \cdot \vec{w} = \|\vec{v}\| \|\vec{w}\| \cos \alpha \quad \text{e antlora} \quad \cos \alpha = \frac{\vec{v} \cdot \vec{w}}{\|\vec{v}\| \|\vec{w}\|} \quad \text{e donca} \quad \alpha = \arccos \frac{\vec{v} \cdot \vec{w}}{\|\vec{v}\| \|\vec{w}\|}$$

andova α a l'é n'àngol dij sòlit che i conossoma da la geometria.

A parte da ol an manera nen intuitiva, e a smija che a-i sia nen ëd sust a parlé d'àngoj. Macassia a l'é amportant manten-e quat dimension an sù, fin-a a rivé a l'infinità continua dle fonsion continue, i dovoma estende el concét d'àngol e el concét d'ortogonalità fra vetor a n dimension nen nùj e fra fonsion nen nule, anlià a l'anulésse dël prodòt intern.

Donca i disoma "**ortogonaj**" doi vetor diferent da zero ò doe fonsion diferente da zero an meud uidentich, dont el prodòt scalar a val zero.

Fonsion e vetor normalisà e ortogonaj

Is arferima a la nòrma indota dal prodòt intern, com i l'oma vist sù dzora. I comensoma a consideré un vetor $\vec{v} = \{v_1, v_2, \dots, v_n\}$ ant nê spassi real ò compléss a n dimension. Normalisé un vetor a veul di déje nòrma ugual a 1 senza cambié doa \underline{f} diressiom". An pràtica as trara ëd trové sò vvesor, tal che, multiplicà pèr la nòrma dël vetor ëd partena (che a corrispond a soa "longhèssa" = a arprodov el vetor ëd partensa.

I comensoma antlora a calcolé la nòrma dël vetor $\|\vec{v}\| = \sqrt{\sum_{i=1}^n v_i^* v_i}$, e peui a basta divide el vetor pèr

soa nòrma, che a l'é nê scalar, e a resta sò versor $\vec{u} = \frac{\vec{v}}{\|\vec{v}\|}$, dont el mòdul a val 1.

La còsa as estens, com i l'oma fàit prima, a le fonsion continue intèise coma vetor. Na fonsion f a l'é dita "**normalisà**" se, e mach se, soa mòrma a val 1 e donca se $\sqrt{\langle f | f \rangle} = \langle f | f \rangle = 1$.

Partend da na fonsion $f(x)$, i calcolona soa nòrma com i l'oma indicà sù dzora, e i podoma scrive;

$$\|f\| = \sqrt{f^* \cdot f} = \sqrt{\langle f | f \rangle} = \sqrt{\int_{\text{tuti } j'x} f^*(x) f(x) dx}$$

L'interval ed defission a l'é col d'antèresse e a peul esse 'dcò da $-\infty$ a $+\infty$. As trara peui ëd divide la fonsion ër soa nòrma, e la costant real positiva $A = \frac{1}{\|f(x)\|}$ a l'é la costant ëd normalisassion- Pèrchè sòn a

l'òbia un sens a venta che la nòrma a sia un nùmer finì e che dobca la fonsion a sia "**quadrà-untegràbil**". I l'oma antlora che la fonsion normalisà $u(x) = c f(x)$ andova c a l'è na costant, a l'é:

$$u(x) = \frac{f(x)}{\|f(x)\|} \quad ; \quad \|u(x)\| = \sqrt{\int \frac{f^*}{\|f\|} \frac{f}{\|f\|} dx} = \sqrt{\int \frac{1}{\|f\|^2} f^* f dx} = \frac{1}{\|f\|} \sqrt{\int f^* f dx} = \frac{1}{\|f\|} \|f\| = 1$$

I ciamoma peui "**ortogonaj**" doe fonsion (ò doi vetor) f e g che a sio nen nuj, se e mach se sò prodòt intern a val zero, vis-a-di se $\langle f | g \rangle = 0$. St'agetiv a ven da jê spassi a doe ò a tre dimension, andova costa a l'é la condission pèrchè doi vetor a formo n'àngol ëd $\pi/2$, com i l'oma vist.

N'ansema ëd vetor che a sio ortogonaj a doi a doi, e che a sio normalisà a formo n'ansema ëd vetor ciamà "**ortonormaj**".

Donca i l'avroma che n'ansema ëd vetor ò fonsion f_1, f_2, f_3, \dots a l'é n'ansema ortinormal se:

$$0 = \langle f_1 | f_2 \rangle = \langle f_2 | f_1 \rangle = \langle f_1 | f_3 \rangle = \langle f_3 | f_1 \rangle = \langle f_2 | f_3 \rangle = \langle f_3 | f_2 \rangle = \dots$$

$$1 = \langle f_1 | f_1 \rangle = \langle f_2 | f_2 \rangle = \langle f_3 | f_3 \rangle = \dots$$

N'ansema èd vetor unitari e ortogonaj fra 'd lor $\{\vec{e}_1, \vec{e}_1, \dots, \vec{e}_n\}$ a l'é donca n'ansema "**ortonormal**", che a sodisfa a la relassion: $\langle \vec{e}_i | \vec{e}_j \rangle = \delta_{ij}$ andova δ_{ij} a l'é la **delta èd Kronecker** definìa coma

$$\delta_{ij} = \begin{cases} 1 & \text{se } i = j \\ 0 & \text{se } i \neq j \end{cases}$$

Se ant n'è spassi vettorial complèss che i suponoma a tre dimension i sernoma na base $\mathbf{v}_1, \mathbf{v}_2, \mathbf{v}_3$ e an costa base i foma èl prodòt scalar dij doi vetor: $\mathbf{v} = \alpha_1 \mathbf{v}_1 + \alpha_2 \mathbf{v}_2 + \alpha_3 \mathbf{v}_3$ e $\mathbf{w} = \beta_1 \mathbf{v}_1 + \beta_2 \mathbf{v}_2 + \beta_3 \mathbf{v}_3$ i l'oma:

$$\langle \vec{v} | \vec{w} \rangle = \langle \vec{v} | \beta_1 \vec{v}_1 + \beta_2 \vec{v}_2 + \beta_3 \vec{v}_3 \rangle = \beta_1 \langle \vec{v} | \vec{v}_1 \rangle + \beta_2 \langle \vec{v} | \vec{v}_2 \rangle + \beta_3 \langle \vec{v} | \vec{v}_3 \rangle = \sum_{i=1}^3 \sum_{j=1}^3 \alpha_i^* \beta_j \langle \vec{v}_i | \vec{v}_j \rangle$$

ma se la base a l'é ortonormal, antlora èl tut as arduv a $\langle \vec{v} | \vec{w} \rangle = \sum_{i=1}^3 \alpha_i^* \beta_i$.

Spassi èd Banach

Fim-a di i l'oma parlà prima èd n'è spassi vettorial genérich \mathcal{V} su d'un camp èscalar K , peui i l'oma vist je spassi métrich e spassi normà, con prodò intern, e spassi èd fonsion con n'anfinità continua èd dimension. Ambelessi i giontoma èl concèt èd "**completèssa**".

Ne spassi metrich, andova a-i é èl concèt èd distansa, as dis che a l'é **complèt** se ab stospassi qualonque sucession èd Cauchy a tend a n'element che a aparten a le spassi midem.

As dis "**sucession èd Cauchy**" ant un dàit èspassi, na qualonque sucession dont j'element sucessiv, che i disoma ... $a_{n-1}, a_n, a_{n+1}, \dots$ as avzin-o an manera andefinìa e donca as peul sempe trové un N tal che, pèr $n, m > N$ i l'oma che $|a_n - a_m| < \varepsilon$ andova ε a l'é un nùmer cit com as veul- La sucession a venta che a tenda a un nùmer finì.

Nen tute le sucession convergente a van bin an tuti j'è spassi. Pr'esempi, ant l'è spassi dont l'element a son ij nùmer rassionaj, la sucession $1 - \frac{1}{2} + \frac{1}{3} - \frac{1}{4} + \frac{1}{5} - \dots$ a l'é fàita da nùmer rassionaj. ma a tend a $\ln 2$, che a l'é un nùmer dèssrassionaj, e donca l-spassi a l'é nen complèt.

N'è spassi èd Banach a l'é donca n'è spassi métrich, normà e complèt. A l'é però nen neccsari che distansa e nòrma a derivo, com i l'oma vist prima, da un prodòt intern, ma a peulo derivé da d'àutre fondion, che s'è an antereso nen. . Ant èl cas ch'i l'oma vist (nòrma e distansa indote dal prodòt intern) l'è spassi a dventa n'è **spassi èd Hilbert**".

Spassi èd Hilbert

A la fin i podoma definì n'è **spassi H èd Hilbert** coma n'è spassi vettorial \mathcal{V} (real ò complèss) su d'un canp èscalar K (real ò complèss) che a sia n'è spassi métrich e normà, complèt e dont métrica e nòrma a son indote dal prodòt èscalar definì ant l'è spassi midem.

A-i son v'aire spassi vettoriàj che a peulo esse definì coma spassi èd Hilbert, e an particolar la Mecànica Quantistica a d'vra tre diferent spassi èd Hilbert, che a son:

- Spassi èd vetor com un nùmer n finì èd component
- Spassi èd vetor che a l'han n'infinità numeràbil èd component
- Spassi èd fonsion a quadrà-integràbilj

La notassion ëd Dirac

I l'oma già acenà ëd lòn ch'as trata, e ambelessì i la vardoma da na mira un pòch pì generalisà, ma is arferima giusta a spassi a n dimension.. L'estension a spassi a infinie dimension a vnirà an manera natural. Dàita na base, un vetor a l'é definì al complèt dai valor ëd soe component (v_1, \dots, v_n) an cola base. Consideroma antlora na base ortonormal $\{\vec{e}_1, \dots, \vec{e}_n\}$, i l'avroma che ël vetor \vec{v} a l'é:

$$\vec{v} = \sum_{i=1}^n \vec{e}_i v_i$$

e donca a ògni n -upla ëd nùmer a l'é an corispondensa bi-univoca con un vetor. Cand la base a l'é ortonormal, ël prodòt intern a l'é arpresentà coma prodòt ed doe matriss linear, dont un-a a l'é na matriss riga e l'àutra na matriss colòna

$$\langle \vec{v} | \vec{w} \rangle = (v_1^* \ v_2^* \ \dots \ v_n^*) \begin{pmatrix} v_1 \\ v_2 \\ \vdots \\ v_n \end{pmatrix} = \sum_{i=1}^n v_i^* w_i$$

As generalisa ël sìmbol $|\vec{u}\rangle$, e a ven ciamà "vetor **ket**", un vetor dont le component a son cole dël vetor ed partensa (an pràtica a l'é un vetor normal). A l'é un vetor colòna.

As generalisa ël sìmbol $\langle \vec{u}|$, e a ven ciamà "vetor **bra**", un vetor dont le component a son le complésse coniugà ëd cole dël vetor ed partensa (an pràtica a l'é ël vetor compléss coniugà). A l'é un vetor riga.

Ant ël prodòt intern as deuvra ël sìmbol semplificà $\langle | \rangle$ anvece dij doi sìmboj $\langle | \cdot \rangle$ unì con ël pont dël prodòt intern.

Vetor giontà - dualità

Le doe arpresentassion "**bra**" e "**ket**" a son duàj l'un-a 'd l'àutra. As peul passé da l'un-a a l'àutra con na trasposission riga-colòna ò al contrari, e con na coniugassion dj'element. St'operassion, che a fa passé da ket a bra e al contrari, a ven ciamà "**giontassion**", e a ven indicà con ël sìmbol "†". I l'oma che :

$$\langle \vec{v} |^\dagger = |\vec{v}\rangle \quad ; \quad |\vec{v}\rangle^\dagger = \langle \vec{v} | \quad ; \quad (|\vec{v}\rangle^\dagger)^\dagger = |\vec{v}\rangle$$

Se na régola a val per ij vetor "ket", antlora na régola dual a val ëdcò për ij "bra". I podoma pr'esempi scrive che:

$$\alpha |\vec{v}\rangle = \alpha \begin{pmatrix} v_1 \\ v_2 \\ \vdots \\ v_n \end{pmatrix} = \begin{pmatrix} \alpha v_1 \\ \alpha v_2 \\ \vdots \\ \alpha v_n \end{pmatrix} \quad \text{antlora} \quad (\alpha^* v_1^* \ \alpha^* v_2^* \ \dots \ \alpha^* v_n^*) = \alpha^* \langle \vec{v} |$$

e donca a valo 'dcò j'espression:

$$(\alpha |\vec{v}\rangle)^\dagger = \alpha^* \langle \vec{v} | \quad \text{e peui} \quad \alpha |\vec{v}\rangle = |\alpha \vec{v}\rangle \quad \text{e donca} \quad (\alpha |\vec{v}\rangle)^\dagger = \langle \alpha \vec{v} | = \alpha^* \langle \vec{v} |$$

A sta mira i podoma dì che n'equassion del tipo: $\alpha |\vec{v}\rangle = \beta |\vec{w}\rangle + \gamma |\vec{u}\rangle$ a implica 'dcò l'equassion $\alpha^* \langle \vec{v} | = \beta^* \langle \vec{w} | + \gamma^* \langle \vec{u} |$.

Proprietà

Se i dovroma costa arpresentasson pèr ij vetor dla base ortonormal ch'i l'oma dit (che a corrisondriò, pr'esempi, ai versor dj'ass cartesian an tre dimension), i l'oma

$$|\vec{e}_i\rangle \equiv |\vec{i}\rangle = \begin{pmatrix} 0 \\ \vdots \\ 1 \\ \vdots \\ 0 \end{pmatrix} \leftarrow \text{posission ch'a fà } i$$

e i l'avroma, pèr un ket $|\vec{v}\rangle = \sum_{i=1}^n v_i |\vec{i}\rangle$, mentre pèr un bra $\langle\vec{v}| = \sum_{i=1}^n v_i^* \langle\vec{i}|$.

Pèr doi vetor qualonque i e j èd na base ortonormal a arzulta donca che $\langle\vec{i}|\vec{j}\rangle = \delta_{ij}$

Se un vetor a l'é arpresentà da $|\vec{v}\rangle = \sum_i v_i |\vec{i}\rangle$ antlora as peul sùbit vèdde che na component j qualonque a l'é dàta dal prodòt intern dèl vetor j dla base con èl vetor \vec{v} midem. Vis-a-dì :

$$\langle\vec{j}|\vec{v}\rangle = \sum_i v_i \langle\vec{j}|\vec{i}\rangle = \sum_i v_i \delta_{ij} = v_j \quad \text{e ancora} \quad |\vec{v}\rangle = \sum_i |\vec{i}\rangle \langle\vec{i}|\vec{v}\rangle$$

Dal dualism ch'i l'oma vist prima a ven-o 'dcò le relassion:

$$\langle\vec{v}| = \sum_i \langle\vec{i}| v_i^* \quad ; \quad \langle\vec{v}|\vec{j}\rangle = \sum_i \langle\vec{i}|\vec{j}\rangle v_i^* = v_j^* \quad ; \quad \langle\vec{v}| = \sum_i \langle\vec{v}|\vec{i}\rangle \langle\vec{i}|$$

e i notoma che se i pijoma l'espression giontà dl'espression $|\vec{v}\rangle = \sum_i |\vec{i}\rangle \langle\vec{i}|\vec{v}\rangle$, vis-a-dì $\langle\vec{v}| = \sum_i \langle\vec{i}|\vec{v}\rangle^* \langle\vec{i}|$, cost a

val $\langle\vec{v}| = \sum_i \langle\vec{v}|\vec{i}\rangle \langle\vec{i}|$ com i l'oma vist. I derivoma che pèr scrive l'espression giontà èd n'espression dàta a venta invertì ij brà e ij ket, edcò ant ij ptodòt intern.

Fonsion d'onda

I l'oma già acenà che la fonsion d'onda a l'é n'element sentral dla Mecànica Quantistica. I l'oma vist che, ant l'interpretassiom èd Born, la fonsion d'onda ha l'ha un significà probabilistich, e sòn a implica che sta fonsion a l'òbia carateristiche particolar. I vèddroma d'ap com a costa fonsion a l'é arpresentativa dl'è stat d'un sistema quantistich, com a peul esse trovà e com a venta dovréla pèr trovè le "**variàbij dinàmiche**", che a corrisondo a le diferente grandèsse che a carateriso èl moviment an mecànica clàssica (posission, velocità, moment, energia e via fòrt).

Ambelessì is limitoma a vèdde cole che a son le carateristiche èd coste fonsion da na mira matemàtica. As trata èd na fonsion compléssa dle variàbij reaj èd posission e dèl temp. Second lòn che Born a l'aha ipotisà (che an pràtica a l'é dimostrasse giust), la èl mòdul dla fonsion d'onda al quadrà a l'é na densità èd probabilità. . Se donca isuounoma che $\psi(x, y, z, t)$ a sia la fonsion d'onda èd na part'cola, i l'oma che $|\psi(x, y, z, t)|^2$ a l'é la densità èd probabilità ant un d'ait pont e ant un d'ait temp- Costa densità, multiplicà pèr un volumet dx, dy, dz a dà la probabilità che la partìcola a sia ant èl vomet midem antorna a x, y, z .

Pèr podèj avèj sto significà. la fonsion a venta che a l'àbia un mòdul real e positiv. A venta peui èdcò che a sia;

- a un sol valor (la probabilità a venta ch'a sia bin determinà).
- continua e con derivà prima continua-
- a quadrà integràbil, vis-a-dì $\int \psi^* \psi d\vec{r} = \int |\psi|^2 d\vec{r} = n$, con $d\vec{r}$ che a indica ij diferensiaj dle variàbij spassiaj, andova n a l'é real e positiv. Për sòn a vebta ten.e cont dij limit d'integrassion. Pr'eseampe la fonsion $f(x) = e^{ix}$ a va bin se a l'é definia fra $x=0$ e $x=2\pi$ mentre a va nen bin se a l'é definia fra $x=-\infty$ e $x=+\infty$

La condission d'esse a quadrà-integràbil a përmet ëd "normalisé" la fonsion d'onfa. I l'oma vist prima coma as normalia na fonsion, e ambeless' i notoma chela normalisassion a dipend nen dal temp, an manera che na fonsion normalisà a resta normalisà ant ël temp.

La nòrma ëd na fonsion d'onda (che i suponoma a na sola variàbil) nen normalisà e che adéss i ciamoma $f(x)$, a val

$$\|f\| = \sqrt{\int_{tuti\ j'x} f^*(x) f(x) dx}$$

l'istessa fonsion d'onda normalisà i la ciamoma ψ e a val

$$\psi(x) = \frac{f}{\|f\|} = \frac{f(x)}{\sqrt{\int_{tuti\ j'x} f^*(x) f(x) dx}}$$

se i pensoma che $|\psi|^2$ a sia na densità ëd probabilitò ëd trovè la partìcola ant un dintorn ëd x , antlora costa densità a val (asprimù con la fonsion g ëd partensa):

$$|\psi|^2 = \frac{f(x)^*}{\sqrt{\int_{tuti\ j'x} f^*(x) f(x) dx}} \frac{f(x)}{\sqrt{\int_{tuti\ j'x} f^*(x) f(x) dx}} = \frac{1}{\int_{tuti\ j'x} f^*(x) f(x) dx} (f(x)^* f(x))$$

ma costa densità, integrà su tut lè spassi, a venta che a daga la probabilità 1 perchè la partìcola a venta ch'a sia da quàich part ant lè spasso, e an efèt, con la fonsion normalisà i l'oma:

$$\int_{tuti\ j'x} |\psi(x)|^2 dx = \frac{1}{\int_{tuti\ j'x} f^*(x) f(x) dx} \int_{tuti\ j'x} f^*(x) f(x) dx = 1$$

I podoma dì che ste fonsion a son element dlè spassi ë Hilbert.

Fonsion d'onda nen normalisàbij

Nen tute le fonsion d'onda a son normalisàbij ant la manera ch'i l'oma vist. An efèt i l'oma che le fonsion normalisòbij a son cole che për $\vec{r} \rightarrow \infty$, a tendo a zero ampresa a basta.. Se, pr'eseampe, i sercoma la posission ëd na partìcola dont lè stat a l'é dèscriv+ da ma fonsion d'onda che a sudisfa la cond'ssion $\int |\psi(\vec{r})|^2 d\vec{r} = 1$, a veul d' che la partìcola a l'ha na probabilità trascuràbil d'esse lontan-a da un dàit pont \vec{r}_0 , ma se anvece i consideroma la fonsion d'onda ëd na partìcola libera, che i vèddroma esse $\psi = e^{i\vec{k}\cdot\vec{r}}$, i notoma che sò mòdul al quadrà a l'é na costant, pròpi perchè la partìcola a l'é libera e a peul esse da's oèr tut con l'istèssa probabilità, e l'integral sì dzora a vè a l'anfini. An sto cas la fonsion $|\psi(\vec{r})|^2$ a l'é pì nen na densità ëd probabilità.

An sti cas, però, a peul vni a taj na "**probabilità relativa**", dal moment che l'integral $\int_V |\psi(\vec{r})|^2 dr$ estèis a un dàit volum V finì a resta bin definì, N'espression dël tipo:

$$\frac{\int_{V_1} |\psi(\vec{r})|^2 dr}{\int_{V_2} |\psi(\vec{r})|^2 dr}$$

ha dà la probabilità ed trye la partìcola an V_1 rispèt a cola èd trovèla an V_2 -

Operator

J'operator a son entità matemàtiche che a trasformo na dàita fonsion f ed nnè spassi ed fonsion H ant n'otra fonsion g dl'istèss èspassi. Èd sòlit n'operator a ven indicà con na litra con un caplòt ansima (acsan sirconfless. Donca:

$$\hat{\alpha} f = g$$

Për semplifiché le còse i pensoma a un sistema ed na sola partìcola, che peui a podrà esse generalisà d'òp. I disoma che n'operator a l'é "**linear**" se a val la relassion

$$\hat{\alpha}(a f + b g) = a \hat{\alpha} f + b \hat{\alpha} g$$

andova a, b a son nùmer complèss qualonque. A valo peui le proprietà arportà sù sota (andova i suponoma che f, g, h, p, q a sio fonsion dl'è spassi H e a, b, c a son nùmer complèss qualonque):

- $(c \hat{\alpha}) f = c(\hat{\alpha} f)$
- $\hat{\alpha} \hat{\alpha} f = \hat{\alpha}^2 f = \hat{\alpha} g = b$
- $(\hat{\alpha} + \hat{\beta}) f = \hat{\alpha} f + \hat{\beta} f = g + p$
- $\hat{\beta} \hat{\alpha} f = \hat{\beta} g = q$

An sto ùltim cas a-i son doi operator, un d'òp l'òutr. A venta apliché prima col pì davzin a la fonsion, e ij doi, èd sòlot, a peulo nen esse scambià. Sòn a val èdcò se j'operator a son pì che doi. Son a l'é fàcil da vèdde: suponoma che f a sia giusta $f = 2x$, che $\hat{\alpha} = \text{moltipliche } \times 3$ e che $\hat{\beta} = \text{fé la radis quadrà}$ - Antlora $\hat{\beta} \hat{\alpha} f = \sqrt{6x} \cdot 2,449489... \sqrt{x}$ mentre i l'oma $\hat{\alpha} \hat{\beta} f = 3\sqrt{x}$.

Cand, coma an sto cas $\hat{\beta} \hat{\alpha} \neq \hat{\alpha} \hat{\beta}$ "**as dis che j'operator a còmuta nen**". sòn a veul èdcò d' che a-i son anvece d'operator che "**a còmuta**", cand i l'oma che $\hat{\beta} \hat{\alpha} = \hat{\alpha} \hat{\beta}$. Ant èl cas particolar andova $\hat{\beta} \hat{\alpha} = \hat{\alpha} \hat{\beta} = 1$ i l'ona che $\hat{\alpha}$ a l'é èl rèsiproch ed $\hat{\beta}$, e donca $\hat{\alpha} = \hat{\beta}^{-1}$; $g = \hat{\alpha} f \Rightarrow \hat{\alpha}^{-1} g$

I l'oma vist che an general a venta respetç l'òrdin dj'operator, e a sto propòsit a valo le proprietà:

- $(\hat{\alpha} + \hat{\beta}) \hat{\gamma} = \hat{\alpha} \hat{\gamma} + \hat{\beta} \hat{\gamma}$; $\hat{\gamma}(\hat{\alpha} + \hat{\beta}) = \hat{\gamma} \hat{\alpha} + \hat{\gamma} \hat{\beta}$
- $(\hat{\alpha} \hat{\beta}) \hat{\gamma} = \hat{\alpha}(\hat{\beta} \hat{\gamma})$

Comutator e soe proprietà

As definiss "**comutator**" ed doi operator. $[\hat{\alpha}, \hat{\beta}]$, l'operator compòst $[\hat{\alpha}, \hat{\beta}] = (\hat{\alpha} \hat{\beta} - \hat{\beta} \hat{\alpha})$. As trata d'un concèt motobin amportant ant la formulassion dla Mecànica Quantistica.

As peul noté che ij conutator a l'han l'istèssa struttura dlr Parentesi ed Poisson e ed proprietà comun-e.

Sì dapress i arportoma quàich proprietà dij comutator, che as dinostro an manera sempia, giusta aplicand la definission. Sì sota i ciamoma A, B, C, D j'operator e c na costant.

$$[A, A] = 0, \text{ an efét i l'oma } [A, A] = AA - AA = 0$$

$$[A, B] = -[B, A], \text{ an efét i l'oma } [A, B] = AB - BA = -(BA - AB) = -[B, A]$$

$$[c, A] = 0 \text{ andova } c \text{ a l'é na costant. An efét } [c, A] = cA - Ac = 0$$

$$[A, BC] = B[A, C] + [A, B]C$$

$$[AB, C] = A[B, C] + [A, C]B$$

$$[A, [B, C]] + [B, [C, A]] + [C, [A, B]] = 0$$

$$[AB, CD] = A[B, C]D + AC[B, D] + [A, C]BD + C[A, D]B$$

Autofonsion e autovalor

Aplicand m'operator \hat{a} a na fonsion f , com i l'oma vist, as oten na fonsion g , che, èd sòlit, a l'é na fonsion linearment indipendent da g , vis-a-di che l'espression $a f + b g = 0$ se, e mach se, $a = b = 0$.

Ma a peul capitè che pèr quàich particular fonsion f_i as verifca la situassiom :

$$\hat{a} f_i = a f_i$$

andova \hat{a} a l'é l'operator

f_i a l'é na "**autofonsion**" dl'operator

mentre a a l'é un nùmer complèss che a l'é èl corispondent "**autovalor**".

Sòn a veul di che se i ciamoma g la fonsion che as oten aplicand l'operator, vis-a-di $\hat{a} f_i = g = a f_i$, i l'avroma che g e f_i a son linearment dependent ($a f_i - g = a f_i - a f_i = 0$).

Èd sòlit n'operator a l'ha vaire autofonsion, ognidun-a con sò autovalor. Se i pensoma a un n pèr adèss qualonque, antlora i podroma avèj, pèr i da 1 a n :

$$\hat{a} \psi_i = a_i \psi_i$$

Ognidun-a dle autofonsion èd n'operator a l'é linearment andipendent da j'àutre e ognidun-a èd lor a dèscriv nè stat dèl sistema che a l'é ciamà un "**autostat**" èd l'operator.

A peul capitè che a-i sio diverse autofonsion che a l'han l'autovalor istèss, An sto cas as dis che a-i é "**degenerassion!**", coma pr'esempi, com i vèddroma, cand a-i son diferent èstat che a l'han la nidenà energia.

J'autofonsion èd n'operator a peulo 'dcò esse anfiniè, e an sto cas a peulo formé n'ansema continuo opura n'ansema discret-

Giontà èd n'operator

Parland dla notassion èd Dirac i l'oma acenà a l'operassion èd **giontà**, che a fà passé da un vetor **bra** a un vetor **ket**, e al contrari. Ambelessì i vardoma còs a l'é **n'operator giontà**.

I dovroma la notassion èd Dirac, e i consideroma le doe fonsion d'onda qualonque Φ e Ψ Dàit n'operator \hat{a} , i ciamoma sò "**operator giontà**" l'operator \hat{a}^+ tal che a sia:

$$\langle \Phi | \hat{a}^+ | \Psi \rangle = \langle \hat{a} \Phi | \Psi \rangle \quad ; \quad \langle \Psi | \hat{a}^+ | \Psi \rangle = \langle \hat{a} \Psi | \Psi \rangle$$

Operator Hermitian

N'operator hermitian a l'é n'operator che a coincid con sò operator giontà. Se donca $\hat{\alpha}$ a l'é n'operator hermitian i l'avroma che $\hat{\alpha} \equiv \hat{\alpha}^+$. As trata donca ëd n'operator "**autogiontà**".

Antlora, se l'operator $\hat{\alpha}$ a l'* hermitian, i podoma scrive:

$$\langle \Phi | \hat{\alpha} | \Psi \rangle = \langle \hat{\alpha} \Phi | \Psi \rangle \quad ; \quad \langle \Psi | \hat{\alpha} | \Psi \rangle = \langle \hat{\alpha} \Psi | \Psi \rangle$$

e donca sòn a dis che ant l'integral d'un prodòt intern n'operator hermitian a òpera a l'istèssa manera tant a drita com a snìstra.

As peul ëdcò definì coma hermitian n'operator $\hat{\alpha}$ tal che, pèr n'ansema ëd fonsion Ψ_i a sia:

$$\begin{aligned} \langle \Psi_j | \hat{\alpha} \Psi_i \rangle &= \langle \Psi_i | \hat{\alpha} \Psi_j \rangle^* = \langle \hat{\alpha} \Psi_j | \Psi_i \rangle \\ \int \Psi_j^* \hat{\alpha} \Psi_i d\tau &= \int \Psi_i (\hat{\alpha} \Psi_j)^* d\tau \end{aligned}$$

L'ugualiansa $\langle \Psi_j | \hat{\alpha} \Psi_i \rangle = \langle \Psi_i | \hat{\alpha} \Psi_j \rangle^*$ a l'é dita la régola dël "**turn over**" opura, an manera pi nostran-a, la "**régola dlë scambi**".

L'esse hermitian ò manch a dipend tant da l'operator midem, coma da le fonsion e dal camp d'inyegrassion-

Coma esempi i podoma consideré l'operator $\hat{\alpha} = -i\hbar \frac{d}{dx} = \frac{\hbar}{i} \frac{d}{dx}$. I l'oma.

$$\left\langle \Phi \left| -i\hbar \frac{d}{dx} \Psi \right. \right\rangle = \int_{-\infty}^{+\infty} \Phi^* (-i\hbar) \frac{d}{dx} \Psi dx = (-i\hbar) \int_{-\infty}^{+\infty} \Phi^* \frac{d}{dx} \Psi dx$$

e se i foma n'integrassion pèr oart i otnoma:

$$\begin{aligned} -i\hbar \left[\left| \Phi^* \Psi \right|_{-\infty}^{+\infty} - \int \frac{d}{dx} \Phi^* \Psi dx \right] \quad \text{ma i l'oma che} \quad \left| \Phi^* \Psi \right|_{-\infty}^{+\infty} = 0 \quad \text{4 donca a resta} \\ -(-i\hbar) \int \frac{d}{dx} \Phi^* \Psi dx = i\hbar \int \frac{d}{dx} \Phi^* \Psi dx = \left\langle -i\hbar \frac{d}{dx} \Phi \left| \Psi \right. \right\rangle \end{aligned}$$

I vèddroma peui che j'operator d'interesse an Mecànica Quantistica a son linead e hermitian.

Se $\hat{\alpha}$ e $\hat{\beta}$ a son doi operator linear e hermitian che a còmuta, vis-a-di che $[\hat{\alpha}, \hat{\beta}] = 0$, antlota ëdcò l'operator $\hat{\alpha}\hat{\beta}$ a l'é linear e hermitian.

pàgina venida

Postulà e prinsipi

La Mecanica Quantistica a part da postulà e prinsipi dont la giustificasson, pì che esse rigorosa an termo matemàtich a l'é dàita pitòst dal sucèss ant èl dèscribe ij fenòmeno sperimentaj. J'arzultà dle misure pràtiche e d'esperiment ideaj teòrich a cobio bin con la teoria svilupà su costi postulà e costi prinsipi.

Postulà dla fonsion d'onda

Sto postulà a dis che :

- *L'è stat d'un sistema fisich a l'é definì da na fonsion d'onda Ψ dle coordinà e del temp. Tute j'informasson an slè stat dèl sistema a son continùe am costa fonsion, dàta 'dcò fonsion dè stat ò vetor dè stat.*

Com i l'oma vist sta fonsion $\Psi(q,t)$ a venta che a sia a un sol valor, continua e quadrà-integràbil. Èd sòlit as supon che sta fonsion a sia 'dcò normalisà, an manera che $\langle \psi | \psi \rangle = 1$.

Le fonsion d'onda a l'é n'element èd n'è spassi èd Hilbert. I l'ona vist che le fonsion a peulo esse considerà coma vetor, e na fonsion d'onda a ven arpresentà da un "ket" ant la notasson èd Dirac.

I armandoma a lòn ch'ò l'oma dit a propòsit dla notasson ed Dirac, e ambelessi i foma n'estension a le fonsion d'onda. N'ansema èd fonsion ortonormaj a peul esse considerà na base ant l'è spassi vectorial èd Hilbert. Costi a son ket arpresentàcoma $|\Psi_i\rangle$ opura, coma vetor ortonormaj dla base, giusta con $|i\rangle$.

Un ket, multiplicà p'èr n'è scalat, a produv n' àutr ket con l'istèssa "diression" e con diferenta grandèssa. Vis-a-dì $k|\Psi_i\rangle = |k\Psi_i\rangle$.

Cand n'operator a agiss an s'un ket, l'arzultà a l'é sempe n' àutr ket. Vis-a-dì $\hat{\alpha}|\Psi\rangle = |\hat{\alpha}\Psi\rangle = |\Phi\rangle$,

Le fonsion d'onda a son fonsion complesse e donca edcò le spassi èd Hilbert d'interesse a l'é n'è spassi complèss. An sto spassi as antroduvo ij vetor complèss coniugà dij ket, che a son dit ij "bra", che i arpresemtoma coma a $\langle\Psi_i|$ opura, se as trataa ed vetor ortonormaj dla base, giusta con $\langle i|$

Un vetor bra a l'é èl vetor giontà d'èl corispondent vetor ket : $\langle\psi| = |\Psi\rangle^+$ e $|\Psi\rangle = \langle\psi|^+$

Postulà dj'osservàbij e operator

J'osservàbij a son le variàbij dinàmiche che a peulo esse nisurà, e a corispondono a le grandèsse dla fisica clàssica. Syo postulà a dis che a ògni osservàbil a l'é socià n'operator linear e hermitian che, aplicà a la fonsion d'onda, donca, an general, i l'oma che a ògni fonsion dla posission e d'èl moment dla fisica clàssica, a corispond n'operator linear hermitian dla fisica quantistica, vis-a-dì:

a la fonsion $\mathcal{A}(\vec{r}, \vec{p})$ a corispond n'operator linear hermitian $\mathcal{A}(\vec{r}, -i\hbar\nabla)$

Cola che i dovroma ambelessi a l'é ciamà **l'arpresentassiom dle posission** ma as peul èdcò dovré n'arpresentasson dij moment, chr si i lassoma da part p'èr nen complichésse la vita,

Ant l'arpresentasson ch'i l'oma sernù la corispondensa fra la grandèssa clàssica e l'operator quantistich a l'é cola si d'prèss. Costa associasson a fa part èd lòn ch'a l'é postulà-

Corispondensa fra variàbij clàssiche e operator

L'è schema a l'é **variàbil clàssica** \Rightarrow **operator** Èl pont èd multiplicasson daprèss a l'operator a dis che l'operator midem a ven multiplicà p'èr la fonsion d'onda.

- **Variàbij èd posission** : $x \Rightarrow x\cdot$; $y \Rightarrow y\cdot$; $z \Rightarrow z\cdot$

- **Variàbij ed moment** : $p_x \Rightarrow \frac{\hbar\partial}{i\partial x} = -i\hbar \frac{\partial}{\partial x}$; $p_y \Rightarrow \frac{\hbar\partial}{i\partial y} = -i\hbar \frac{\partial}{\partial y}$; $p_z \Rightarrow \frac{\hbar\partial}{i\partial z} = -i\hbar \frac{\partial}{\partial z}$
- **Posission e moment al quadrà** : $x^2 \Rightarrow (x\cdot)(x\cdot) = x^2 \cdot$; $p_x^2 \Rightarrow \left(-i\hbar \frac{\partial}{\partial x}\right)\left(-i\hbar \frac{\partial}{\partial x}\right) = -\hbar^2 \frac{\partial^2}{\partial x^2}$..etc..
- **Energia cinética** : $T = \frac{1}{2}m(v_x^2 + v_y^2 + v_z^2) = \frac{1}{2m}(p_x^2 + p_y^2 + p_z^2) \Rightarrow \hat{T} = \frac{-\hbar^2}{2m}\left(\frac{\partial^2}{\partial x^2} + \frac{\partial^2}{\partial y^2} + \frac{\partial^2}{\partial z^2}\right)$

donca $\hat{T} = -\frac{\hbar^2}{2m}\nabla^2$

- **Energia potenzial** : A dipend dal problema fisich. Sempe fonsion dla posission , $V(x, y, z)$ a peul esse 'dcò fonsion dël temp $V(x, y, z, t)$. Amt l'ossilator (elastissità) l'energia potenzial a l'é fomdiom dël quadrà dlè spostament $V = \frac{1}{2}kx^2$ e via fòrt. A peul ëdcà esse na costant $V = cost.$ an tuti ij cas i l'oma $V \Rightarrow \hat{V} = V$ -
- **Energia total** : Adission dl'energia cinética e dl'energia potenzial $E_{tot} = V + T = H$, che a l'é l'Hamiltonian.

I l'oma che $H \Rightarrow \hat{H} = -\frac{\hbar^2}{2m}\nabla^2 + \hat{V}$

- **Moment angolar** : I arcordoma che ël moment angolar clàssich a l'é : $\vec{M} = \vec{L} = \vec{r} \wedge \vec{p} = \begin{vmatrix} i & j & k \\ x & y & z \\ p_x & p_y & p_z \end{vmatrix}$ e

svilupand: $\vec{L} = \vec{i}(y p_z - z p_y) + \vec{j}(z p_x - x p_z) + \vec{k}(x p_y - y p_x) = \vec{i} L_x + \vec{j} L_y + \vec{k} L_z$

e donca : $\vec{L} \Rightarrow \hat{L} = -i\hbar \left[\left(y \frac{\partial}{\partial z} - z \frac{\partial}{\partial y} \right) + \left(z \frac{\partial}{\partial x} - x \frac{\partial}{\partial z} \right) + \left(x \frac{\partial}{\partial y} - y \frac{\partial}{\partial x} \right) \right] = -i\hbar (\hat{L}_x + \hat{L}_y + \hat{L}_z)$

Postulà dj'autovalor

I l'oma vist che j'autovalor d'un operator linear hermitian a son sempe nùmer reaj. Le variàbij dinàmiche a l'han un sens fisich se a son nùmer reaj. Sto postulà a dis che:

- *Ant un sistema j'ùnich valor che na variàbij dinàmica a peul avèj a son dàit da j'autovalor dl'operator corispondent.*

I l'oma vist che n'operator a peul avèj vaire autofonsion e donca vòire autovalor. J'autofonsion a arpresento jè stat possìbij për ël sistema, mentre j'autovalor a son ij corispondent valor dla variàbil dinàmica socià a l'operator.

Pr'eseempi ant un dàit sistema as podria avèj :

$$\hat{T}\Psi = T_i \Psi_i \quad \text{andova} \quad i = 1, \dots, n \quad ; \quad T_i = \text{scalar reaj (autovalor)} \quad ; \quad \Psi_i = \text{autofonsion}$$

Ij valor possìbij për l'energia cinética dël sistema a son ij T_i . .Se ël sistema as treuva amt m'autostat)dèscrit da n'autofonsion= ògni misura, am sto cas) dl'energia cinética a dà ël corispondent autovalor.

Se anvece ël sistema a l'é dèscrivù da na genérica fonsion Ψ , se as fà na midurs as treuva un dij valor T_i . e ël sistema a passa ant lè stat dscrivù da la relativa autofonsion Ψ_i .

La misura ëd na variàbil dinàmica ant un sistema a fà sempe passè ël sistema midem ant n'autostat dl'operator dla variàbil ch'as misura.

Postulà dël valor medi

I suponoma che $a(\vec{r})$ a sia na qualonque variàbil dinàmica fonsion dla posission ëd na particola dont lè stat a l'é dèscrivù da la fonsion d'onda (as treuva ant lè stat dinàmich) Ψ .

Èl valor medi dla variabil $a(\vec{r})$ an slè stat Ψ a l'é dàit da la média aritmética dle misure ëd $a(\vec{r})$ fòite su un dümer N gròss ëd sistema echivalent e independent l'un da l'àutr, dèscrivù da la midema fonsion Ψ .

Èl valor ëd $a(\vec{r})$ a l'é determinà precis na vira che as conòss \vec{r} , ma un dàit valor ëd \vec{r} a l'é conossà mach con na dòita probabilità $P(\vec{r})$. I podoma definì ël valor medi ëd $a(\vec{r})$ coma:

$$\langle a(\vec{r}) \rangle = \int a(\vec{r}) P(\vec{r}) d\vec{r} = \int a(\vec{r}) |\Psi(\vec{r})|^2 d\vec{r} = \int \Psi(\vec{r})^* a(\vec{r}) \Psi(\vec{r}) d\vec{r}$$

I notoma che a-i é nen da manca che Ψ a sia n'autofonsion. Sòn a giustifica ël postulà che a dà për ël valor medi $\langle a \rangle$ ëd na variabil dinàmica a , dont l'operator a l'é \hat{a} , l'espression:

$$\langle a \rangle = \langle \Psi | \hat{a} | \Psi \rangle = \langle \Psi | \hat{a} \Psi \rangle$$

Èr'esempi ël valor medi dl'energia total d'un sistema dèscrivù da la fonsion d'onda Ψ a l'é:

$$\langle H \rangle = \langle \Psi | -\frac{\hbar^2}{2m} \nabla^2 + V | \Psi \rangle = \langle \Psi | \left(-\frac{\hbar^2}{2m} \nabla^2 + V \right) \Psi \rangle$$

Èl valor medi a l'é 'dcò dit Valor spetà, valor atendibil, valor dè spetansa. I motoma che ògni misura a dà, nacass'a, n'autovalor dl'operator

Prinsipi ëd Ehrenfest

Se $\{q_i, p_i\}$ a son coordinà generalisà e moment d'un sistema mecànich, ël prinsipi ëd Ehrenfest a dis che j'equassion dël moviment ëd Hamilton a valo coma valor spetà an Mecànica Quantistica.

Sòn a echival a scrive:

$$\frac{d}{dt} \langle q_i \rangle = \left\langle \frac{\partial H}{\partial p_i} \right\rangle ; \quad \frac{d}{dt} \langle p_i \rangle = - \left\langle \frac{\partial H}{\partial q_i} \right\rangle$$

An particolar i podoma consideré un pont ëd massa m che as bogia ant na dimension e ant un potensial $V(x)$. I l'oma:

$$\frac{d}{dt} \langle x \rangle = \left\langle \frac{p}{m} \right\rangle ; \quad \frac{d}{dt} \langle p \rangle = \left\langle -\frac{\partial V}{\partial x} \right\rangle$$

e i vardoma se coste equassion a son sodisfàite da l'equassion për j'onde ëd De Broglie ant na dimension:

$$i\hbar \frac{\partial \psi}{\partial t} = -\frac{\hbar^2}{2m} \frac{\partial^2 \psi}{\partial x^2}$$

I podoma antlora scrive, partend da $\frac{d}{dt} \langle x \rangle = \left\langle \frac{p}{m} \right\rangle$, che:

$$\langle p \rangle = m \frac{d}{dt} \langle x \rangle = m \frac{d}{dt} \int \psi^*(x,t) x \psi(x,t) dx$$

$$\langle p \rangle = m \int \left\{ \frac{\partial \psi^*}{\partial t} x \psi + \psi^* x \frac{\partial \psi}{\partial t} \right\} dx$$

Da l'equassion ëd De Broglie i arcavamo che $\frac{\partial \psi}{\partial t} = \frac{i\hbar}{2m} \frac{\partial^2 \psi}{\partial x^2}$, e donca i podoma scrive:

$$\langle \hat{p} \rangle = m \left(\frac{i\hbar}{2m} \right) \int \left\{ - \left(\frac{\partial^2}{\partial x^2} \psi^* \right) x \psi + \psi^* x \frac{\partial^2}{\partial x^2} \psi \right\} dx$$

e integrand pèr part, e dòp

tuti ij passagi, as treuva che $\langle \hat{p} \rangle = \int \psi^* \left(-i\hbar \frac{\partial}{\partial x} \right) \psi dx$ e costa expression a peul esse intèisa coma valor spetà

dèl moment cand a sia dàit lè stat quantich $\psi(x, t)$. Sòn a sodisfa èl prinsipi èd Ehrenfest.

Se adèss i pijoma la derivà rispet al temp dè sto valor spetà $\langle \hat{p} \rangle$ i dovrìo oten-e la sconda equassion èd

Hamilton.
$$\frac{d}{dt} \langle \hat{p} \rangle = \frac{d}{dt} \int \psi^* \left(-i\hbar \frac{\partial}{\partial x} \right) \psi dx .$$

Se i foma ij cont i podoma vèdde, con ij cont che i stoma nen a fé ambelessi, che da la derivà si dzora as oten zero.

Èl prinsipi èd Ehrenfest a l'é sodisfàit mach se èl potenzial a val zero. Son a dis che l'equassion d'onda èd De Broglie a venta ch'a sia generalisà an manera d'andé bin con qualonque potenzial.

Sta generalisassion a pòrta a na forma dl'equassion d'onda dè Schrödinger, com i vèddroma pì anans si daprés.

Postulà dla dipendenza dal temp

La dipendenza dal temp dl'equassion dè stat Ψ a l'é dàita da l'equassion diferensial :

$$\hat{H} \Psi = \hbar \frac{\partial \Psi}{\partial t}$$

che a l'é l' *equassion dè Schroedinger dipendemt dal temp*.

Pèr na particola costa equassion a diventa:

$$\left[-\frac{\hbar^2}{2m} \nabla^2 + V(x, y, z, t) \right] \Psi = i\hbar \frac{\partial \Psi}{\partial t}$$

Consegoense èd costi postulà (1)

Antant i disoma che costi a son nen tuti ij postulà dla Mecànica quantistica, e a sò temp i vèddroma lòn ch'a manca- As trata èd lòn ch'as arferiss a lè *spin*, un problema che an Fisica Clàssica a-i é nen.

Adèss i vaedoma lòm ch'a ven dai postulà ch'i l'oma vist.

Quantità misuràbij reaj

I l'oma ciamà variàbij dinàmiche ò osservàbij, le quantità che a peulo esse misurà. I lipma vist che ogni bariàbil dinàmica a l'é socià a m'operator. I l'oma vist che le misure che a peulo esse fàite a dan, com arzultà, j'autovalor èd costi operator. che a venta ch'a sio linear e Hermitiaan. Costi autovalor, com i l'oma vist, a son sempe nùmer reaj, e donca a peulo arpresenté grandèssa fisiche.

An efèt n'operator $\hat{\alpha}$ a l'é Hermitian se, com i l'oma vist, a val la relassiom

$$\int \Psi^*(\vec{r}) (\hat{\alpha} \Psi(\vec{r})) d\vec{r} = \int (\hat{\alpha} \Psi(\vec{r}))^* \Psi(\vec{r}) d\vec{r}$$

e se i aplicoma costa relassion a n'autofoncion f e a n'autovalor a dl'operator $\hat{\alpha}$, arcordand che $\hat{\alpha} f = a f$:

$$\int f^*(\vec{r}) a f(\vec{r}) d\vec{r} = \int a^* f^*(\vec{r}) f(\vec{r}) d\vec{r}$$

e da s' a ven che $a^* = a$ e donca a a l'é real.

Autofonsion ortogonaj

Se ψ_1 ; ψ_2 a son doe autofonsion andipendente dl'operator $\hat{\alpha}$, antlora a son ortogonaj.- An efèt se le doe autofonsion a l'han autovalor diferent λ_1 ; λ_2 antlora, da la definission d'operator Hermitian as arcava che

$$\int \psi_1^*(\vec{r})(\hat{\alpha}\psi_2(\vec{r}))d\vec{r} = \int (\hat{\alpha}\psi_1(\vec{r}))^* \psi_2(\vec{r})d\vec{r} \quad \text{na} \quad \hat{\alpha}\psi_1 = \lambda_1\psi_1 \quad ; \quad \hat{\alpha}\psi_2 = \lambda_2\psi_2$$

$$\text{e donca} \quad \lambda_2 \int \psi_1^*(\vec{r})\psi_2(\vec{r})d\vec{r} = \lambda_1 \int \psi_1^*(\vec{r})\psi_2(\vec{r})d\vec{r} \quad \text{na} \quad \lambda \neq \lambda_2$$

$$\text{e donca} \quad \int \psi_1^*(\vec{r})\psi_2(\vec{r})d\vec{r} = 0$$

Se anvece aà son autofonsion (degenerà) con l'istèss autovalor, antlora coste fobsion a peulo esse combinà linearment an manera da oten.e fonsion ortogonaj che a son ancora d0autofonsion. Ambeless' i stoma nen a dèscribe sto procèss, che i vèddrona se e cand a-i na sarà da manca.

Equassion dè Schroedinger

Pont ëd base dla Mecànica Quantistica, i tornroma vaire vire su costa equassion, che i l'oma già ancontrà ant ël postulà dla dipendenza dal temp.

Se l'energia potensial d'un sistema a dipend nen an manera esplicita dal temp, antlora i livéj d'energia total possibij për ël sistema midem a son dàit da l'equassion a j'autovalor, ëdcò ciamà **equassion dè Schroedinger independenta dal temp**:

$$\hat{H}\Psi(q) = E\Psi(q)$$

I vardoma la situassion ant ël cas ëd na partìcola. Per arzolve l'equassion dè Schroedinger dipendente dal temp $\hat{H}\Psi = i\hbar\frac{\partial}{\partial t}\Psi$ i suponoma che la fonsion d'onda complessiva $f(x,y,z,t)$ a peussa esse esprimù ant la forma

$$f(x,y,z,t) = \Psi(x,y,z)\Phi(t)$$

vardand se i podoma separé le variàbij.- An costa ipòtesi i sacrivoma:

$$\hat{H}f = i\hbar\frac{\partial}{\partial t}f \quad \text{donca} \quad \hat{H}(\Psi\Phi) = i\hbar\frac{\partial}{\partial t}(\Psi\Phi) \quad \text{e ncora} \quad \Phi\hat{H}\Psi = i\hbar\Psi\frac{\partial}{\partial t}\Phi$$

e dividend ij doi member për $\Psi\Phi$ i otnoma:

$$\frac{1}{\Psi}\hat{H}\Psi = i\hbar\frac{1}{\Phi}\frac{\partial}{\partial t}\Phi$$

dont ij doi member a son fonsion ëd variàbij andipendente, ël prim a l'é fonsion dla posission e lè scond a l'é fonsion dël temp.

Ij doi member a venta donca che a sio uguaj a l'istessa costant. I l'oma che

$$\frac{1}{\Psi}\hat{H}\Psi = \text{costant} = i\hbar\frac{1}{\Phi}\frac{\partial}{\partial t}\Phi \quad ; \quad \hat{H}\Psi = \text{costant}\Psi \quad ; \quad \text{costant} = i\hbar\frac{1}{\Phi}\frac{\partial}{\partial t}\Phi$$

Se i paragonoma la prima uguagliansa con l'equassion dè Schroedinger independenta dal temp i podoma noté che la costant a l'é nen d'òutr che n'autovalor E dl'energia.

I l'oma donca otnù doe equassion dont la prima, equassion dë Schroedinger independenta dal temp a l'é cola già trovà $\hat{H}\Psi = E\Psi$. mentre la sconda a l'é $E = i\hbar \frac{\partial}{\partial t} \Phi$; $\frac{d\Phi}{\Psi} = \frac{E}{i\hbar} dt$

Arzolvend costa equassion diferensial rispèt a $\Phi(t)$ i otnoma:

$$\Phi(t) = A e^{\frac{Et}{i\hbar}} = A e^{-\frac{iEt}{\hbar}}$$

La fonsiom d'onda completa a arzulta donca:

$$f(x, y, z, t) = \Psi(x, y, z) \Phi(t) = \Psi(x, y, z) A e^{-\frac{iEt}{\hbar}}$$

andova A a val t pèr che f a sia normalisà. I suponoma, an efèt, che la fonsion Ψ a l'abia na soa costant ëd normalisassiom, e A a arzulta anglobà an costa costant. As nòta che $|f|^2 = f f^* = \Psi \Psi^*$

An generak i l'oma:

$$\hat{H}\Psi_i = E_i\Psi_i$$

$$f(x, y, z, t) = \sum_i c_i \Psi_i(x, y, z) e^{-\frac{iE_i t}{\hbar}}$$

andoca c_i a son costant complèsse arbitràrie. An efèt tute le solussion a peulo esse esprimàe coma adission dje stat stassionari.

Densità ëd corent e equassion ëd continuità

I l'oma vist che $|\Psi|^2$ a l'é la densità ëd probabilità per la posission ëd na particola. I consideroma adéss un volum finì V ant lè spassi, e i consideroma la dipendenza dal temp dla grandëssa $\frac{d}{dt} \int_V |\Psi|^2 d^3\vec{r}$. I l'oma:

$$\frac{d}{dt} \int_V |\Psi|^2 d^3\vec{r} = \int_V \left(\Psi^* \frac{\partial}{\partial t} \Psi + \frac{\partial}{\partial t} \Psi^* \Psi \right) d^3\vec{r}$$

e se i consideroma l'equassion dë Schrödinger dipendenta dal temp ch'i l'oma vist prima $\hat{H}\Psi = i\hbar \frac{\partial}{\partial t} \Psi$, i

arcavoma che $\frac{\partial}{\partial t} \Psi = \frac{\hat{H}\Psi}{i\hbar}$ e, pèr la dualità vista a sò temp, a val ëdcò la relassion $\frac{\partial}{\partial t} \Psi^* = -\frac{\hat{H}\Psi^*}{i\hbar}$ complessa

coniugà. L'espression sì dzora, considerand ëdcò $\hat{H} = -\frac{\hbar^2 \nabla^2}{2m}$ a diventa:

$$\frac{1}{i\hbar} \int_V \left[\Psi^* \left(-\frac{\hbar^2 \nabla^2}{2m} \Psi \right) - \left(-\frac{\hbar^2 \nabla^2}{2m} \Psi^* \right) \Psi \right] d^3\vec{r}$$

A l'é fàcil vèdde (a basta fé ij cont) che costa espression a peul esse scrivùta coma

$$\frac{1}{i\hbar} \int_V \left[\nabla \cdot \left\{ \Psi^* \left(-\frac{\hbar^2 \nabla}{2m} \Psi \right) \right\} + \nabla \cdot \left\{ \left(\frac{\hbar^2 \nabla}{2m} \Psi^* \right) \Psi \right\} \right] d^3\vec{r}$$

A sta mira i ciamoma "**densità ëd corent (ëd probabilità)**" e indicoma con \mathbf{j} ël vetor:

$$\vec{j} = \frac{i\hbar}{2m} \left[(\nabla \Psi^*) \Psi - \Psi^* \nabla \Psi \right]$$

e an definitiva i l'ona che nòstra espression ëd partensa a dventa:

$$\frac{d}{dt} \int_V |\Psi|^2 d^3\vec{r} = - \int_V \nabla \cdot \vec{j} d^3\vec{r} = - \oint_S \vec{n} \cdot \vec{j} dS$$

andova l'ùltima ugualiansa a ven dal teorema ëd Gauss . A l'é evident ël paralçl con ël flux d'un flùid-

I notoma che tut sòn a val p-er qualonque volum finì considerà, e donca a val ëdcò për ël volumet ekementar infinitésim local, e donca i podoma scrive che:

$$\frac{d}{dt} |\Psi|^2 = - \nabla \cdot \vec{j} \quad \text{vis-a-di} \quad \frac{d}{dt} |\Psi|^2 + \nabla \cdot \vec{j} = 0$$

e costa a l'é l' *equassion ëd continuità*.

Prinsìpi d'indeterminassion ed Heisemberg

I stoma sempe tratand dle consegoense dij postulà, na i butoma an particolar evidensa costa consegoensa, che a l'é un prinsìpi 'd base dla Mecànica Quantìstica.

A l'é possibil conosse a l'istéss temp e con precision doe variàbij dinàmiche mach se ij corispondent operator a còmuta.

I consideroma doe variàbij a e b dont j'operator a sio $\hat{\alpha}; \hat{\beta}$. Se le doe variàbij a deuvo esse conossùe com precision e ant l'istéss temp, a venta che a-i sia na fonsion d'onda Ψ tala che:

$$\begin{aligned} \hat{\alpha}|\Psi\rangle = a|\Psi\rangle &\Rightarrow \hat{\beta}\hat{\alpha}|\Psi\rangle = \hat{\beta}a|\Psi\rangle \quad \text{ma} \quad \hat{\beta}a|\Psi\rangle = a\hat{\beta}|\Psi\rangle = ab|\Psi\rangle \\ \hat{\beta}|\Psi\rangle = b|\Psi\rangle &\Rightarrow \hat{\alpha}\hat{\beta}|\Psi\rangle = \hat{\alpha}b|\Psi\rangle \quad \text{ma} \quad \hat{\alpha}b|\Psi\rangle = b\hat{\alpha}|\Psi\rangle = ba|\Psi\rangle \end{aligned}$$

e donca as peul vèdde che

$$\hat{\alpha}\hat{\beta}|\Psi\rangle = \hat{\beta}\hat{\alpha}|\Psi\rangle \Rightarrow \hat{\alpha}\hat{\beta} = \hat{\beta}\hat{\alpha} \Rightarrow \hat{\alpha}\hat{\beta} - \hat{\beta}\hat{\alpha} = 0 = [\hat{\alpha}, \hat{\beta}]$$

e donca ël comutator dij doi operator a val zero e ij doi operator a còmuta. Nen tuti j'operator a còmuta, e për sòn a basta vardé j'operator dla posission e dl'impuls. I lioma:

$$\begin{aligned} \hat{x}\hat{p}_x\Psi &= -i\hbar x \frac{\partial}{\partial x}\Psi \\ \hat{p}_x\hat{x}\Psi &= -i\hbar \frac{\partial}{\partial x}(x\Psi) = -i\hbar\Psi - i\hbar x \frac{\partial}{\partial x}\Psi \\ [\hat{x}, \hat{p}_x]\Psi &= (\hat{x}\hat{p}_x - \hat{p}_x\hat{x})\Psi = i\hbar\Psi \quad \text{donca} \quad [\hat{x}, \hat{p}_x] = i\hbar \end{aligned}$$

A-i son donca ëd conie 'd variàbij che a- diso Coniugà, e cobie che anvece a son nen coniugà.

Formulassion dël prinsìpi

Ant un sistema che as treuva ant n'è stat arbitrari Ψ , doe osservàbij fisiche qualomque a e b a peulo nen esse misurà ant l'istéss moment e con precision se ij corispondent operator $\hat{\alpha}; \hat{\beta}$ a còmuta nen.

La variansa a l'é na grandèssa che a dà n'idèja dla precision ëd na misura. Butoma che $\sigma_a; \sigma_b$ a sio le varianse dj'arzultà dle misure dle variàbij a e b . As peul dimostré che:, se $\hat{\alpha}; \hat{\beta}$ a son ij corispondent operator:

$$\sigma_a \sigma_b \geq \frac{1}{2} \left| \langle \Psi | [\hat{\alpha}, \hat{\beta}] | \Psi \rangle \right| = \frac{1}{2} |[\hat{\alpha}, \hat{\beta}]|$$

e fonca se òl comutator a val sero, òl prodòt dle varianse a peul esse cit con as veul e, an teoria, rivé a zero. Se anvece òl comutator a l'ha un valor diferent da zero. antlora a-i é un limit inferior finì al prodòt dle varianse.

Se i suponoma che a a sia la poission x e che b a sia la component dl'impuls p_x i l'oma

$$\sigma_x \sigma_{p_x} \geq \frac{1}{2} |i\hbar| = \frac{1}{2} \sqrt{-i\hbar \cdot i\hbar} = \frac{\hbar}{2}$$

I arportoma un pàira èd manére teòriche èd verifiché sto prinsipi.

Eletron localisà da na filura.

Un-a dle manere clàssiche 'd verifiché sto prinsipi a lé col dl'eletron localisà da na filura, com arportà an figura 23.




Figura 23 - Prinsipi d'indeterminassion, n'esempi

Suponoma che l'impuls a sia nen modificà coma mòdul, l'eletron a l'avrà na component dl'impuls ant la diression y che a sarà $p_y \approx p \cdot \sin \alpha$. Pèr misuré quant a val p_y a venta conòsse l'àngol α . Se as cheuj l'eletron an 's në scherm daré dla filura as peul trové sto àngol α .

Èl problema a l'é che an sle scherm as forma na figura 'd difrassion, e la màssima precision che as peul oten-e an costa misura a corispond a n'àngol che a l'é $\alpha \approx \frac{\lambda}{d} = \frac{h}{p d} = \frac{h}{p \Delta y}$ antlora i l'oma $\Delta p_y \approx p \alpha \approx \frac{h}{\Delta y}$ e da sù as treuva che $\Delta p_y \Delta y \approx h$.

Microscòpi èd Heisemberg

I suponoma un sistéma èd misura teòrich coma col arpresentà an figura 24, andova i l'oma n'ipotétich microscòpi bon a fé vèdde j'eletron. Pèr podej vèdde e localisé l'eletron, un foton a riva normal a l'ass èd l'obietiv, e a ven difondù da l'eletron andrinta a l'obietiv. Da l'òtica i savoma che la risolussion orisontal a l'é dàita da la fòrmula $\Delta x \approx \frac{\lambda}{\sin \alpha}$, andova λ a l'é la longhèssa d'ònda dla lus dovrà, e α l'overtura angular dl'obietiv.

Ma ant la misura l'eletron a arsèiv n'impuls dàit da la lus devià ant l'obietiv. La diression dèl foton a l'é conossù mach con l'aprossimassion dàita da l'àngol α , e donca la component orisontal dl'impuls a l'avrà 'dcò chièl n'indeterminassion $\Delta p \approx \frac{h\nu}{c} \sin \alpha = \frac{h}{\lambda} \sin \alpha$.

Se antlora i foma 'l cont dl'indeterminassion i l'oma $\Delta x \cdot \Delta p = \frac{\lambda}{\sin \alpha} \frac{h}{\lambda} \sin \alpha = h$




Figura 24 - Microscòpi ëd Heisemberg

Variàbij compatibij

A ven-o ciama variàbij **compatibij** cole che a peulo esse misurà ant l'istèss moment e an manera precisa (donca as trata ëd variàbij nen coniugà). A son compatibij, pr'esempi, le component dla posission, opura le component dl'impuls, opura combinassion coma pr'esempi (x, y, p_z) e via fòrt.

N'ansema 'd variàbij compatibij misurà su un sistema as dis **complèt** se tute j'àutre variàbij compatibij con ognidun-a con le variàbij dl'ansema a peul esse trovà coma fonsion ëd cole conossùe. Sòn a l'é 'l màssim ëd lòn che as peul savèj su col sistema.

As diso anvece variàbij **complementar** doe variàbij nen compatibij, ant ël sens che a peulo nen esse misurà da l'istèss dispositiv sperimenta. A son complementar variàbij coma x e p_x , che a son dovrà an fisica clàssica, pr'esempi, da j'equassion canòniche.

Se un sistema a l'é isolà e as conòss soa fonsion d'onda ant un dàit temp, as peul trovè la fonsion d'onda a un temp sucessiv, e as peul dì che 'l comportament a l'é deterministich, ma se as preuva a fé na misura, lè strument ëd misura a introduv na pèrturbassion che a pòrta 'l sistema ant nē stat pì nen conossù. Com i l'oma vist prima, sòn a val ëdcò për la conossensa dle condission inissiaj.

Indeterminassion arcavà da na fonsion d'onda

I podoma consideré na partìcola dèscrivù da la fonsion d'onda, $f(\mathbf{r}, t)$ complèssa, dont ël quadrà a l'é integràbil e normalisàbil, $\int |f(\mathbf{r}, t)|^2 d\mathbf{r} = 1$. Sta fonsion a l'é 'dcò ciama "pachet d'onde", e a dèscriv l'aspèt ondulatòri dla partìcola, mentre l'aspèt corpuscolar a l'é dèscrivù da l'interpretassion ëd Born dla fonsion d'onda. Cand as fa na misura ed posission ëd na partìcola, i la trovoma ant un precis pont, ma prima dla misura i l'avio la probabilità ëd trovela an qualonque pont \mathbf{r} con na probabilità $|f(\mathbf{r}, t)|^2$.

Vardoma antlora com as peul arcavé, senza intré ant le dimostrassion e an manera teòrica, da la fonsion d'onda midema l'indeterminassion an sla misura ëd doe variàbij coniugà coma x e p_x (is butoma ant na sola dimension). I consideroma na fonsion d'onda teòrica che a dipenda mach da la variàbil x .

$$f(x) = A e^{-x^2/4a^2}$$

andova A a l'é la costant ëd normalisassion che a val $A = (2\pi a^2)^{-1/4}$. La densità ëd probabilità $|f(x)|^2$ a arzulta na gaussian-a sentrà an sl'òigin.

I pijoma lè scart quadràlich medi Δx coma indeterminassion dla x . Fasend ij cont, che ambelessi i stoma nen a fé, i trovoma che $\Delta x = a$.

La fonsion $f(x)$ a peul esse svilupà ant l'integral ëd Fourier second la fòmula:

$$f(x) = \frac{1}{\sqrt{2\pi}} \int_{-\infty}^{+\infty} F(k) e^{ikx} dk$$

che a dis che la fonsion d'onda che i l'oma suponù a peul esse considerà na combinassion linear continua d'onde con ampiëssa $F(k)$ e nùmer d'onda $k = \frac{2\pi}{\lambda}$.

Mersì a la fòmula ëd Parseval, i podoma interpreté $|F(k)|^2$ coma la densità ëd probabilità ëd trovè la particola con nùmer d'onda k vis-a-di, second la relassion ëd deBròglie, con n'impuls $p_x = \hbar k$.

La fonsion $F(k)$ a l'é la trasformà ëd Fourier dla $f(x)$ e a arzulta, a cont fàit :

$$F(k) = \sqrt{2} A a e^{-k^2 a^2}$$

che a l'é torna na gaussian-a sentrà an s'l'origin e che a l'avrà coma scart quadràlich medi $\Delta k = \frac{1}{2a}$. Donca i

l'oma che $\Delta p_x = \hbar \Delta k = \frac{\hbar}{2a}$ e, a la finitiva, $\Delta x \Delta p_x = a \hbar \Delta k = \frac{\hbar}{2}$.

As conòss che na fonsion coma costa a dà ël minim dl'indeterminassion. për j'òutre fonsion a venta scrive che $\Delta x \Delta p_x \geq \frac{\hbar}{2}$, contut ch'i l'oma vist prima d'esempi ëd misure con indeterminassion pì gròssa.

Consegoense dël prinsipi d'indeterminassion

Comensoma a noté che, fin-a a cand la costant ëd Planck a peul esse considerà cita, a venta che le lèj dla Mecànica Quantistica a coincido con cole dla Mecànica Clàssica, a meno ëd quantità ch'a sio d'autut trascuràbij. An termo matemàtich i podoma scrive, për el prinsipi d'indeterminassion:

$$\Delta x \cdot \Delta p_x \geq \hbar/2$$

$$\Delta y \cdot \Delta p_y \geq \hbar/2$$

$$\Delta z \cdot \Delta p_z \geq \hbar/2$$

andova la costant $\hbar = \frac{h}{2\pi} = 1,05457 \cdot 10^{-34} [J \cdot s]$ a l'é la "**costant tajà ëd Planck**". An realità la disugualiansa

$\Delta q \cdot \Delta p \geq \hbar/2$ a val për qualonque cobia ëd variàbij canòniche complementar, nen misuràbij ansema con precision.

Fra le cobie che a peulo nen esse conossùe con precision a-i é ël valor dl'energia ëd në stat e 'l temp ëd permanensa an col ëstat. I l'oma donca 'dcò che $\Delta E \cdot \Delta t \geq \hbar$. A-i é 'dcò posission angolar e moment angolar, e via fòrt. Sòn i lo vëddroma dòp.

Ant le misure macroscòpiche la pèrturbassion provocà da la misura midema a l'é sens'àutr trascuràbil. Ant ij procèss microscòpich a val ël determinism clàssich se 'l sistema a l'é lassà nen disturbà, mentre con na misura as càmbia la situassion dël sistema. As podria dì che ël prodòt $\Delta q \cdot \Delta p \geq \hbar$ a arpresenta na surfssa ideal ant ël pian (ancora pì ideal) q, p con un valor costant. Se con na precisa misura as riva a strenze l'incertëssa Δq , l'incertëssa Δp a venta ch'a chërsa . perchè ël prodòt $\Delta q \cdot \Delta p$ a peul nen andé sota ij valor ch'i l'oma dit. Sòn a l'é schematisà an figura 25.




Figura 25 - Prinsipi d'indeterminassion

An mecànica clàssica na grandèssa fisica \mathcal{A} as dis "**variàbil dinàmica**" e as esprim coma fonsion dle coordinà canòniche q e p , vis-a-di $\mathcal{A}(q, p)$. A l'é ciàir che, an mecànica quantistica, dal moment che q e p a son nen compatìbij, costa espression dla variàbil a peul nen avèj l'istèss significà. Na variàbil parèj a peul mach esse misurà an manera dirèta.

Se peui i consideroma j'equassion canòniche

$$\begin{cases} \dot{q}_i(t) = \frac{\partial H(q, p)}{\partial p_i} \\ \dot{p}_i(t) = -\frac{\partial H(q, p)}{\partial q_i} \end{cases} \text{ i podoma vèdde che coste equassion a}$$

peulo esse integrà, e an costa manera a sarìa conossù el moviment con precision, bastamach che a sio conossùe le condission inissiaj $q_i(0)$ e $p_i(0)$. Coste però a peulo nen esse conossùe pèr el prinsipi d'indeterminassion, e el moviment a resta indeterminà.

L'istèss discors a val pèr la trajetòria, che a l'ha equassion paramétriche $q_i = q_i(t)$, ma che a l'ha da manca dle condission inissiaj pèr esse determinà. A venta peui ten-e cont che se as fa na misura pèr determiné la posission as pèrd l'informassion an s'impuls.

An efèt, i podoma consideré coma esempi l'àtomo d'idrògen second el modél ed Bòhr, ant lè stat fundamental.

El modél a l'ha sens se i soma bon a anmaginé d'osservé l'eletron an s'òrbita ed ragg r . I suponoma ed podèj determiné la posission x an manera che $\Delta x \ll r$. Se i lassoma p_x indeterminà, an manera che se p a l'é 'l mòdul dl'impuls, i'avroma che $\Delta p_x \cong p$. L'indeterminassion ed Heisemberg a dis che $\Delta x \Delta p \cong \Delta x p \geq \hbar/2$, e donca a ventria che a podèissa esse $pr \gg \hbar$. Ma i l'oma che pr a l'é el moment angular d'eletron, che a val $pr = n\hbar$, e a ventria che a fussa $n \gg 1$, ma i savoma che n a l'é el nùmer quàntich prinsipal, che ant lè stat fundamental a val 1, e donca la condission a peul nen esse sodisfàita, e donca l'òrbita a l'é nen osservàbil, e donca a l'ha nen un sens fisich el parlene.

Indeterminassion Energia-Temp

Costa a l'é n'indeterminassion che a peul esse indicà coma $\Delta E \Delta t \geq \hbar/2$. As trata però ed na còsa bin diferenta da l'indeterminassion ch'i l'oma vist prima. An efèt as trata nen ed doe variàbij dinàmiche dèl sistema, pèrchè el temp a l'é un paràmeter.

Costa indeterminassion a l'é da ten-e an considerassion an vaire soget dla mecànica quantistica, e fra costi col dle pèrturbassion dependent dal temp. As fà sente cand a venta determiné un livél d'energia dèl sistema e 'l temp ed permanensa an col livél, e via fòrt.

A sta mira sti studi a son fòra ed nòstr but, i tornroma an sèl sogèt se e cand a sarà necessari, e ambelessi i foma giusta n'esempi sempj che a peul buté an evidensa costa indeterminassion.

I supponoma donca un pachet d'onde $\psi(x)$, socià a na particola libera, che a l'abia n'estension ed Δx e na velocità ed grup $v = \partial E / \partial p$. I podoma di che el temp ed passagi ant un pont a l'é determinà con n'incertèssa $\Delta t = \Delta x / v$. Sto pachet a l'ha 'dcò na dàita estension ant lè spassi dij'impuls che a sarà Δp , e donca i l'avroma

$$\Delta E \cong \frac{\partial E}{\partial p} \Delta p = v \Delta p \cong \frac{\Delta x}{\Delta t} \Delta p$$

ma i l'oma che l' prinsipi d'indeterminassion a dis che $\Delta x \Delta p \geq \hbar/2$ r donca

$$\Delta E \cong \frac{\Delta x}{\Delta t} \Delta p \geq \frac{\hbar}{2 \Delta t} \quad \text{e donca} \quad \Delta E \Delta t \geq \hbar/2$$

An spetroscopià, andova as misura na frequensa che a deriva dal passagi da un livél ecità d'energia al livél fundamenta, l'indeterminassion a l'é anlià a la permanensa ant lè stat ecità. Për adèss i andoma nen pì an là ant el probléma.

St'indeterminassion a dipend motobin da la situassion fisica considerà. I podoma pr'esempi vèdde la còsa an costa manera. I supponoma d'esse ant nē stat che a l'ha un dàit temp ed vita Δt . I arscrivoma la relassion sù dzora coms $\sigma_E \Delta t \geq \hbar/2$, andova σ_E a l'é l'incertèssa dl'energia dlè stat midem.

An spetroscopià as misura un sàut d'energia fra un livél àut e un livél bass, travers la frequensa dij foton emèttà. second la relassion $E = h\nu$.

I l'avroma donca che l'incertèssa dl'energia as arbat an sl'incertèssa dla frequensa second la relassion $\sigma_E = h\sigma_\nu = 2\pi\hbar\sigma_\nu$. La relassion ch'i l'oma scrivù pèr l'energia e el temp a diventa :

$$2\pi\hbar\sigma_\nu \Delta t \geq \hbar/2 \quad ; \quad \sigma_\nu \Delta t \geq \frac{1}{4\pi}$$

Pi la permanensa ant lè stat ecità a l'é curta e manch a sarà la precision dla misura.

Consegoense dij postulà (2)

I arpijoma la lista dle condegoense dij postulà e dij prinsipi ch'i l'ona vist fin-a adèss

Ansema complèt e ortonormal dj'autofonsion

J'autofonsion d'ogni oprtator socià a na variàbil osservàbil a fan un sistema complèt e ortonormal.

Pèr nòstr but i disoma che un sistema ed fonsion Ψ_i con dàite carateristiche a l'é complèt se qualonque fonsion f che a l'abia j'istesse carateristiche a peul esse esprimù coma combinassion linear dle fonsion dèl sistema midem. Vis-a-dì che

$$f = \sum_i c_i \Psi_i$$

andova ij c_i a son scalar.

Sòn a veul di che çgni combinassion linrar ed n'ansema d'autofonsion degenerà a l'é 'ncora autofonsion con l'istèss autovalor.

I podoma vèdde col ch'a l'é l'efèt ed n'operator aplicà a na fonsion d'onda che sia nen n'autofonsion dl'operator midem, Pèr sòn i consideroma el valor spetà dl'operator.

I l'oma un sistema fisich che a l'é dèscrivù da na fonsion d'onda Ψ_i che a l'é nen n'autofonsion dl'operator \hat{a} che a soa vira a l'ha n'ansema complèt e ortonormal d'autofonsion Φ_i .

Da lòn ch'i l'oma vist s' dzora, i podoma dì che $\Psi = \sum_i c_i \Phi_i$, e òl valor spetà dla variàbil a socià a $\hat{\alpha}$

a sarà dàit da :

$$\begin{aligned} \bar{a} &= \langle \Psi | \hat{\alpha} | \Psi \rangle = \left\langle \sum_i c_i \Phi_i \left| \hat{\alpha} \right| \sum_i c_i \Phi_i \right\rangle = \sum_i \sum_j c_i^* c_j \langle \Phi_i | \hat{\alpha} | \Phi_j \rangle = \\ &= \sum_i \sum_j c_i^* c_j \langle \Phi_i | a_j | \Phi_j \rangle = \sum_i \sum_j c_i^* c_j a_j \langle \Phi_i | \Phi_j \rangle = \sum_i \sum_j c_i^* c_j a_j \delta_{ij} = \\ &= \sum_i c_i^* c_i a_i = \sum_i |c_i|^2 a_i \end{aligned}$$

- I l'oma che ògni misura dla variàbil corispondenta a l'operator $\hat{\alpha}$ a darà un dj'autovalor a_i
- Èl valor medi dla misura a l'é na media peisà su ij $c_i^* c_i$ dj'autovalor a_i
- Ògni $|c_i|^2$ a dà la peobabilità èd trovè, ant na misura, èl corispondent autovalor a_i .
- $|c_i|^2$ a l'é la probabilità èd trovè èl sistéma ant lè stat Φ_i .

I soma partì conossend la fonsion d'onda Ψ dèl sistema e j'autofonsion Φ_j dl'operator $\hat{\alpha}$. A sya mira ij valor c_i a venta che a sio trovà. I l'oma :

$$\begin{aligned} c_i &= \langle \Phi_i | \Psi \rangle \quad \text{an efèt a l'é} \\ \langle \Phi_j | \Psi \rangle &= \left\langle \Phi_j \left| \sum_i c_i \Phi_i \right. \right\rangle = \sum_i c_i \langle \Phi_j | \Phi_i \rangle = \sum_i c_i \delta_{ji} = c_j \end{aligned}$$

Sòn a dis che la fonsion d'onda Ψ a peul esse "spantià" an sle autofonsion Φ_j , che a son ij sò vetor component, che a son dit "*stat pur*".

Prinsipi èd dzorposission

Lòn ch'i l'oma dit sì dzoa a giustifica col che a ven ciamà el *prinsipi èd dzorposission* che a dis che *se un sistema quantistich a peul trovésse ant jè stat fisich dèscrivù da le fonsion d'onda Ψ_1 e Ψ_2 , antlora a peul èdcò trovésse an tuti jè stat fisich dèscrivà da le combinassion linear $\lambda_1 \Psi_1 + \lambda_2 \Psi_2$ andova λ_1 e λ_2 a son costant complésse.*

La fonsion d'onda Ψ , ch'òi l'oma vist prima, a peul esse considerà coma na dzorposission dè stat possibij pèr èl sistema quantistich.

Operator che a còmuta

Se doi operator $\tilde{\alpha}$ e $\tilde{\beta}$ a còmuta, antlora as peultrovè un sistema complet èd fonsion che a sio autofonsion èd tuti doi j'operator

Al contrari, se se un sistema complet èd fonsion a l'é un sistema complet d'autofonsio tant dl'operator $\tilde{\alpha}$ coma dl'operator $\tilde{\beta}$, antlora j'operator $\tilde{\alpha}$ e $\tilde{\beta}$ a còmuta.

Prinsipi èd corispondensa èd Bohr

Sto prinsipi a dis che cand la costant èd Planck h a diventa motobin pì cita rispèt al valor dle grandèsse an gieugh, sò efèt a diventa trascuràbil. An pràtica, pasand dal livèl nuclear e atòich a dimension sempe pì macroscòpich j'arzultà dla tratassion quantistica a tendo a coincide con j'arzultà dla tratassiom clàssica.

I podoma 'dcò dì che un pachet d'onda bin definì as bogia second le lèj dla mecànica clàssica, relative a la partìcola che a arpresenta. An efèt i lioma:

Second èl teorema èd Ehrenfest èl valor medi ò valor spetà dl'impuls èd na partìcola a l'é:

$$\langle \dot{p} \rangle = m \frac{d\langle x \rangle}{dt} \quad ; \quad \frac{d\langle p \rangle}{dt} = - \left\langle \frac{dV}{dx} \right\rangle = \langle F \rangle$$

che a son na generalisassion ant l'anviron quantistich dle espression clàssiche.